

ÆSOPÌ PHRYGÌS FABULÆ,

Jam recenter ex collatione optimorum Exemplarium emendatiùs excusæ.

Unà cum nonnullis variorum Authorum Fabulis adjunctis.

Et Indice correctiori præfixo.



L O N D I N I,
Ex Typographia Societatis Stationariorum.
M D C L X X X I.


COPIES OF THE

ALBU

of the
and
of the

of the
of the

of the
of the



of the
of the
MCC

Jan. 1970
Thurs. 397/11A
17 Dec. 1970

ÆSOPI Vita brevissimè ex Maximo
Planude selecta.

Rerum humanarum naturam persecuti sunt & alii, & posteris tradiderunt: Æsopus verò videtur non absque divino affatu, cum moralem disciplinam attigisset, magno intervallo multos eorum superasse. Genus quidem traxit ab Amthorio, oppido Phrygiæ, cognomento Magnæ, sed fortuna fuit servus: verum servitus non potuit animum ejus liberum corrumpere. Fuit autem non solum servus, sed & deformissimus omnium suæ ætatis hominum: nam acuto fuit capite, preffis naribus, depresso collo, prominentibus labris, niger, unde & nomen adeptus est, ventrosus, valgus & incurvus, & quod erat omnium pessimum, tardiloquentia, & voce obscura simul & inarticulata, quæ omnia servitutem ei parasse videre possunt. Sed cum tali esset, tamque deformi corpore, animo tamen fuit natura solertissimo, & ad omne commentum felicissimo. Homo igitur tam deformis ad fodiendum agrum ab hero suo immittitur; quo digressus alacriter operi incumbbat. Cumque ejus domino ficus agricola quidam dono dedisset, ejus dominus servo cuidam Agathopo domum ferendas commisit. Qui Agathopus consilium iniit cum servo, ut ipsas ficus illicite devorarent, causarenturque postea Æsopum furto ablatas edisse ut hero domum redeunte accusaretur. Æsopo parantur flagra, procumbit ad heri pedes miser, dilationem petit: quæ impetratâ aquam calidam affert, cujus partem ebibit, reliquam propinat conservis. Æsopus præter aquam nihil evomit: servi una cum humore ficus in terram ejiciunt. Nuda nebulones flagro misere conciduntur, laudato mirificè ingenio Æsopi. Cum sacerdotes Dianæ convenissent Æsopum, rogassentque ut viam illis monstraret quæ in urbem ducebat: is prius frugali cæna refocillatos in viam dux ipse ducit. Ob quam hospitalitatem sacerdotes precibus orant Dianam, ut ipsa gratiam referat homini tam benè de ipsis merito. Quo factio reversus Æsopus, in somniumque lapsus, visus est videre Fortunam astare sibi, solventem ejus linguam, atque fabularum largientem doctrinam. Quare mirificè letatus, Æsopus, expergiscitur, beneficiūque in hospitalitatis observationem rejicit. Non enim amplius loquendo tardus erat, sed lingua soluta expeditè loquebatur.

Quod cum Zenas quidam agri praefectus intellexisset, timens ne quando iniquitatis apud dominum ab Aesopo accusaretur, hominem praemonis, atque gravissima accusatione in odium domini induxit, adeo ut eidem Praefecto ab Hero Aesopus traderetur. Cuiusque in potestate Zenas foret, Aesopus, convenit Zenam, mercator quispian, rogans, num jumentum aliquod velit divendere. Respondit Zenas, Jumentorum se potestatem non habere: verum Aesopum monstrat si hunc velit, adesse quidem. Quem cum vidisset mercator: unde hac tibi illa, inquit, ante truncus est, vel homo? Ni vocem emitteret, utrem inflatum arbitrarer; atque indignatus abiit. Aesopus ipsum sequens, mane, inquit. Ille vero conversus, Abi, inquit, sordidissime canis. At Aesopus inquit, Erre me, mercator; non inutile tibi sunt futurae mancipium nam tibi domi sunt mali pueri, & in otio stantes; his me praefice paedagogum, omnino eis ero pro larva. Ridens igitur mercator, ad Zenam dicit, Quanti vas hoc malum vendis? Ille Tribus ait obolis. Mercator tres obolos expauens. Nihil emi, inquit, nihil exposui. Mercator ille cum Ephesi reliqua vendidisset mancipia, tres remiserant illi; Grammaticus, Cantor, & Aesopus. Quos cum ille requirit divendere, summum petit, atque ubi exposisit his tribus, Grammatico & Cantore egregie ornatis, Aesopo vero in medio sordidissimo stante, venit Philosophus Xanthus; atque hoc tunc praebe constans, mercatoris commentum miratus est, cur nam inter duos bellissimos juvenes tam sordidam statuisset komunciam. Xanthus igitur percentatur Cantorem cuius esset. Respondit, Cappadoc sum. Quid scires, Respondit, omnis: Quo di foret? Aesopus. Quaeris & a Grammatico Xanthus cuius esset, Dixit se Lydium esse: Quid facere scires rogante Xantha, Omnia, inquit Grammaticus; atque iterum risit. Aesopus. Discedente Xantho rogant discipuli, ut Aesopum emat, nam reliqua nimis magno pretio aestimarat mercator. Veniens ad Aesopum Xanthus, rogat, Unde sit; Nigrum se esse respondit. Ille vero, non hoc valebam, ait, sed, Unde natus sis: ait Aesopus, Ex ventre matris meae. Non hoc dico, inquit Xanthus, sed, In quo loco natus sis: Aesopus respondit, Matrem non denunciassse sibi, at in sublimi vel humidi loco eum gennerit. Xanthus, Quid facere scires, percentatur: & ille, Nihil. Quomodo? dixit Xanthus Quoniam hi duo se omnia professi sunt nisse;

nōsse; mihi verò nihil reliquerunt. Laudatus est multis modis *Æsopus* à Scholasticis ob hoc responsum, quoniam nullus sit uspiam inter mortales, cui cognita exploratæque sunt omnia. *Xanthus* empturus *Æsopum* dixit, Si emero te, anne es fugiturus? Cui *Æsopus* respondebat, Hoc si facere volueris, haudquaquam te uterer consultore. Quæ cum maxime placuissent *Xantho*, subintulit, Sed deformis es. Atque ille respondit, O Philosophæ, non faciem, sed mentem oportet inspicere. *Xanthus*, soluto à Scholasticis pretio, *Æsopum* accipit. Interea ambulandum igitur, cum sol esset ardentissimus, *Xanthus* meiorbat nihilominus iter peragens. Id animadvertens *Æsopus*, dixit se confestim fugiturum *Xantho*. Cur nam id facere vellet, exquirente, Quoniam, inquit, si tu, cum herus sis, nature non potes morem gerere; quid seruo mihi faciendum est nam si ad ministerium aliquod mitterer, num inter volandum cacare deberem? Post hæc, accidit *Xanthum*, die quodam amicos ad convivium invitasse, quibus rem gratam facturum, *Æsopo* mandat, ut lentem coquat. Commode paratâ & coctâ, *Xanthus* eam jubet afforri, *Æsopus* iussu exsequitur. *Xanthus* lente accepta probaturus anne cocta foret satis, digitis eam attrivit: & multas adhuc superesse putans, iussit *Æsopum* afferre. Præter aquam is nihil adportavit. *Xantho* graviter indignante, quod lentes non apponeret mensæ, respondet, Se veluti iussisset, non lentes, sed lentem, coxisse. Referuntur sententiæ aliquot *Æsopi* elegantissimæ, hæc videlicet:

Deum ante omnia cole. Mulieri nunquam credas secreta.
Regem honora. Ne pudeat te semper dicere me.
Bene agentibus ne invide. Fac quæ non increscant. (lira.
Lingux continens esto. Bonum esse non te peniteat.

Æsopus cum apud Samios ageret, libertate donatus est: missisque *Creso* regi bellum cum Samiis agenti, is sua cum prudentia tam urbanitate, effecit, ut Samiis placatus rex conciliaretur. Samii multis honoribus redeuntem *Æsopum* exceperunt: qui, descendens ex insula orbem peragravit: cui maximam familiaritatem fuisse memorant cum *Lycero* rege, à quo statua aurea *Æsopi* iussu est erigi. Deinde, peragratâ Græciâ, Delphos per venit, à quibus nullo affectus est honore, sed ab ipsis post salutaria præcepta, rupe præcepti devolutus, mortuus est: cujus mors, gravi pestilentia ulta, injustè occisi *Æsopi* indicium Delphis exhibuit.

*Martinus Dorpius, Joanni Leupi, Jacobo Papa, & Joanni
Ninivite, eruditissimis in Flandria Ludimagistris. S.*

EQuidem in ea & sum & fui semper sententia, Viri ornatissimi, quam mutare nullus queat, sed nec velim, ut impendio plus nutantibus literis consultum putem ab eruditis aliquot nost-â memoria viris, qui classicos auctores castigatè ediderunt, quam à quibusdam gloriæ aucupibus (nam alios raceo) qui commentariorum latifundiis omnia occuparunt. Ecquis enim non eo nomine Alanum Romanum suspicit, amat, prædicat? Hæc mecum identidem reputans, ausus sum & ipse quiddam minus, pene dixerim, minimum, nempe fabulas Æsopicas rursus emittere, non carmine quidem illas subrustico conscriptas, sed prosa oratione mirum quam lepido concinnatas; utpote à Guliel. Gaudano tanto viro ut ab Erasmo mco, literatorum quasi Phœnice, serio sit laudatus. Eam opellam vobis ingeniosæ Flandrorum juventutis præceptoribus nuncupatam dedico, eo utique spectans, ut scholastici vestri hoc levigatorio omnem tenellarum linguarum stribiginem prius abradant, quam Lilianum nostrum vetus, atque adeo primum apud Lovanienses politioris literaturæ domicilium profecti, Philosophiæ intrentur. Adjeci pauca ex Gellio, Politiano, Petro Crinito; sed selecta. Quod si genio quopiam aspirante levis hæc alca feliciter ceciderit, plusculum aliquando & quædam mea futura, quæ interim parturio, pariam: dialogos, carmina, prologos in actiones Plautinas, complementum Aululariæ, atque id genus alia. Cur enim quæso non ausim? Quoniam abstergeor. Auxilio videlicet fretus Theseo quondam vestri nunc & mei Nicolai Ruscoducensis, viri (quem tacente me, ipsi probè nostis) exquisitè docti, sive philosophicas fabulas requiratis, sive venustioris dictionis lautitias, & amici, candidi, sinceri, humani, qui curam hujus editiunculæ in se omnem derivavit, in reliquis idem (quæ est hominis vigilantia) lubens obiturus. Rideri interim ab istis amulis, sinistra Minerva natis, hoc vero mihi palmarium; quando sui similes, & omnes & solos in cælum ferre destinaverunt. Valete, Lovanii, ex nominatissimo Lilianorum Gymnasio, ad 10 Kal. Dec. E X

E X

PHILOSTRATI

IMAGINIBUS.

FAbulæ se ad Æsopum, suâ in eum benevolentia conferunt, quod satagit sui : Fabula quippe & Homero, & Hesiodo, nec non & Archilocho in Lycambem curæ fuit: sed ab Æsopo humana omnia ad fabulas redacta sunt, sermone brutis non temere impertito. Nam & cupiditatem tollit, & libidinem insectatur & fraudem. Atque hæc ei Leo quispiam agit, & vulpes; & per Jovem nec equus, nec testudo muta; ex quibus pueri discant, quæ in vita gerantur. Habentur igitur in pretio fabulæ propter Æsopum, accedunt ad januam docti hujus, vittis eum devincturæ, coronæque oleaginâ coronaturæ. Hic (ut puto) fabulam aliquam texit: risus enim faciei & oculi in terram defixi, id præ se ferunt: Pictorem, fabularum curas remissiore animo indigere non latuit. Philosophatur autem pictura, & fabularum corpora: Bruta enim cum hominibus conferens, coetum circa Æsopum statuit ex illius scenâ confictum. Chori dux vulpes depicta est. Utitur enim ea Æsopus ministra argumentorum plurimorum, ceu Davo Comœdia.

Index Fabularum omnium quæ in hoc Libro continentur, ordine Alphabetico.

		Alto et pallis	17
		Amicis duobus et urfa	34,99
D	E Abiete et Dumis	Amicis duobus et urfa	6,119
	pag. 37	Anne, fumi fontem con-	
Accipitre columbam infe-		vitius laessente	76
quente	58	Anguilla conquerente	62
Accipitribus inter se inimi-		Anser	49
cis	91	Anser et grue	146
Adolescentibus duobus	18	Anseribus	30
Adolescente et cato	10	Anu et ancillis	28
Adolescente ex coitu infir-		Anu demonem accusante	67
mo, et lupo	88	Ape et Jove	131
Adolescente in funere ma-		Apiario	152
tris canente	78	Apologo ex Petro Crinito	
Adolescente et coquo	100,119		40
Adolescente et hirundine		Apologo Æsopi Phrygis	46
	132	Apologo ex Mantuano	26
Ægrotto et medico	27,102	Apro et asino	3
	132	Apro et rustico	40
Ægypto ad finem hort.	170	Aquila	164
Æthiopo	150	Aquila et cornicula	4
Agno et lupo	19,122	Aquila et corvo	25
Agricola	151	Aquila et pica	65
Agricola et filiis	20,108	Aquila filios cunicali rapi-	
Agricola et canibus	23,98	ente	85
	117	Aquila et vulpe	106
Agricola et ciconia	24	Aquila et corvo	107
Agricola mercaturam et		Aquila et homine	113
milisiam affectante	85	Aranea et hirundine	58
Agricola et poeta	83	Aranea et podagra	52
Agricola filios suos docente		Arboribus pulchris et de-	
	98	formi	61
Agricola et pelargo	122	Ariete cum tauro pugnante	
Alcedine	153		84
		Arione	

INDEX.

Arione et delphino	50	dente	86
Artubus humanis et ventr.	57	B.	
Arundinè et olea	100	B	
Asino	28,33,44	Ove et juvenco	41
Asino et equo	29,135	Bubulco	164
Asino et viatoribus	44	Buccinatorè	21
Asino et vitulo	59	Butali	150
Asino, simia, et talpa	62	C.	
Asino et scurra	76	C	
Asino ægrotante et lupis		Alamo, sive canna, et	
visitantibus	79	oliva	120
Asino laborum finem non		Camelo	33,162
inveniente	79	Calvo crines externos ge-	
Asino qui hero ingrato ser-		rente pro nativis	105
viebat	80	Cancro et vulpe	156
Asinò tubicine, et lepore		Cancris matre et filio	32
tabellario	93	Cane et umbra	2
Asino et lupo	102,135	Cane & asino	5
Asino et Jove	133	Cane venatico	9
Asino et leone	147	Cane & lanio	18,102
Asino silvestri	160	Cane invido & bove	25
Asinis	161	Cane mordaci	33
Asino et vulpe	161,162	Cane et leone	42
Asino et raniis	161	Cane et hero	69
Asino et corvo	162	Cane oves domini occid.	48
Avaro	145	Cane ad coenam vocato	112
Avaro et invido	38	Cane et lupo	126
Aucupe	124	Cane carnes portante	127
Aucupe et palumba	21	Cane et gallo	143
Aucupe et frigilla	70	Canibus	155
Aucupe et vipera	102	Canibus urbanis villaticum	
Aucupe et merula	103	insequentibus	67
Avibus et quadrupedibus	13	Cantilena tabellario placita	
Avibus scarabeos timentibus	6		171
Avibus plures reges eligere		Caponibus pinguibus et ma-	
volentibus	77	cro	60
Auriga et rota currus stri-		Carbonario et fullone	21,95
		Carbonario et lotore	113
		Carduele et puero	71
		Castor	

I N D E X.

Castore virilia sibi ampu-		Culice & leone	165
tante	101	Cygro	150
Castita	145	Cygro in morte canente	
Caro & gallo	109	reprehenso à ciconia	61
Catalin formin. mutata	116	D.	
Cera duritiem appetente	75	D	
Cerva	146	Erifione hominis porcum	
Cerva & leone	146	occidere volentis	169
Cerva & vite	147	Divite	163
Cervo	14	Divite & servo	66
Cervo & ove	10	E.	
Cervo & bobus	16	E	
Cervo & leone	121	Pistolis Laurentii tribus	
Cicada & formica	41		54, 55, 56
Citharædo	156	Equite calvo	34
Cochleis	151	Equo & leone	12
Cochlea petente à Jove ut		Equo & asino	13, 26
suam domum secum ferre		Equo & cervo	17
posset	81	Equo inculto sed veloci, &	
Columba	163	cæteris eum deridentibus	87
Columba & pica	59	Eremita ægrotaate	60
Columba & cornice	163	Eremita & milite	74
Columbis & milvo	8	F.	
Coriario emente pellem urfi		F	
à venatore nondum capti		Abula ex Lamia Polit.	48
	73	Fabula Mancini	173
Cornice & ove	25	Fabro & cane	123
Cornice & urna	38	Facetum de erud. erudo asino	
Cornice & corvo	157	diætum	170
Cornice & cane	157	Facetum Minat'i consilium	
Corvo & vulpecula	4		173
Corvo & lupis	50	Feli in forminam mutata	97
Corvo & vulpe	125	Filio senis & leone	104
Corvo & ægroto	126	Florentino qui equum em-	
Corvo & serpente	157	rat	170
Cuculo & accipitre	59	Formica	27, 159
Culice cibum ab ape pe-		Formica & columba	131
rente	50	Formicis & cicada	142
		Furibus	156
		Fure & cane	8
		Galli-	

I N D E X.

G.		Leone sene	5,127
G allina & vulpe	136	Leone rustici filiam amante	128
Gallina & hirundine	162	Leone & aliis	2,21
Gallina auripara	165	Leone & vulpecula	16
Gallo gallinaceo	1	Leone & rana	27,127
Gallo & cato	24	Leone & capro	29
Gallo & vulpe	166	Leone & tauro	21,128
Gallis & perdice	111	Leone & capella	38
Gallis duobus inter se cer-		Leone & venatore	38
rantibus	130	Leone & mure	75
Gliribus quercum eruere		Leone porcum sibi socium	
volentibus	68	eligente	90
Graculo	11	Leone, asino, & vulpe	128
H.		Leone & homine	137
H erinaceo viperam hospi-		Leone & urso	14
tem ejiciente	82	Leone & lupo	149
Hirundine & aliis aviculis	7	Leporibus	159
Hirundine & cornice	150	Leporibus & ranis	9,134
Hinnulo	145	Lepore sese vulpi præse-	
Hædo & lupo	9,28,156	rente	82
Homine, quem canis mo-		Lepore calliditatem & vul-	
morderat	99,156	pe celeritatem à Jove	
Homine & ligneo deo	112	petentibus	87
Homine, qui in somnis au-		Lepore & testudine	133
rum reperiebat	169	Lignatore	133
I.		Lupo suadente histrici ut	
I mpossibilia promittente		tela deponeret	81
	143	Lupo ovis pelle induto	83
Inimicis duobus	119	Lupo pisce fluvii, maris reg-	
Jove	141,158,159	num affectante	15
Jove & simia	30	Lupo & agno	12,129
Jove & corvo	122	Lupo & grue	2,126
Juvenes senis curvitatem		Lupo & fucula	8
irrident	64	Lupo & capite picto	11
L.		Lupo & vulpe	11
L æna & vulpe	129	Lupo & agnis	12
Legato avaro tubicines		Lupo	
decipiente	63		

I N D E X

Lupo et cane	22	Muliere venefica	151
Lupo et ove	195	Muliere maritum pediculo-	
Lupo et vetula	165	sum vocante	167
Luscinia cantum accipitri		Mulo et equo	72
pro vita pollicente	179	Mure et rana	1
M.		Mure urbano et rustico	3
M. Aristo et uxore	153	Mure in cista nato	57
Medico et mortuo	123	Mure amicitiam cum fele	
Medico qui infanos curabat		inente	80
	172	Mure liberante milvum	81
Membris et ventre	155d	Muribus et cato	121
Mercurio	158	Musca	132
Mercurio et statuario	154	Musca, quæ quadrigis insi-	
Mercurio et Thesia	154	dens, pulverem se exci-	
Milite et duobus equis	70	taſſe dicebat	62
Milite qui uxorem habuit		Musca et formica	11
litigiosam	168	Muscis	154
Milvo agrote	6	Mustela fenicula et muribus	
Minacii lusoris responsione			26
	173	N.	
Monedula	158	Nautis sanctorum auxi-	
Monedula et columba	157	lium implorantibus	62
Mula	124	Nuce, asino, et muliere, qui-	
Muliere	149	bus singulis profunt ver-	
Muliere viram morientem		bera	79
ſente	61	Nutrice et lupo	32
Muliere amatoris discessum		O.	
ſente	62	Olitore et cane	147
Muliere, quæ pro viro se		Ollis duobus	34
mori velle dicebat	77	Opilione et agricolis	24
Muliere ignem in domum		Ove pastori conviciante	86
mariti ferente	91	P.	
Muliere et gallina	99, 118	Pardo et vulpœula	42
	135	Partu montium	8
Muliere et medico	117	Partu terræ	50
Muliere et ancillis	151	Pastore	198
		Pastore	

INDEX

Pastore artem nauticam ex-	104
ercente	
Pastore & mari	139
Pastore & lupo	141
Patre et filiis	98
Patre filium ad virtutes	
frustra hortante	83
Pavone et lusciniā	25
Pavone et pica	27
Pavone et grue	36
Pavone et monedula	144
Paupere monoculo	173
Philomela et accipitre	108
Pigritia adolescentis	166
Piscatore	114, 163
Piscatoribus	44, 114, 115
Piscatore et pisciculo	31, 37
Piscatore et smaride	66
Piscatore et smaride pisce	
	110
Piscibus	42
Piscibus ē sartagine in pru-	
nas desiliētibz	63
Porco et equo	73
Pratore repetundarum dam-	
nato	91
Puero et fure	39
Puero et matre	104, 138
Puero et fortuna	120
Puero oves pascēte	125
Puero et scorpione	137
Palice	141
Pulice et homine	141
Punica et homine	145
Punica et malo, arboribz	
	104
Q uadrupedibus societatem	
adversus aves, &c.	63

Quercu et arundine	36, 38
R.	
Ranis	143, 152
Ranis et earum rege	7
Rana et bove	13
Rana et vulpe	32, 135
Ranis regem petentibus	116
Rege et limiis	43
Ridenda de paucitate ami-	
torum Dei responsio	172
Rustico et colubro	3
Rustico et angui	19
Rustico et equo	20
Rustico et fortuna	35
Rustico et juvenco	39
Rustico et Hercule	40
Rustico impetrante, ut tri-	
ticum absque aristis na-	
skeretur	58
Rustico amnem transituro	58
Rustico et mure	65
Rustico per vocem hordi ad	
jurisconsultum admissio	82
S.	
Sacerdote et pyris	72
Sacerdote, qui caniculum	
sepelivit	167
Sacerdote, Epiphania an vir	
esset, vel foemina, ignor.	171
Salice et securi	138
Sancti Apronii fratres	20
laico et lupo	131
Satyro et viatore	49
Satyro et rustico	45
Scarabeo et aquila	45
Scurra et episcopo	91
Sene	

I N D E X.

Sene puellam in uxorem accipiente	64	crepante	61
Sene ob impotentiam carnis libidinem relincente	82	Tubicine	100, 123
Sene juvenem poma sibi surripientem, faxis dejiciente	89	Turdo amicitiam cum hirundine ineunte	65
Sene mortem differre volente	92	Thynno & delphino	101, 124
Sene mortem vocante	117	V.	
Sene qui asinu. portavit	167	V Ate	130
Serpente	163	Vaticinatore	93
Serpente & agricola	136	Venatore & perdiee	138
Serpente & cancro	148	Verme & vulpe	164
Simia	141	Vespiis, perdicibus & agricola	140
Simia & vulpecula	16	Vespertilionc, rubo & mergo	144
Simia & ejus prole	33	Vespertilionc & mustela	160
Simia & duobus ejus natis	41	Viatore	136
Simia & vulpe	121	Viatore & pera inventa	103
Simia & delphino	153	Viatoribus	152, 160
Singulari animali & vulpe	145	Vidua virum petente	67
Sole & aquilone	32	Vidua & asino viridi	84
Sue & cane	70, 148	Vipera & lima	14
Silva & rustico	15	Viro Cardinali nuper creato gratulato	64
T.		Viro & uxore bigamis	74
TAlpa & matre	142	Viro maligno & dæmone	77
Tauro & capra	35	Viro zelotypo	78
Tauro & mure	4	Viro clysteres recusante	79
Tauris & leone	36	Viro amicos experiri volente	86
Testudine & aquila	32, 146	Viro aratrum portante	174
Testudine & ranis	61	Viro avaro sacculum nummorum alloquente	92
Tigride & vulpe	36	Viro jactabundo	95
Trabe & bobus eam trahentibus	60	Viro Apollinem tentante	95
Trabe boum pigritiam in-		Viro & Satyro	106
		Viro agricola	113
		Viro & infirmo	115
		Viro	

INDEX

Viro inope & infirmo	115	Vulpe carnem leporis cani	
Viro & uxoris	142	laudante	85
Vitula & bove	120	Vulpe & capro	93
Vitulo & cerva	131	Vulpe & capite reperto	95
Ulmo & filere	75	Vulpe & trago	108
Upupa indignè honorata		Vulpe sine cauda	110
	72	Vulpe & rubo	110
Urso & apibus	69	Vulpe & crocodilo	111
Vulpecula & ciconia	10	Vulpe & venaribus	111
Vulpecula & mustela	17	Vulpe & larva	112
Vulpecula & pardale	43	Vulpe esuriente	114
Vulpe	87	Vulpe & pardo	115
Vulpe & leone	23, 94, 109	Vulpe à rustico in palea	
Vulpe & aquila	23	abscondita	170
Vulpe & feli	43	Vulture aliisque avibus	29
Vulpe & mulieribus gallinas		Uxore in flumine perempta	
edentibus	60		1167

INTERPRETES.

Adrianus Barlandus.

Angelus Politianus.

Anianus.

Aulus Gellius.

Erasmus Roterodamus.

Gulielmus Gaudanus.

Gulielmus Harmanus.

Joannes Antonius Campanus.

Laurentius Abstemius.

Laurentius Valla.

Nicolaus Gerbellius Phorceensis.

Petrus Crinitus.

Plinius secundus Novocomensis.

Rimicius.

PETRI

PETRI ÆGIDII Antuerpiani

Hendecasyllabon.

Quisquis noscere fabulas jocosas
Æsopi cupis, hunc novum libellum
Limatum, nitidum, eruditulumque,
Exili tibi comparâ monetâ;
Quo nec tersior est, venustiorque,
Nec jucundior est, facetiorve;
Seu parum inspicias stylum Latinum,
Seu tu bestiolas legas loquentes.
Quin & sensiculis scatent amoenis;
Ut vitæ instituenda cuique, monstrant.
Hunc nec barbarus ore Zoïleo
Pinset, deprimet, atque lancinabit;
Hunc vel Relligiosuli probabunt,
Qui tecti piceo caput cuculle,
Ipsis sunt Cynicis severiores.
Nullos quippe docet feros amores,
Vel quæ lædere testulam juventæ
Possent, illecebras licentiores.
Sed quid plura moror? Libellus iste
Prorsus nobilis, elegans, Latinus;
Horam est simul omnium libellus.

Æ S O P I

ÆSOPI FABULÆ.

De Gallo Gallinaceo.

GAllus gallinaceus, dum vertit stercorarium, offendit gemmam; Quid, inquires, rem sic nitidam reperio? Si gemmarius reperisset, nihil esset eo latius, ut qui pretium sciret. Mihi quidem nulli est usus, nec magni æstimo: inò equidem omnibus gemmis granum hordei malim.

MOR. *Per gemmam, artem sapientiãque intellige: per gallum, hominem stolidum & voluptuarium. Nec stolidi artes liberales amant; cum usum earum nesciunt; nec voluptuarius; quippe, cui una placeat voluptas.*

De Lupo & Agno.

LUpus, ad caput fontis bibens, videt agnum procul infra bibentem; accurrit; agnum increpat, quod turbarit fontem. Trepidare agnus, supplicare ut parcat innocenti; se, quando longe infra biberit, potum lupi ne potuisse quidem turbare, nedum voluisse. Lupus contra intonat. Nihil agis sacrilege: semper obes: pater, mater, omne tuum invisum genus sedulo mihi adversatur. Tu mihi dabis hodiè poenas.

MOR. *Vetus dictum est, Ut canem cædas, facile inveniri baculum. Potens, si libet nocere, facile capit nocendæ causam: Satis peccavit, qui resistere non potuit.*

De Mure & Rana.

Bellum gerebat mus cum rana. De paludis certabatur imperio; Pugna erat vehemens & anceps. Mus calidus sub herbis latitans ex insidiis ranam adortur. Rana, viribus melior, pectore & insultu valens, aperto Marte hostem laceffit. Hasta utrique erat juncea. Quo certamine procul viso, milvus adproperat: dùmque præ studio pugnx neuter sibi cavet, utrumque bellatorem milvus rapit ac laniat.

B

MOR.

MOR. *Itidem evenire solet factiosis civibus, qui accensi libidine dominandi, dum inter se certant fieri magistratus, opes, plerumque etiam & vitam, in periculo ponunt.*

De Cane & Umbra.

CAnis tranans flumen rictu vhebat carnem. Splendente sole, ita ut sit; umbra carnis lucebat in aquis; quam ille visam avidè captaus, quod in faucibus erat perdidit. Itaque tum rei, tum spei jacturâ perculsus, primum stupuit; deinde animum recipiens, sic elatravit, Miser deerat cupiditati tuæ modus. Satis superque erat, ni desipuisses: jam per tuam stultitiam minus nihilo tibi est.

MOR. *Monemur hac fabula modestiæ, monemur prudentiæ, ut cupiditati sit modus, ne certa pro incertis amittamus. Astute certè Terentianus ille Sannio, Ego, inquit, spem pretio non emam.*

De Leone & quibusdam aliis.

CUm ove quibusdâque aliis pepigerat leo, venationem fore communem. Itur venatum: capitur cervus: partuntur. Singulis singulas Partes tollere, ut convenerat, incipientibus, leo irrugiit. Una, inquiens, pars mea est, quia sum dignissimus; altera itidem mea est, quia viribus præstantissimus: porro, quia in capiendo cervo plus sudaverim, vindico tertiam: quartam denique partem ni concesseritis, actum est de amicitia. Socii hoc audito, discedunt vacui et taciti, non ausi mutire contra leonem.

MOR. *Rara semper fuit fides; apud hoc seculum varior est; apud potentes & est & fuit semper rarissima. Quocirca satius est, ut vivas cum pari. Qui enim cum potentiore vivit, necesse habet sæpe de suo jure concedere. Cum æquali æquale tibi jus erit.*

De Lupo & Grue.

LUpo voranti ovem forte ossa hædere in gula: ambit; orat opem; opitulatur nemo. Omnes dictitant, tulle eum pretium voracitatis. Tandem blanditiis multis, pluribusque promissis graem inducit, ut, collo longissimo in gulam inserto, os infixum eximeret: pe-

tenti

renti autem præmium illufit: Ineptra, inquit, abi: non fac habes quod vivis? vitam debes mihi: fi libuiffet, licuit præmordere collum tuum.

MOR. *Tritum eſt, Perire quod facis ingrato.*

De Ruſtico & Colubro.

Ruſticus reptetum in nivi colubrum, frigore propè eneſtum, domum tulit; adjecit ad focum. Coluber, ab igne vim viruſque recipiens, deinde flammam non ferens, omne tuſurium ſibilando infeſcit. Accurrit ruſticus; correptâ ſæde verbis verberibuſque cum eo injuriam expoſtulat; num hanc refert gratiam? num vitam erepturus ſit illi, qui vitam ipſi dederit?

MOR. *Fit interdum ut obſint tibi, quibus tu profueris; malè de te mereantur ii, de quibus tu bene ſiſ meritis.*

De Apro & Afino.

Dum iners aſinus irrideret aprum, ille indignus fren-debat: Malum quidem, ignaviſſimè, tueras meritus: ſed etiamſi tu pœna fueras dignus, tamen ego indignus qui à te pœnas ſumam. Irride tutus: impunè tibi licet: tutus enim es ob inertiam.

MOR. *Demus operam, ut, cum indigna nobis audiamus, aut patiamur, ne indigna nobis dicamus aut faciamus. Mali enim & perditī plerumque gaudent, ſi quiſpiam bonorum eis reſiſtat: magni pendent, haberi ſe dignos ultione. Imitemur equos & magnas beſtias, qui oblatrantes cuniculos cum contemptu prætereunt.*

De Mure urbano & Mure ruſtico.

Libitum eſt urbano muri deambulare ruſ. Videt hunc muſ ruſticus; invitat; apparatus; itur cœnatum. Depromit ruſticus quicquid repoſuerat in hyemem, & exhaurit omne penu, ut tanti hoſpitis expleat lautitiam. Urbanus tamen, frontem corrugans, ruſis damnat inopiam, urbis ſubinde laudat copiam. Remeans, ducit ſecum in urbem ruſticum, ut, quæ verbis jaſtitârât,

re comprobaret. Ineunt convivium, quod urbanus splendide comparârat. Inter epulandum auditur in serâ murmur clavis. Trepidare illi, & fugitare fugitando. Rusticus, & insuetus, & loci ignarus, ægre se tueri. Discedente famulo, redit urbanus ad mensam, vocat rusticum. Ille vix tandem metu deposito prorepat. Invitantem ad pocula urbanum percontatur, num hoc periculum crebrum sit. Respondet ille, quotidianum esse; contemni oportere. Tum rusticus, Quotidianum? inquit: meherculè, tuæ dapes plus fellis quam mellis sapiunt. Equidem malo cum securitate meam inopiam, quàm cum tali anxietate illam copiam.

MOR. *Divitiæ quidem præ se ferunt voluptatem: sed si introspicias, habent periculum & amaritudinem.* Eutraphelus quidam fuit, qui, cum inimicis suis quam maximè nocere vellet, divites eos faciebat; destitans, ita se eos ulcisci, quippe accepturos cum divitiis ingentem sarcinam curarum.

De Aquila & Cornicula.

Aquila nacta cochleam, non vi aut arte quivit eruere piscem. Accedens cornicula dat consilium; suadet subvolare, & è sublimi cochleam in saxa præcipitare; sic enim fore ut concha frangatur. Humi manet cornicula ut præstoletur casam. Præcipitat aquila; frangitur testa, subripitur piscis à cornicula; dolet elusa aquila.

MOR. *Noli quibusvis habere fidem; & consilium, quod ab aliis acceperis, fac inspicias. Multi enim consulti, non suis consultoribus, sed sibi consulunt.*

De Corvo & Vulpecula.

Prædam nactus strepitat in ramis corvus. Vidit vulpecula geitientem: accurrit. Corvum, inquit, plurimâ salute impertit vulpes. Sæpenumerò audieram famam esse mendacem, jam reipsa experior. Nam ut hâc fortè jam prætereo, suspiciens te in arbore, advolo culpans famam. Fama enim est, te nigriorem pice esse, & video candidiorem nive. Meo sanè iudicio cygnos vincis, & *hederâ formosior albâ es.* Quod si ut plumis, ita & voce excellas,

excellas, omnium avium equidem te dixerim reginam. Hâc, assentatiunculâ illectus corvus, ad canendum apparat. Apparanti verò è rostro excidit caseus: quo correpto, vulpecula cachinum tollit. Tum demum miserum corvum pudet, pigétque sui, & jacturâ rei misto pudore dolet.

MOR. *Nonnulli sic avidi laudis sunt, ut cum suo probro & damno ament assentatorem. ejusmodi homunciones præde sunt parasitis. Quod si vitaveris jactantiam, facile assentatorum pestiferum genus vitaveris. Si tu voles esse Thraso, nusquam deerit tibi Gnatho. Terent.*

De Leone senectute confecto.

Leo, qui in juventute complures suâ ferocitate fecerat inimicos, in senectute exsolvit pœnas. Reddunt talionem bestix: dente aper, cornu petit taurus. Inprimis asellus, vetus ignaviæ nomen cupiens abolere, verbis & calcibus strenue insultat. Tum gembundus leo, Hi, quibus olim nocui, jam vicissim nocent, & meritò: sed hi, quibus aliquando profui, jam vicissim non profunt, imò etiam immeritò obsunt. Stultus fui, qui multos feceram inimicos; stultior, qui falsis amicis confisus fuerim.

MOR. *In secundis rebus non efferraris, non sis ferox. Nam si vultum mutârit fortuna, ulciscuntur quos læsisti. Et inter amicos fac habeas discrimen: Sunt enim quidam amici, non tui, sed mensæ tuæ, sed fortunæ tuæ, quæ quidem fortuna simulac mutata fuerit, & illi mutabuntur: bene tecum ætiam erit, si non inimici fuerint. Meritò queritur Ovidius,*

En! ego non paucis quondam munitus amicis,

Dum flavit velis aura secunda meis:

Ut fera nimboso tumuerunt æquora vento,

In mediis lacerâ puppe relinquor aquis.

De Cane & Asino.

Dum blandiretur canis hero & familiæ, herus & familia canem demulcent. Asellus id videns altius gemit: cœpit enim pigere sortis: iniquè putat comparatum, canem gratum esse cunctis, pascique de mensâ herili,

idque otio ludôque consequi: sese contra portare clitel-
las, cædi flagello, nunquam otiosum esse, & cunctis ta-
men odiosum. Si hæc fiat blanditiis, eam artem, quæ tam
utilis sit, statuit sectari. Igitur quodam tempore rede-
iinti domum hero, rem tentaturus, procurrit obviam,
subsilii, pulsât ungulis. Exclamante hero, accurrere
servi; & ineptus asellus, qui se urbanum credidit, fuste
vapulat.

MOR. Non omnia possumus omnes, *ut ait Virgilius in*
Bucol. Nec omnes omnia dedit. Id quisque velit, id
tentet, quod possit. *Nam scimus id quod Græcè significan-*
zius dicitur ὄν & λύγος, id est, Asinus lyrarum, vel lyræ.
Sic autem Boëtius, Asinus ad lyram positus. Repugnante
naturâ irritus est labor.

Tu nihil invitâ dices faciêsvæ Minerva, *teste Horatio.*

De Leone & Mure.

Leo, æstu cursûque defessus, sub umbrâ, fronde super
viridi quiescebat. Murum autem grege tergum ejus
percurrente, experrectus, unum è multis comprehendit.
Supplicat captivus; indignum se esse cui leo irascatur,
clamat. Reputans ille in nece tantillæ bestiolæ nihil
esse laudis, captivum dimittit. Nec verò itâ multò post,
leo fortè, dum per saltum currit, incidit in plagas; rugi-
re licet, exire non licet. Rugientem miserabiliter leonem
mus audit, vocem agnoscit, repit in cuniculos, laqueorum
quærit nodos, quæritos invenit, inventos corrodit, leo è
plagis avadit.

MOR. *Hæc fabula suadet potentibus clementiam. Etenim,*
ut sunt res humanæ instabiles, egent interdum ipsi potentes
ope humillimorum. Quare vir prudens, & si potest, timebit
vel vili homini nocere: qui autem non timet nocere alteri,
valde desipit. Quid ita? Quia & si jam potentia fretus,
neminem metuit, forsan olim erit ut metuat. Constat enim
evenisse claris magnisque regibus, ut vilium homuncionum
vel gratia indiguerint, vel iram metuerint.

De

De Milvo aegroto.

LECTO decumbebat milvus, jam fermè moriens: Matrem orat precatum ire deos. Mater responder, Nihil opis illi sperandum à diis, quorum sacra & aras suis rapinis toties violasset.

MOR. *Decet venerari superos: illi enim pios juvant, impios adversantur. Infelicitate neglecti, in miseria non exaudirent. Quare in secundis rebus sis eorum memor, ut in adversis rebus præsentes sint vocati.*

De Hirundine & aliis aviculis.

CUM primum cœptum est feri linum, hirundo suadet aviculis impedire sementum, dictitans, sibi fieri infidias. Irrident illæ: stultam vatem hirundinem vocant: Surgente jam lino, et virescente, rursus monet evellere fata. Iterum irrident. Maturescit linum, hortatur populari fegetem. Cum ne tunc quidem consulentem audirent, hirundo, avium cœtu relicto, hominis sibi conciliat amicitiam: init cum eo fœdus, cohabitat, cantu demulcet. Cæteris è lino avibus fiunt retia et laquei.

MOR. *Multi nec ipsi consulere sibi norunt, nec rectè consulentem audiunt. Sed cum in periculis sunt & damnis, tunc demùm sapere incipiunt, & suam damnare socordiam. Tum sat superque consilii est: Hoc, inquiunt, & illud factum oportuit. Sed præstat esse Prometheus, quam Epimetheus. Fuere hi fratres; nomina sunt Græca. Alteri consilium ante rem fuit, alteri post rem: quod declarat interpretatio nominum.*

De Ranis, & earum Rege.

GENS ranarum, cum esset libera, Jovi supplicabat dari sibi regem. Ridere Jupiter vota ranarum. Illæ tamen iterum atque iterum instare, donec ipsum perperellerent. Dejecit ille trabem. Ea moles ingenti fragore quassat fluvium. Territæ silent ranæ; regem venerantur. Accedunt pedetentim propius: tandem abjecto metu, insultant et desultant. Iners rex lusui est, et contemptui. Lacesunt, rursus Jovem: orant regem

dari qui strenuus sit. Dat Jupiter ciconiam: is perstrenuè perambulans paludem, quicquid ranarum obviam sit, vorat. De hujus igitur sævitia ranæ frustra questæ sunt. Jupiter non audit: nam & hodie adhuc queruntur. Vesperi enim ciconia cubitum eunte, ex antris egressæ rauco ululatu murmurant, sed surdo canunt. Vult enim Jupiter, ut quæ regem clementem sint deprecata, jam ferant inclementem.

MOR. *Perinde atque ranis, evenire solet plebi: quæ si regem paulo mansuetiorem habet, ignavum & inertem esse causatur: optat aliquando contingere sibi virum. Contra, si quando nata est regem strenuum, hujus sævitiam damnat, prioris laudat clementiam: sive quod semper præsentium nos pœnitet, sive quod verum est verbum, Nova veteribus esse potiora.*

De Columbis & Milvo.

Columbæ olim bellum gessere cum milvo, quem ut expugnarent, delegerunt regem sibi accipitrem. Ille rex factus, hostem agit, non regem. Non segnius ac milvus rapit acclaniat. Pœnitet columbas incepti, satius fuisse putantes, pati bella milvi, quam tyrannidem accipitris.

MOR. *Neminem suæ sortis nimium pigeat. Nihil est (teste Flacco) ab omni parte beatum. Equidem meam sortem, modo tolerabilis sit, mutare non optem. Multi, nova sorte quæsitæ, veterem rursus optarunt. Ita plerique ingenio vario sumus omnes, ut nosmet nostri pœniteat.*

De Fure & Canis.

Furi aliquando panem (ut fileat) porrigenti, respondit canis, Insuperas tuas novi: panem das quo desinam latrare, sed ego tuum munus odi; quippe si ego tulero panem, tu ex his tectis cuncta exportabis.

MOR. *Carve parvi commodi causa amittas magnum. Carve cuiusvis homini fidem habeas. Sunt enim qui dolo non tantum benigè dicunt, sed & benignè faciunt.*

De

De Lupo & Sucula.

Parturibat fucula. Pollicetur lupo se custodem fore foetus. Respondet puerpera, Ludi obsequio se non egere: si velit pius haberi, si cupiat gratum facere, longius abeat: Lupi enim officium conitare non præsentia, sed absentia.

MOR. *Non sunt cuncta credenda cunctis. Multi suam peram pollicentur, non tui amore, sed sui: suum quærentes animodum, non tuum.*

De Partu montium.

Olim rumor erat parturire montes: homines accurrunt, circumstant, monstri quippiam non sine pavore expectantes. Parturiunt tandem montes; exit mus. Tam omnes risu emori.

MOR. *Hanc fabellam tangit Horatius:*

Parturiunt montes, nascitur ridiculus mus.

Notat etiam jactantiam. Jactabundi enim, cum magna prostentur & ostendant, vix parva faciunt. Quapropter Thrasones illi jure sunt materia joci & scommatum. Vetat enim hæc fabula inanes timores. Plerumque enim gravior periculo est periculi metus, imo ridiculum est quod metumus.

De Canis venatico qui ab hero contemnitur.

Canem venaticum, qui jam senuerat, instigat herus; frustra hortatur, tardi sunt pedes, non properat. Prehenderat feram, fera edentulo elabitur. Increpat herus verbere & verbo. Canis responder, debere sibi jure ignosci; jam senuisse, at juvenem fuisse strenuum. Sed, ut video inquit, nil placet sine fructu; juvenem amasti, senem odisti. Amasti prædabundum, odisti tardum, edentulum. Sed si gratus essem, quem olim juvenem frugis causâ dilexisti; senem fructuosæ juventutis gratia diligeres.

MOR. *Rectè canis, nam teste Nasone,*

Nil, nisi quod prodest charum est: En! detrahe menti
Spem fructus avidæ, nemo petendus erit.

Præ-

Præteriti commodi nulla est memoria, futuri autem gratia non magna, præsentis commoda summa.

*Turpe quidem dictum; sed, si modo vera fatemur,
Vulgus amicitias utilitate probat.*

De Leporibus & Ranis.

Sylva insolito mugiente turbine, trepidi lepores rapide occipiunt fugere. Fugientibus cum obsisteret palus, stetere anxii, utrinque comprehensi periculis. Quodque majoris esset incitamentum timoris, vident in palude mergi ranas. Tunc ex leporibus unus prudentior cæteris, ac disertior; Quid, inquit, inaniter timemus? Animo opus est: Corporum quidem agilitas nobis est, sed animus deest. Hoc periculum turbinis non fugiendum, sed est contemnendum.

MOR. Omni in re opus est animo. Facet virtus sine confidentia. Confidentia enim dux & regina virtutis est.

De Hædo & Lupo.

CApra, cum esset pastum itura, hædum domi concludit, monens aperire neini dum redeat ipsa. Lupus qui id procul audierat, post matris discessum pulsat fores: voce caprissat, jubens recludi. Hædus dolum præsentiens, Non aperio, inquit: nam etsi vox caprissat, tamen equidem par rimulas lupum video.

MOR. Obedire parenti filios, ipsis est utile, & juvenem seni decet auscultare.

De Cervo & Ove.

Cervus coram lupo ovem ream facit, medium tritici debere clamitans. Ovis debiti quidem erat inscia; tamen ob lupi præsentiam spondet se daturam. Dicitur solutioni dies; adest: monet cervus ovem. Illa it inficias. Quod enim promiserat, excusat, factum id metu, et præsentia lupi; Votum extortum non esse servandum.

MOR. Sententia juris est, Vim vi repellere licet. Ex hac fabula, nova quidem nascitur, Fraudem fraudi refellere licet.

De

De Rustico & Angui.

Rusticus quidam nutrierat anguem. Iratus aliquando, bestiam petit securi. Evadit ille non sine vulnere, postea rusticus deveniens ad pauperatatem, ratus est id infortunii propter anguis injuriam sibi accidere. Igitur supplicat angui, ut redeat. Ille ait, Ignoscere, sed redire nolle; neque fore securum cum rustico, cui tanta sit domi securis; livorem vulneris defuisse, superesse tamen memoriam.

MOR. *Et, qui semel fidem solvit, iterum habere fidem vix est tutum. Injuriam quidem condonare, id sanè misericordiæ est: cavere autem sibi, & decet, & prudentiæ est.*

De Vulpecula & Ciconia.

Vulpecula vocavit ciconiam ad cœnam: Opsonium in mensam effundit; quod, cum liquidum esset, ciconiâ frustra rostro tentante, vulpecula lingit. Abit elusa avis; pudetque pigetque, injuriæ. Post plusculum dierum redit, invitat vulpeculam. Vitreum vas situm erat plenum opsonii, quod quidem vas cum esset arcti gutturis, vulpeculæ opsonium licuit, videre, & esurire, gustare non licuit: Ciconia rostro faciliè exhausit.

MOR. *Risus risum, jocus & jocum, dolus dolum, fraus meretur fraudem.*

De Lupo & Capite picto.

Lupus in officina sculptoris caput humanum repertum versat: miratur, sentiens, id quod erat, nihil habere sensus. O pulchrum, inquit, caput! Est in te artis multum, sed sensus nihil.

MOR. *Externa pulchritudo, si adsit interna, grata est. Sin alterutrâ cavendum est, præstat externâ, quàm internâ careas. Illa enim sine hac interdum incurrit odium, ut solidius eo sit odiosior, quò formosior.*

De

De Graculo.

GRaculus ornavit se plumis pavonis. Deinde pulchellus sibi visus, fastidito genere suo, contulit se ad pavonum genus. Illi tandem, intellectâ fraude, stolidam avem coloribus nudârunt, & plagis affecerunt. Horatius hanc fabellam primo Epistolarum libro narrat, de corniculâ. Ait eam olim adornatam collectis, quæ avibus exciderant, plumis: postea autem, cum unaquæque avium suam plumam decerpisset, ridiculam fuisse.

*Ne si fortè suas repetitum venerit olim
Græcæ avium plumas, moveat cornicula risum.
Furtivis nudata coloribus.*

MOR. Notat hæc fabula eos qui se gerunt æquo sublimius; qui cum his vivant, qui & ditiores sunt & magis nobiles; quare sæpè inopes fiunt, & sunt ludibrio. Probè Juvenalis monet ---- Ε cœlo descendit γράδι σταντόν, hoc est, Nosce teipsum.

De Musca & formica.

Musca altercabatur cum formicâ: se nobilem, illam ignobilem; se volitare, illam repere; se versari in tectis regum, illam in cavernis latere, segetem rodere; aquam bibere; se splendide epulari jactabat, & hæc tamen otio nancisci. E regione, formica se non ignobilem esse, sed suis natalibus contentam: muscam vagam esse, se stabilem: sapere formicæ grana & fluënta, quod muscæ pastillos & vina; atque hæc se non segni otio, at strenuâ opera nancisci: porro formicam letam esse & tutam, charam omnibus, exemplar denique laboris; muscam anxiam, cum periculo esse cunctis infestam, cunctis invisam, exemplar denique fugitiæ: formicam hyemis memorem alimenta reponere; muscam se diem vivere, hyeme aut esurituram, aut certe morituram.

MOR. Qui pergit quæ vult dicere, ea quæ non vult audit. Musca si bene dixisset, bene audisset. Assentior autem formicæ. Videtur enim optabilior vita obscura cum securitate, quàm cum periculo splendida.

De

De Rana & Bove.

Rana cupida æquandi bovem, se distendebat. Filius hortabatur matrem cœpto desistere: nihil enim esse ranam ad bovem. Illa secundum intumuit. Clamitat natus; crepes licet mater, bovem nunquam vinces. Tertium autem cum intumisset, crepuit.

MOR. Cuique sua dos est. *Hic formâ, ille viribus; hic opibus, ille pollet amicis: unumquemque suo decet esse contentum. Valet ille corpore, tu ingenio Quocirca quisque semet consulat, nec invidet superiori, quod miserum est; nec, quod stultitiæ est, certare optet.*

De Equo & Leone.

Venit ad equum comedendum leo; Carens autem præ senectâ viribus, meditari cœpit artem; medicum se profitetur; verborum ambage equum moratur. Hic dolo dolum, artem opponit arti. Fingit se nuper in loco spinoso pupugisse pedem; orat ut inspiciens sentem medicus educat. Paret leo. At equus, quantâ potuit vi, calcem leoni impingit, & se continuò conjicit in pedes. Leo vix tandem ad se rediens, (ictu enim propè exanimatus fuerat) *Pretium*, inquit, *ob stultitiam fero*; & is jure effugit; dolus enim dolo ultus est.

MOR. Odio digna est simulatio, & simulatione capienda. *Non est timendus hostis, qui hostem præ se fert; sed qui, cum hostis sit, benevolentiam simulat, is demum timendus est, & odio dignissimus.*

De Equo & Asino.

Equus, phaleris sellâque exornatus, cum ingenti hin-
nitu per viam currebat. Currenti autem onustus
asellus forte obstabat. Equus irâ fremebundus, & *fræna*
ferox spumantia mandens: Quid, inquit, tarde, ignave,
obfistis equo? Cede, inquam, aut proculcabo te pedi-
bus. Asellus contrâ rudere non ausus, cedit tacitus.
Equo autem provolanti & cursum intendenti crepat
ingen,

inguen. Tum cursui et ostentui inutilis, ornamentis spo-
leatur; deinde carrario venditur. Postea cum carro ve-
nientem videt asellus, et affatur, Heus bone vir, quid
istuc ornati est? ubi aurata sella, bullata cingula? ubi
nitidum frænum? Sic, amice, necesse fuit evenire super-
bienti.

MOR. *Plerique in secundis rebus elati sunt, nec sui me-
mores, nec modestiæ: Sed quia prosperitate insolescunt, ad-
versitatem incurrunt. Eos, qui videntur felices, monuerim
esse cantos: etenim si rota fortunæ circumacta fuerit, senti-
ent miserrimum genus infortunii esse, fuisse felices. Accedit
ad cumulum infelicitatis id quoque mali, contemnentur ab
iis quos ipsi contempserunt: & illudent eis ii, quos ipsi risere.*

De Avibus & Quadrupedibus.

A Vibus pugna erat cum quadrupedibus. Utrunque spes,
utrinque metus, utrinque erat periculum. Vespertilio
autem, relictis sociis, deficit ad hostes: vincunt aves duce
et auspice aquilâ. Transfugam verò vespertilionem dam-
nant, uti ne ad avis unquam illi sit reditio, uti ne luci un-
quam sit volatus. Hæc causa vespertiloni est, ut non nisi
noctu volet.

MOR. *Qui cum sociis adversitatis & periculi particeps
esse renuit, prosperitatis & salutis expers erit.*

De Lupo & Vulpe.

L Upus, cum prædæ fatis esset, in otio degebat. Acce-
dit vulpecula: Sciscitatur otii causam. Sensit lupo
invidias fieri suis epulis; simulat morbum esse causam:
orat vulpeculam deprecaturum ire deos; Illa, dolens dolum
non succedere, adit pastorem, monet patere latebras lu-
pi: hostem enim securum posse inopinato opprimi. Adori-
tur pastor lupo, mactat. Illa potitur antro et præda: Sed
fuit illi breve sceleris sui gaudium: nam, non ita multo
post, idem pastor et ipsam capit.

MOR. *Fæda res invidia est, & ipsi interdum auctori quo-
que perniciofa: Flaccus Epistolarum lib. 1.*

Invidus alterius rebus macrescit opiparis.

Invidia

Invidia Siculi non invenere tyranni
Majus tormentum.

De Cervo.

Cervus in perspicuo fonte se conspicatus, probat pro-
cera frontis & ramosa cornua, sed tibiærum exilitatem
damnat. Forte, dum contemplatur, dum judicat, inter-
venit venator: fugit cervus *ocior pilis, & agente nimbo*
ocior Euro. Insestantur fugientem canes. Sed cum in-
trasset condensam sylvam, implicata sunt ramis cornua.
Tum demum tibiæ laudabat, & cornua damnavat, quæ
fecere ut præda esset canibus.

MOR. *Fugienda petimus; petenda fugimus. Placent quæ*
officiunt; quæ conferunt, displicent. Beatitudinem cupimus,
priusquam ubi sit intelligamus. Opum excellentiam & hono-
rum celsitudinem quærimus; in his beatitudinem sitam opi-
namur, in quibus tamen multum laboris est & doloris. Pul-
chrè id significat Lyricus ille noster,

Sæpius ventis agitatur ingens

Pinus, & celsæ graviore casu

Decidunt turres, feriuntque summos

Fulmina montes.

De Vipera & Lima.

In fabrica offendens limam vipera, cœpit rodere. Sub-
ridens lima, Quid, inquiens, inepta? quid agis? tu
tibi ante contriveris dentes, quam me atteras, quæ duri-
tiem æris præmordere soleo.

MOR. *Etiam atque etiam vide quicum tibi res sit. Si*
in fortiorem dentes acuas, non illi, sed tibi nocueris.

De Lupis & Agnis.

Lupis & agnis, quibus naturâ est discordia, fœdus ali-
quando fuit, datis utrinque obsidibus. Lupi suos
catulos, ovem canem cohortem dedere. Quietis ovibus
ac pascentibus, lupuli matrum desiderio ululatus edunt.
Tum lupi irruentes, fidem fœdusque solutum clamitant,
ovésque earum præsidio destitutas laniant.

MOR.

MOR. *Inscitia est, si in fœdere tua præsidia hosti tradas. Nam qui hostis fuerit, hostis forsân nondum esse desit: fortasse & causam ceperit, cur te nudatum præsidio adoriatur.*

De Sylva & Rustico.

QUO tempore etiam arboribus suus sermo erat, venit rusticus in sylvam; rogat ut ad securim suam tollere liceat capulum. Annuit sylva. Rusticus aptatâ securi, cœpit ardores succidere. Tum, & quidem ferò, pcenituit sylvam suæ felicitatis: doluit seipsam esse causam sui exitii.

MOR. *De quo benè merearis vide. Multa fuere, qui accepto beneficio in auctoris abusi sunt perniciem.*

De Membris & Ventre.

PES & manus ventrem olim incusarunt, quòd ab otioso eo lucra ipsorum vorarentur. Jubent aut laborer, aut ali ne petat. Supplicat ille semel atque iterum: Negant tamen manus alimentum. Exhausto inediâ ventre, ubi cœpere omnes artus deficere, tum manus voluit tandem officiosum esse: verum id ferò. Nam venter desuetudine debilis, cibum repulit. Ita cuncti artus, dum ventri invident, cum ventre pereunte pereunt.

MOR. *Perinde atque in membrorum societate est, ita se habet societas humana. Membrum eget membro; amicus eget amico. Quare mutuis officiis, mutuis operibus utendum est: neque divitiæ, neque dignitatum apices hominem artis tuentur. Unicum & summum præsidium, complurium famicitia est.*

De Simia & Vulpecula.

SIMIA vulpeculam orat, ut partem caudæ sibi donet ad tegendas nates; illi enim esse oneri, quod sibi foret usui & honori. Respondet illa, nihil nimis esse; & se male humum cauda suâ verri, quam simiæ nates tegi.

MOR. *Sunt qui egent; sunt quibus superest: nulli tamen divitum id moris est, ut re superflua beet egenos.*

D

De Cervo & Bobus.

Cervus, venatorem fugiens, conjecit se in stabulum; boves orat, ut in præsepi latitare liceat. Boves tutum esse negant; mox enim & dominum & famulum affuturos. Ille securum se esse ait, modò nè ipsi prodant. Intrat famulus, occultum fœno non videt, exit. Gestire cervus, & nihil jam timere. Tum unus è bobus, & ævo & consilio gravis, Facile, inquit, erat hunc (qui talpa est) fallere: sed ut herum (qui Argus est) lateas, *Hic labor, hoc opus est.* Mox deinde introgreditur herus; qui, ut servi negligentiam corrigat, cuncta lustrans oculis, & præsepe manu tentans, cervi deprehendit sub fœno cornua: inclamat famulos, accurrunt, feram concludunt, capiunt.

MOR. *In adversis rebus & periculis, latebræ difficiles sunt inventu: aut qui a miseris, ut caput, fortuna exagitat; aut qui ipsi, metu impediti, & inopes consilii semet imprudentia profunt.*

De Leone & Vulpecula.

Leo ægrotabat, visebant animalia, unâ officium differente vulpeculâ. Ad hanc legatum mittit leo cum epistolâ, quæ venire admoneat; gratissimam rem ægroto fore ejus unius præsentiam; nec quicquam periculi fore cur vulpecula metuat: leonem enim primum quidem amicissimum esse vulpeculæ, ideòque percipere ejus colloquium. Deinde ægrotum esse, & decumbere, ut etiamsi (id quod non erat) velit, nocere tamen non queat. Rescribit vulpecula, Optare se ut leo convalescat: idque oraturam superos; cæterum minime visuram; terreri enim se vestigiis. Quæ quidem vestigia cum omnia sint antro leonis adversa, & nulla averfa, eam rem indicium esse, multum quidem animalium introiisse, sed exiisse nullum. *Horat.*

Olim quod vulpes ægroto cauta leoni

Respondit, referam: Quia me vestigia terrent

Omnia te adversum spectantia nulla retrorsum.

MOR. *Cave fidem habeas verbis. Ni caveris, sæpe tibi dabuntur verba. Capienda est conjectura tum ex verbis, tum ex factis; & ex his illa sunt judicanda.*

Vulpecula, longâ inediâ tenuis, forte per angustiore
rimam, ad cumeram frumenti repit, in qua cum
probè pasta fuit, deinde rursus tentantem egredi, disten-
tus impedit venter. Mustela luctantem procul contem-
plata, tandem monet, si exire cupiat, ad cavum maera
redeat, quò macra intraverat.

MOR. *Videas complures in mediocritate letos esse atque
alacres, vacuos curis, expertes animi molestiis. Sin hi divites
facti fuerint, videbis eos maestos incedere, nunquam frontem
porrigere, plenos curis, animi molestiis obrutos. Hanc fabellam
sic Horatius canit, lib. 1. Epist. 7.*

Forte per angustam tenuis vulpecula rimam
Reperat in cumeram frumenti; pastaque rursus
Ire foras pleno tendebat corpore frustra.
Cui mustela procul, Si vis, ait, effugere istinc,
Macra cavum reperas arctum, quem macra subisti.

De Equo & Cervo.

Equus gerebat bellum cum cervo. Pulsus tandem e
pascuis, implorabat opem humanam. Redit cum homi-
ne; descendit in campum: victus antea jam fit victor. Sed
tamen hoste victo, & sub jugum misso, ipse victor necesse
est serviat homini. Equitem fert dorso, frænum ore.

MOR. *Dimicant multi contra paupertatem: quâ per for-
tunam & industriam victa, sæpe victoris interit libertas:
Domini quippe & victores paupertatis servire incipiunt di-
vitiis, anguntur avaritia flagris, parsimonia cohibentur fræ-
nis, nec querendi tenet modum, nec (justo quidem avaritie
supplicio) partis rebus audent uti. De hac re Horatius lib. 1.
Epistolarum, Epist. 10.*

Cervus equum pugnâ melior communibus herbis
Pellebat, donec minor in certamine longo
Imploravit opes hominis, frænumque recepit.
Sed, postquam victor violens discessit ab hoste,
Non equitem dorso, non frænum depulit ore.
Sic qui pauperiem veritus, potiore metallis
Libertate caret, dominum vehet improbus, atque
Serviet æternum, quia parvo nesciat uti.

ÆSOPI FABULÆ,

ADRIANO BARLANDO

INTERPRÊTE.

De duobus Adolescentibus.

Adolentes duo obsonium apud coquum sese empturos simulant. Coquo alias res agente, carnem alter e canistro surripit : dat socio ut sub veste occulat. Coquus subreptam sibi carnis partem ut vidit, furti utrumque cœpit insimulare. Qui abstulerat, per Jovem nihil habere; is verò qui habuit, nil se abstulisse identidem pejerat. Ad quos, Me quidem, inquit coquus, fur nunc latet; sed is inspexit, is scit per quem jura sitis.

MOR. *Si quid peccavimus, id statim non sciunt homines; ut Deus omnis videt, qui sedet super cœlos, & intuetur abyssos. Quod si cogitent homines, suppressus prudentiusque peccabitur.*

De Cave & Lanio.

Canis in macello cum lanio carnem abstulisset in pedes sese continuo, quantum potuit, coniecit. Lanio, jactura rei percussus, primum tacuit: deinde animo recipiens, sic procul acclamavit; O furacissime, turrutus, impune tibi licet: tutus enim es nunc ob celeritatem: posthac autem cautius observaberis.

MOR. *Hæc fabula significat, plerosque omnes tum dantur fieri cautiore, ubi dantur accepere.*

De Canis & Ove.

Canis ovem in jus vocat, panem ex mutuo debere clamatans. Illa it inficias. Milvus, lupus, vultur, accersuntur, rem affirmant. Damnatu ovis: damnatam canis rapit ac deglubit.

MOR. *Falsis testimoniis opprimi quoniam plerumque, cum nemo nescis, cum hac quoniam optima docet fabellula.*

C 2

Be

De Agno & Lupo.

AGno comitante caprum lupo fit obviam : rogitat cur relicta matre olidum potius sequatur hircum, suadetque ut ad disenta lacte matris ubera redeat ; sperans ita fore, abductum ut lapiet. Ille vero, Mater me, ô lupe, inquit, huic commisit : huic summa cura servandi data est ; parenti potius quam tibi obsequendum, qui me seducere istis dictis postulas, subductum mox discerpere.

MOR. Noli omnibus fidem habere. Multi enim, dum aliis videntur velle prodesse, sibi interim consulunt.

De Adolescente & Cato.

Cum adolescens quidam in deliciis amoribusque usurpasset catum, Venerem precibus fatigavit, ut catum in feminam transfigureret. Commisere scit, & audit orantem Venus : fit metamorphosis, quæ adolescenti misere amanti perplacuit ; nempe tota succi plenula, tota candidula, tota elegantula. Itur deinde in cubiculum, ridetur, luditur. Nec verò ita multo post, percupiens experiri Dea nunquid catus cum corpore mutasset & mores, per impluvium immittit musculum. Ibi risu prorsus atque ludo res digna accidit. Conspectam illico bestiolam insequitur muliercula. Venus indignans femine vultus in catum mutavit.

Cum pedibusque manus, cum parvis brachia mutat.

Conribus ; & cauda est mutatis addita membris.

MOR. Cælum, non animum mutant, qui trans mare currunt. Nimisque difficile est, assueta relinquere.

Horat. Naturam expellas furcâ licet, usque recurret.

De Agricola & Filiis.

Complures habebat agricola adolescentulos, iique inter se discordes fuere : quos pater elaborans trahere ad mutuum amorem, appposito fasciculo, jubet singulos brevi circumdatum funiculo effringere. Imbecilla nequicquam conatur ætatula. Solvit pater, redditque singulis virgulam : quam, cum pro suis quisque viriculis facile frangeret ; O, inquit, filioli, sic concordēs vos vincere poteris nemo : Sed si mutuis volueritis sœvire vulneribus,

vulneribus, atque intestinum agitare bellum, eritis tandem prædæ hostibus.

MOR. *Docet hic Apologus, Concordiâ parvas res crescere, discordiâ magnas dilabi.*

De Rustico & Equo.

Rusticus equum vacuum, asinumque sarcinulis egregie onustum producit ad viam. Defessus asellus, equum, sibi onera ut adjuvet, orat, si salvum velit. Negat facturum equus. Asellus tandem sarcinæ pondere gravatus procumbit : moritur. Herus omne onus, mortui quoque aselli corium, in equi dorsum reclinat. Quibus cum ille deprimeretur, Me miserum ! inquit, merito meo sic nunc excrucior, qui dudum laboranti asino opitulari nolui.

MOR. *Monemur hac fabula, ut oppressis subveniamus amicis. Ortus nostri (inquit Plato) partem sibi patria vendicat, partem amici.*

De Carbonario & Fullone.

Fullonem invitabat carbonarius, ut secum in unis ædibus habitaret. Fullo, nãa est, inquit, mi homo, istud mihi vel cordi, vel utile : vereor enim magnopere, ne quæ ego eluam, tu reddas tam atra quàm carbo est.

MOR. *Monemur hoc Apologo, cum inculpatis ambulare : monemur, sceleratorum hominum consortium, velut pestem quandam, devitare. Trahunt (inquit Campanus) hominem sodalitia : commercia etiam in mores penetrant ; & perinde quisque evadit, ut ii quibuscum versatur.*

De Aucape & Palumbo.

It venatum auceps : videt nidulantem procul in altissima arbore palumbum ; adproperat : denique insidias molitur : premit forte calcibus anguem. Hic mordere. Ille improviseo exanimatus malo, Me miserum ! inquit, dum alteri insidiosus, ipse dispereo.

MOR. *Significat hæc fabula, nonnunquam eos suis artibus circumveniri, qui res novas moliantur.*

De Buccinatore.

Buccinator quidam ab hostibus capitur; adducitur. Trepidare ille; supplicare ut parcant innoxio; se, quando nihil armorum unquam præter unam buccinam gestaverit, hominem ne potuisse quidem occidere, nedum voluisse. Illi contra murmure tum sævo, tum verberibus intenant. Nihil agis, scelus, maxime noces, atque nunc hinc trucidabere; quod, cum ipse (ut fateris) ex militari imperitus, cornu isto tuo aliorum excitas evibrasque animos.

MOR. Gravissime peccant nonnulli, qui ad mala aliqui satis prono principibus, ut inique agant, consulunt, atque huiusmodi quedam ad illorum aures occurrunt: Quid etiam dubitas? An te principem esse oblitus es? Annon tibi quod lubeat, licet? Tu legibus major: in te Legirupæ nomen cadere hæud potest, qui ipsis etiam dominariis legibus. Tui nihil possident, quod tuum non sit. Tu potes & servare & perdere. Tibi fas est, opibus dignitateque augere quem visum sit. Fas est ubi libuerit adimere. Alii alio vel dominant, vel commendant: tibi nihil non honestissimum faturum.

De Lupo & Canis.

Lupus cani ante lucem in sylva fortè fortuna sit obviam, salutat, adventum gratulatur: denique rogat quo pacto tam sit nitidus. Cui ille, Herilis cura hoc efficit, herus me blandientem sibi demulcet, de mensa pascor herili nitidissima, nunquam sub dio dormito, tum universæ familiæ non dici potest quam sim gratus. Næ tu, inquit lupus, multo es felicissimus, o canis, cui tam benignus & comis contigit herus, quocum o utinam commorari & mihi liceat! nullum me animantium esset uspiam fortunatius. Canis, novi status cupidissimum videns lupum, effecturum se pollicetur, ut hæret in parte aliqua apud herum, modo de pristina forocia aliquid remittere, & servitutem servire velit? Stat sententia: Lupo libitum est deambulare ad villam: sermones odunt in itinere prorsus jucundissimos. Postea, vero cum illuxit, contritum canis collum videns lupus, Quid sibi vult, inquit,

inquit, ô canis, tuæ isthæc prorsus depilata cervix? Solebam, inquit ille, feroculus notis pariter & ignotis alatrare, obmorderetque nonnunquam: Id regre ferens herus, crebris me tundeat verberibus, prohibens etiam ne quem præter furem lupumque adorirer: ego sic vapulando victus sum, & mitior factus; hæcque genialis sævitæ servavi signum: Lupus hoc audito, Ego, inquit, heri tui amicitiam tanti non emo. Vale igitur, ô canis, cum tuâ isthac servitute: mihi potior est libertas.

MOR. Optabilius est humili casa dominum esse, & panem atram vorare, quam in amplissima regia opiparis mensis frui, & obnixum trepidantemque degere: nam libertas sublimi exultat aula; ubi accipienda venit, & mussitanda injuria est.

De Agricola & Canibus.

Agricola, cum ruri plusculos hyemasset dies, cepit tandem necessariarum rerum penuria laborare: interficit oves, mox & capellas; postremo boves quoque mactat, ut habeat quo inedia penè exhaustum corpusculum sustentet. Id videntes canes, salutem fugâ querere constituunt; sese enim non victuros diutius, quando ne bobus quidem, quorum in opere rustico faciendò utebatur operâ, pepercit herus.

MOR. In quam domum mercedis gratia te tradas, vide. Nonnulli inhumanissimi sunt heri. Multi enim hodie eo dementia prolabantur, ut vel servos infortunio, malo, & damno libenter mactent.

De Vulpe & Leone.

Vulpecula, quæ leonis immanitatem infuetam habebat, semel atque iterum id fortè animal contemplata, trepidare & fugitare. Cùm jam tertio obtulisset sese obviam leo, tantum abfuit ut metuerit, quicquam vulpes, ut confidenter illum adierit salutareritque.

MOR. Omnes nos consuetudo audacior: facit, vel apud eos quos antea aspicere vix ausi fuimus.

De Vulpe & Aquila.

Vulpeculæ proles foras excurrerat: ab aquilâ comprehensa, matris fidem implorat. Accurrit illa, ut

Captivam prolem dimittat, aquilam rogat. Aquila nacta prædam, ad pullos subvolat. Vulpes, correpta face, quasi illius munitiones incendio absumptura esset, insequitur. Cum jam arborem conscendisset, Et ipsa nunc te, inquit, tuosque, si potes, tuere. Trepidans aquila incendium dum metuit, Parce, inquit, mihi parvisque liberis; tuum, quicquid habeo, reddidero.

MOR. *Per aquilam, potentis atque audacis animi homines intellige; per vulpem, pauperculos, quos calumniis premere, contumeliisque afficere divitibus æque studium est. Verum, quando est sua & formicis ira, impotentes ii acceptam interdum probè ulciscuntur injuriam.*

De Agricola & Ciconia.

GRuibus anseribusque fara depascentibus, laqueum præ tendit rusticus: capiuntur grues, capiuntur anseres, capitur & ciconia. Supplicat illa, innocentem sese clamitans, & nec gruem nec anserem esse, sed avium omnium optimam, quippe quæ parenti sedulo semper inservire, eundemque senio confectum alere consueverit. Agricola, Horum, inquit, nil me fugit; verum cum nascentibus postquam te cepimus, cum eis quoque morieris.

MOR. *Qui flagitium committit, & is qui impuris se adiungit socium, pari pœna plectuntur.*

De Gallo & Cato.

Venit ad gallum comedendum catus: non satis autem habens ad nocendum causa, gallum criminari occipit, obstreperam esse avem diclitans, utpote quæ voce tam acutâ noctu dormientes homines expergescit. Ille se innocentem ait, cum sic excitet ad opera mortales. Catus interea intonat, Nihil agis, scelestè; cum matre rem habes, nec à sorore abstines. Id gallus quoque cum expurgare niteretur; Nec hoc, inquit, perseverantius sæviens catus, quicquam faciet; tu mihi hodie discerperis.

MOR. *Vetus dictum esse ait Gulielm. Gaudanus, Ut canem cædas, facile invenire baculum. Malus, si libitum fuerit, quo jure, quaque injuria, te præcipitem dabit.*

De Opilione & Agricolis.

Puer editiore pratulo oves pascebat, atque per jocum
térque quaterque lupum adesse clamitans, agricolas
undique exciebat. Illi sæpius illusi serio auxilium implo-
ranti dum non subveniunt, fiunt oves prædæ lupo.

MOR. *Si mentiri consueverit quispiam, huic, si quando
verum narrare ceperit, haud facile habebitur fides. Super-
riori Apologo finitimus est ille apud Horat. lib. 2. Epist. 17.
de Plano scurra jocus.*

Nec semel irrisus, triviis attollere curat
Fracto crure Planum; licet illi plurima manet
Lacryma; per sanctam juratus dicat Osirim,
Credite, non ludo, crudeles, tollite claudum;
Quære peregrinum, vicinia rauca reclamat.

De Aquila & Corvo.

Rupe editissimâ in agni tergum devolat aquila: videns
id corvus, imitari, velut simia, gestit aquilam: in
arietis vellus se dimittit, dimissus impeditur, impeditus
comprehenditur, comprehensus projicitur pueris.

MOR. *Non aliorum, sed sua se quisque virtute æstimet.
Tuo te pede metire, inquit, Horatius. Id velis, id tentes
quod possis.*

De Canè invido & Bove.

Praesepio fœci pleno decumbebat canis. Venit bos ut
comedat. Ille sese surrigens, prohibere. Bos, Dii te
cum tua isthac invidia perdant, inquit, qui nec fœno ves-
ceris, nec me vesci finis.

MOR. *Eo sunt ingenio plerique, ut aliis inuideant,
quod ipsi mentis inopia assequi nequeant.*

De Cornice & Ove.

Strepitat in oviculæ dorso cornicula. Ovis, Cani,
inquit, si sic obstroperes, ferres infortunium. At cor-
nix, Scio, inquit, quibus insultem, placidis molesta, sævis
amica.

MOR. *Impotenti & sincero perpetuo est cum malis pa-
ata certatio. Illiditur solo innocentissimus quisque: nocentis
verò, ac præfœcis hominis auribus obstropit nemo.*

De

De Pavone & Luscinia.

PAvo, apud summi Jovis sororem & conjugem Junocem queritur, lusciniam suave cantillare; se ob raucam ravim ab omnibus irrideri. Cui Juno, Dos sua à diis cuique: luscinia cantu, tu plumis longè superas: unumquemque sua sorte decet esse contentum.

MOR. *Quæ dii largiuntur, grato sumamus animo, neque majora queramus.* Superi temere agunt nihil.

De Mustela senicula & Muribus.

Mustela, præ senio viribus cærens, mures jam, ita ut foler, insequi non valebat; meditari coepit dolum; in farinulæ colliculum se illatrebrat, sic sperans fore, ut citra laborem venetur. Accurrunt mures, & farinam escitare dum cupiunt, ad unum omnes à mustelâ vorantur.

MOR. *Ubi viribus quispiam destitutus fuerit, ingenio opus est.* Lysander Lacedæmoniis subinde dicere solebat, *Quæ non perveniret leonina pelvis, vulpinam assumendam esse.* Quod sic lucidius dixeris, Ubi virtus non satis potest, adhibenda est astutia.

Apologus ex Mantuano traductus.

Rusticus quidam ex malo, quam in proximo habebat agello, sapidissima quotannis legebat poma: hero lecta donabit urbano: qui illectus incredibili pomorum dulcedine, malum tandem ad sese transtulit. Ea veterrima repente exaruit, atque ibi poma pariter & malus perle- re. Quod cum patrifamilias nuntiaretur; Heu! difficile est, inquit, annosam transplantare arborem: satis superque fuerat (si frænos meæ novissem imponere cupiditati) fructus ramo decerpere. Hanc fabellam sic Mantuanus cecinit:

Rusticus ex malo dulcissima poma legebat,

Unde dare urbano doni solebat hero.

At herus, illectus fragum dulcedine, malum

Transtulit in laribus proxima rura suis.

At quia malus erat senior, translata repente

Aruit, & proles cum genitrice perit.

Heu! male transfertur, senio cum induruit arbor,

Inquit herus, fuerat carpere poma satis.

MOR.

MOR. Qui nimium sapiunt, atque inconcessa sequuntur,
Desipiunt : cohibet qui sua vota, sapit.

BARLANDI FABULÆ

De Leone & Rana.

Audire vocem visus leo, prosilit : substitit non sine
trepidatione, magni quippiam expectans. Egredi-
tur tandem aquis ranula. Leo, deposito metu adproperans,
bestiolam proculcat pedibus.

MOR. *Vetat hic Apologus, inanes timores, ut illa à Oni-
liel. Gaudano versa Fabula de partu moncium.*

De Formica.

Sitens, venit ad fontem ut biberet formica, incidit
forè in puteum : opitularur eminus, ex arbore de-
jecto ramo, columba : ramum conscendens, formica ven-
tatur. Adest, columbam ut capiat, aucups : non finit
formica ; aucupis pedem arripit mordicus, avolat co-
lumba.

MOR. *Docet hæc fabula, præclara, meritis referendam
esse gratiam.*

De Pavone & Pica.

Gens aviùm, cum libere vagaretur, optabat sibi dari
regem. Pavo se imprimis dignum qui eligeretur
putabar, quia esset famosissimus. Hoc in regem accepto ;
pica, O rex, inquit, si, te imperante, aquila nos perstre-
nue, ut solet, insequi cœperit, quid illum modo abiges ?
quo nos pacto servabis ?

De Egroto & Medico.

Medicus curabat egrotum, ille tandem moritur. Tum
ad cognatos medicus, Hic, inquit, intemperantia periit.

MOR. *Bibacitatem & libidinem, nisi quis maturè reli-
querit, aut nunquam perveniet ad senectutem, aut per breviem
est habiturus senectutem.*

De Leone & aliis.

Leo, asinus, vulpes eunt venatum : capitur ampla venatio : capta partiri iussa. Asino singulis singulas partes ponente, irrogat leo : asinum rapit ac laniat. Postea, vulpeculæ id dat negotii : quæ astutior, cum leoni longè optima proposita parte, sibi vix minimam particulam reservasset, rogat leo, à quo sic docta sit. Cui illa, Hujus me, inquit, calamitas decuit, mortuum asinum ostendens.

MOR. Felix quem faciunt aliena pericula cautum.

De Hædo & Lupo.

E Fenestra prospectans hœdus, prætereuntem lupum convitiis incescere audebat. Cui Lupus, Non tu, ait, scelestè, mihi convitiaris, sed locus.

MOR. Et tempus & locus semper audaciam addunt homini

De Asino.

A Sinus, de hortulani sævitia querens, Jovi supplicat alium dari herum. Eaudire Jupiter vota asini : dat regularium : apud quem cum regulas gravioraque tergo vestaret onera, accessit rursus ad Jovem : orat dari qui mitior sit. Ridere Jupiter. Ille tamen non destitit instare, & orare, usque adeo donec perpelleret. Dat illi coriarium : quem ubi pernovit asellus, me miserum, inquit, qui, dum nullo sum contentus domino, in eum incederim, qui nec corio quidem meo (quantum auguror) parceret !

MOR. Semper damnamus quæ præsentia sunt, & nova, appetimus, quæ (ut dici solet) veteribus non sunt potiora.

De Anu & Ancillis.

A Nus quædam domi habebat ancillas complures, quas quotidie antequam lucefceret, ad galli gallinæci, quem domi alebat, cantum, excitabat ad opus. Ancillæ, quotidiani tandem negotii commotæ tedio, gallum obtruncant, sperantes, jam necato illo, in medio seculi dies dormituras : sed hæc spes miseræ frustrata est. Hæc enim, ut interemptum gallum rescivit, intempesta deinceps nocte surgere jubet.

MOR.

MOR. Non pauci, gravius malum dum cadent evitare,
in alterum diversum incidunt. *Per vulgatum est.*

Incidit in Scyllam, qui vult vitare Charybdin.

De Asino & Equo.

Asinus beatum putabat equum, quod pinguis esset, &
in orio degeret; se vero infelicem dicebat, quod
macilentus esset, & strigosus, quotidieque ferendis oneri-
bus ab immiti hero exerceretur. Haud multo post ad
arma conclamatum est. Tum equus, *Non equidem dorso,*
non frantum reppulit ore, nec telum corpore. Hoc viso,
asinus magnas diis gratias agebat, quod non equum se, sed
asinum fecissent.

MOR. *Miseri sunt, quos vulgus beatos judicat; & non
pauci beati, qui se miserrimos putant. Sutor crepidarius re-
gem dicit felicem, quem rerum omnium compotem videt; non
considerans, in quantas res & sollicitudines distrabatur, dum
interim ipse cum optima paupertate cantillat.*

De Leone & Capra.

Editâ rupe ambulanti capram forte conspiciatus leo,
monet, ut potius in viridem pratum descendat. Capra,
Facerem fortassis, inquit, si tu abesses; qui mihi non istud
suades, ut ego inde ullam rapiam voluptatem, sed ut tu
habeas quod voras famelicus.

MOR. *Omnibus ne habeas fidem. Quidam enim non
tibi, sed sibi consulunt.*

De Vulture aliisque Avibus.

Annuum se natalem celebrare adsimulat vultur: avi-
culas ad coenam invitat. Veniunt pleraque omnes;
venientes magno plausu favoribusque accipit, deceptas
laniat vultur.

MOR. *Non sunt amici omnes qui blandè dicunt, aut be-
nignè se facere velle simulant. Hinc Ovidius, Melle sub
Hyblæo sæpe venena latent.*

De Anseribus.

Anseres una cum gruibus agrum vastabant, quibus au-
ditis, rustici protinus in illos feruntur. Rusticos con-
spicte, volant grues; capiuntur anseres, qui impediti cor-
poris onere, subvolare non poterant.

MOR.

MOR. *Expugnata ab hostibus urbs, facile se subducit inops: at divites servus captus. In bello divitibus magis oneri sunt quam usui.*

De Jove & Simia.

Jupiter seire percipiens, quisnam mortalium scitissimos ederet liberos, convocare jubet quicquid utriusque animalium. Concurrunt ad Jovem undique, aderat jam alitum pecudumque genus, inter quas & simia, deformes catulos brachio gestans, cum advenisset, à risu nemo temperare potuit: quin etiam Jupiter ipse profuse admodum risit. Ibi continuo simia ipsa, Imo, inquit, novit & Jupiter iudex noster, catulos meos, magnopere omnes, quotquot adsunt, præcellere.

MOR. *Suum cuique pulchrum, ut est adagium. Et tibi apud Theocritum in Eidyl.*

Quæ minime sunt pulchra, ea pulchra videntur amanti.

ANIANI FABULÆ,

ADRIANO BARLANDO

INTERPRETE.

De Quercu & Arundine.

Fastus olim atque adeo insolentia plena quercus, arundinem aggressa est; Si nunc, inquiens, pectus animosum est tibi, procede agendum ad pugnam, ut pater duarum eventus ostendat utra viribus præstet. Arundo quercus tantam exultationem, fortitudinisque jactationem vana nihil mirata, sic respondet: Certamen nunc abnuo, nec meæ sortis me piget: nam et si in omnem partem mobilis, tempestates tamen pervinco sonoras: tu, si semel vasto rex Æolus antro luctantes emisit ventos, concides, & mihi tum rideberis.

MOR. *Declarat hæc fabula, non semper eos fortissimos esse, qui (nulla etiam inaccessi injuria) aliis insultant.*

De

De Piscatore & Piscicula.

Piscator, jacto in aquam hamo cibus illito, pisciculum eduxit. Orat obsecrâque captivus, se minutulum abire suar, & adolescere, ut postea majore potiatur. Piscator, *Ego*, inquit, *spem pretio non emam*; quippe qui eo fuerim ingenio semper, ut, quicquid possem, malletm auferre potius in præsentia.

MOR. *Hæc nos monet fabula, ne certa incertorum spe unquam amittamus. Quid enim stultius, ut est apud Ciceronem, quam incerta pro certis habere.*

De Formicâ & Cicadâ.

Appetente hyeme, frumentum in aream ad solem trahebatur formica. Videt id cicada, accurrit, rogat granum. Formica, Cur non, inquit, & tu meo exemplo ætate trahis quodcunque potes, atque addis acervo? Respondet illa, sibi id temporis cantando transigi. Ridens formica, Si, ait, cantare soles, meritò nunc esuris.

MOR. *Monemur hac fabellâ, dum adhuc robur corporis adest, quarere ea quibus imbecilla sustentetur senectus. Per hyemem, senectutem intellige; per ætatem, adolescentiam, & florem illum ætatis.*

De Leone & Tauro.

Leonem fugiebat taurus, in hircum incidit: is cornu & caperatâ minitabatur fronte. Ad quem plenus irâ taurus; Non tua, inquit, in rugas contracta frons me terreat, sed immanem metuo leonem; qui nisi tergo hæreret meo, jam scires, non ita parvam rem esse pugnare cum tauro, & nostro sequi de vulnere sanguinem.

MOR. *Calamitosus non est addenda calamitas. Sat miser est, qui semel est miser.*

ANIANI FABULÆ,

A

GULIELMO HARMANNO

D. Augustini Ordinis Canonico, interprete mutata.

De Nutrice & Lupo.

Nutrix minatur puerum plorantem, ni taceat, datum iri lupo. Lupus id forte audit, spe cibi manet adtores. Puer tandem filefcit, obrepente fomno. Regreditur lupo in sylvam, jejunus & inanis. Vulpes ubi sit præda, sciscitatur. Gemebundus ille, Verba, inquit, mihi data sunt. Puerum plorantem abjicere minabatur nutrix, at sefellit.

MOR. *Feminæ non est adhibenda fides.*

De Testudine & Aquila.

Ceperat testudinem tædium reptandi. Si quis eam in cælum tolleret, pollicetur baccas mari rubri. Sustulit eam aquila. Poscit præmium. Non habentem fodit unguibus. Ita testudo, quæ concupiit videre astra, in astris vitam reliquit.

MOR. *Tua sorte sis contentus. Fuere nonnulli, qui, si mansissent humiles, poterant esse tuti; facti sublimes, inciderunt in pericula.*

De Cancris, Matre & Filio.

Cancrum retrogradum monet mater, antrorsum ut eat. Filius respondet, Mater, I præ, sequar.

MOR. *Nullum reprehenderis vitii, cujus ipse queas reprehendi.*

De Sole & Aquilone.

Sol & aquilo certant uter sit fortior. Conventum est experiri vires in viatorem, ut palmam ferat, qui excusserit manticam. Boreas horrifono nimbo viatorem aggrèditur. At ille non desistit, amictum gradiendo duplicans.

cans. Assumit vires sol, qui, nimbo paulatim evicto, emolitur radiis. Incipit viator æstuarē, sudare, anhelare. Tandem progredi nequiens, captat frigus opacum, atque sub frondoso nemore, abjectâ manticâ, refedit: ita soli contingit victoria.

MOR. *Quicum certes, etiam atque etiam vide. Nam etsi tu fortis es, est forsitan alius te fortior: aut si non fortior, certè callidior, ut consilio suo tuum vincat robur.*

De Asino.

Asinus venit in sylvam, offendit exuvias leonis, quibus andūtus redit in pascua; greges armentâque territat & fugat. Venit qui perdiderat, quæritat suum asinum. Asinus viso hero, occurrit: imò cum rugitu suo incurrit. At herus prehensis, quæ extabant, auriculis, Alios licet, inquit, fallas; ego te, aselle mi, probè novi.

MOR. *Quod non es, nec te esse similes: non doctum, cum sis indoctus; non divitem, non nobilem, cum sis pauper & ignobilis, te jactes. Vero enim comperto, rideberis.*

De Ranâ & Vulpe.

Rana egressa paludem, in sylvis apud feras medicinam proficitur. Ait, se nec Hippocrati, nec Galeno cedere. Cæteris habentibus fidem, illufit vulpes. An hæc, inquit, medicinæ habebitur perita, cui sic pallet os? Quin curet seipsum. Sic illufit vulpes; est enim ranæ os cæruleo colore.

MOR. *Stultitiæ est profiteri quod nescias, & ridiculum.*

De Canē mordaci.

Cani subinde homines mordenti, ut sibi quisque caveret, alligavit dominus nolam. Canis, ratus virtuti suæ tributum decus, suos populares despicit. Accedit ad hunc canem aliquis jam ætate & autoritate gravis, monens eum ne erret: nam ista, inquit, nola data est tibi in dedecus, non in decus.

MOR. *Gloriosus interdum sibi ducit laudi, quod ipsi est vituperio.*

De Camelo.

Camelus, sui pœnitens querebatur tauros insignes ire geminis cornibus, se inermem objectum cæteris animalibus, Orat Jovem donare sibi cornua. Ridet Jupiter stultitiam cameli: nec modo votum negat, verum & aurículas bestię decurtat.

MOR. *Sit quisque fortunâ contentus suâ. Etenim multi fortunam secuti meliorem, incurrere pejorem.*

De duobus Amicis & Urso.

Duo amici faciunt iter: occurrit in itinere ursus. Unus, arbore conscensa, periculum evitat: Alter, cum spes fugæ non esset, collidit se humi. Accedit bellua, contrectat jacentem, os explorat & aures. Homine spiritum continente ac motum, ursus, qui mortuis parcit, ratus cadaver esse, innocuus discedit. Percunctante postea socio quidnam bestia dixisset jacenti in aurem: hoc monuisse, ait, Ne unquam cum illiusmodi amicis iter facerem.

MOR. *Rara avis in terris, nigrôque simillima cygno, fides est. Verum amicorum res adversæ & pericula designant.*

De Equite calvo.

Eques calvus illigârat pileo comam fictitiam. Venit in campum acri spirante Boreâ: dum male observat capillatum galerum, subito apparet calvities. Tolleit cachinnum corona, nec non & ipse rider. Quid novi est, inquit, avolare capillos alienos, cum olim defluerint qui fuerint mei?

MOR. *Bellè fecit Eques, qui non est indignatus, sed cum videntibus risit. Socrates verò, cum accepisset in foro alapum, hoc modo respondit, Molestum esse nescire homines, quando debeant prodire cum galeâ.*

De duabus Ollis.

Dux ollæ stetere in ripâ: altera erat lutea, altera ærea; utramque tulit vis fluvii. Luteæ collisionem metuenti respondet ærea, nè quid timeat: Sese enim ne collidantur satis curaturam. Tum altera, Seu me, inquit, tecum; seu te mecum flumen colliserit, cum meo
utrum-

utrumque fiet periculo, Quare certum est à te separari.

MOR. *Satius est vivere cum socio pari, quam cum potentiori. A potentiori enim potest esse periculum tibi, non illi à te.*

De Rustico & Fortuna.

Rusticus, cum araret, offendebat in sulcis thesaurum. Gratias agit telluri, qui hunc edidisset. Fortuna videns nihil honoris haberi sibi, ita est secum locuta, Thesauro reperto stolidus mihi non est gratus; at eo ipso thesauro postea amisso, me primam omnium votis & clamore sollicitabat.

MOR. *Beneficio accepto, grati simus bene de nobis merenti. Ingratitudo enim digna est etiam beneficio, quod jam acceperit, privari.*

De Tauro & Capro.

Fugit leonem taurus; venit ad speluncam, quaerens latibulum. Intranti occurrit cornibus, qui intus erat, caper. Tum his verbis bos emugit, Tu quidem cornibus tuis meam excipis fugam; verum si abierat, quem fugio, quantum à viribus tauri distet caper, tum senties.

MOR. *Qui nescit miseris esse succurrendum, aut certe non nocendum, caper est. Quisquis enim à miserorum injuriis non temperaverit, si (ut est fortuna mutabilis) è miseris redierit felicitas, nimirum nocuisse miseris eum pœnitebit.*

De Simia & ejus Prole.

Omnes animantes suo conspectui Jupiter adesse jusserrat, cujusnam soboles esset pulcherrima judicaturus. Properant ferae, advolant aves, nec non ad id certamen adnatant pisces. Omnium postrema festinat simia, trahens secum suam prolem. Cujus quidem prolis foedas nares cunctis ridentibus, sic inquit, Maneat, cui faverit Jupiter, victoria: meo tamen judicio, hic meus natus est bellus, & omnium natis jure præferendus. Hoc dicto subrisit & Jupiter.

MOR. *Et nos & nostra nobis placent. Sed de nobis & de nostris factis aliorum sit judicium, ne, si ipsi judicemus, cum simia rideamur.*

De Pavone & Grue.

PAvo & grus unâ cœnant. Pavo se jactat, caudam ostentat, gruem contemnit. Grus fatetur pavonem formosis cûe pennis : se tamen, dum vix tectis supervolat pavo, animoso volatu penetrare nubes.

MOR. *Nemo alterum contempserit. Sua cuique dos, sua cuique est virtus. Qui tua virtute caret, forsan habet quâ careas tu.*

De Quercu & Arundine.

VAlidiore noto effracta quercus in flumen præcipitatur: dùmque fluitat, hæret fortè ramis suis in arundine. Miratur arundinem in tanto turbine stare incolumem. Hæc respondet, cedendo & declinando se esse tutum, inclinare ad Notum, ad Boream, ad omnem flatum: Nec mirum esse quod quercus exciderit, quæ non cedere, sed resistere concupivit.

MOR. *Potentiori ne resistas, sed hunc cedendo & ferendo vincas. Quod pulchrè docet facundissimus Poetarum Virgilius,*

Nate deâ, quo fata trahunt retrahuntque, sequamur:

Quicquid erit, superanda omnis fortuna ferendo est.

De Tigride & Vulpe.

Venator jaculis agitabat feras. Tigris jubet omnes feras abstinere, sese unum ait bellum confecturam. Pergit venator jaculari. Tigris oppidò sauciatur. Fugientem è prælio, telùmque extrahentem percontatur vulpes, quisnam valentem belluam tam valdè vulnerâset? Respondet, se authorem vulneris haud nôsse: verùm ex vulneris magnitudine capere se conjecturam, aliquem fuisse verum.

MOR. *Fortes plerunque sunt temerarii, & ars vim, ingenium fortitudinem superat.*

De Tauris & Leone.

Quatuor fuère tauri, quibus placuit communem ipsorum esse salutem, & commune periculum. Vidit leo simul pascentes; etsi esuriit, tamen conjunctos aggredi metuit. Primum dat operam verbis fallacibus segregare, tum segregatos laniar.

MOR.

MOR. *Concordiâ nihil est firminus : Discordia etiam fortes reddit imbecilles.*

De Abiete & Dumis.

Fertur olim abies despicere dumos : jactat se proceram esse, locari in ædibus, cum velo stare in navibus ; dumos autem humiles, viles, nulli usui idoneos. Quorum quidem tale fuit responsum, Tu sane, abies, tuis gloriare bonis, & nostris insultas malis. Verùm nec tua refers mala, & nostra præteris bona. Cum tu sonanti detruncare securi, quam velles tum nobis, qui securi sumus, esse te similem !

MOR. *Et summæ fortunæ suæ insunt mala, & humili fortunæ suæ bona. Ut nil aliud nunc dicam, hæc segura est ac tutata, illa nec extra metum est, nec caret periculo. Horat. canit in Lyricis,*

-----Celsæ graviore casu
Decidunt turres, feriuntque summos
Fulmina montes.

De Piscatore & Pisciculo.

Subductus hamo pisciculus,orat piscatorem se dimittat. Ait mode se à matre fusam : atque mensam, cum adhuc minutus sit, non multum juvare : Si dimittat, postea grandem ultro ad hamum ejus rediturum. Piscator negat se dimissurum prædam certam, licet exiguam. Quid hæbeam, inquit, scio ; quid sim habiturus, nescio : *Ego spern pretio non emam.*

MOR. *Certum præstat incerto, præsens futuro ; et si nunquam exile commodum omissum attulit magnum.*

De Alite & Pullis ejus.

Ales positos in segete pullos monet, ut, dum ipsa abest, diligenter attendant, si fiat sermo de occasione. Redeunti à pastu matri, pulli anxii narrant dominum agri operam illam mandasse vicinis. Respondet nihil esse periculi. Item alio die trepidi aiunt, rogatos ad metendum amicos. Iterum jubet illa, ut sit securi. Tertio, ut audivit ipsum dominum cum filio statuisse postero mane cum falce messem intrare ; Jam, inquit, tempus est ut fugiamus, Vicinos & amicos non timui, quia non venturos scivi ; Timeo dominum, illi enim res cordi est. MOR,

MOR. *Socordes alienis in rebus plerique sumus: quod si quid rectè curatum velis, alteri ne mandes, sed cures ipse.*

De Avaro & Invido.

DUO homines orabant Jovem, cupidus & invidus. Mittitur à Jove Apollo, per hunc ut eorum votis satisfiat: dat hic utrique oprandi liberam facultatem hac conditione, ut, quodcunque petiisset alter, id ipsum alter acciperet duplicatum. Hæret diu cupidus, cum nihil putat fore satis. Petir tandem non pauca, & duplum accipit focus. Porro invidus hoc petit, ut ipse uno privetur oculorum, lætus socium mulctandum esse utroque.

MOR. *Avaritiam quid potest satiare? Invidia vero dementius est nihil, quæ dummodo noceat alteri, sibi met imprecatur malum.*

De Leone & Capella.

VIDET leo pendere dumosâ de rupe capellam. Suadet descendere, ut in campo thymum falicésque carpat. Recusat capella descendere; verba quidem ejus haud sanè mala, sed mentem esse plenam doli reclamans.

MOR. *Cogita, quis quid suadeat. Multi suadent uti, non tibi sed sibi.*

De Cornice & Urna.

SITIBUNDA cornix reperit urnam aquæ: sed erat urna profundior quàm ut posset à cornice aqua contingi. Conatur effundere urnam; nec valet. Tum lectos ex arenâ scrupulos injectat: hoc modo aqua levatur, & cornix bibit.

MOR. *Interdum id, quod non potes efficere vi, efficies prudentia, & consilio.*

De Leone & Venatore.

LITIGAT leo cum venatore. Suam præfert fortitudinem hominis fortitudini. Post longa jurgia venator ducit leonem ad Mausoleum, in quo sculptus erat leo caput deponens in gremium viri. Negat fera id satis esse indicium. Homines enim sculpere quod vellent, ait, quod si & leones forent artifices, jam virum sculptum sub pedibus leonis.

MOR.

MOR. *Quisque quoad potest, & dicit & facit quod suæ arti & causæ putat prodesse.*

De Puero & Fure.

SEdebat puer flens apud puteum. Fur rogat causam flendi, puer dicit, rupto fune incidisse in aquas urnam auri. Homo exiit se, insilit in puteum, quærit; vase non invento, conscendit, atque ibi nec puerum, nec suam invenit tunicam. Puer quippe sublatâ tunicâ fugerat.

MOR. *Falluntur interdum, qui fallere solent.*

De Rustico & Juvenco.

ERat rustico juvenco vinculi omnisque jugi impatiens. Homo astutus bestię resecat cornua (cornibus enim petebat) tum jungit non currui sed aratro, nè, ut solet, herum pulsaret calcibus. Stivam ipse tenet gaudens industriâ effecisse, ut jam foret tutus, & à cornibus, & ab ungulis. Sed quid evenit? Taurus subinde resistens spargendo pedibus, os caputque rustici opplet arenâ.

MOR. *Sunt nonnulli sic intractabiles, ut nulla queant arte, nullo consilio tractari.*

De Satyro & Viatore.

SAtyrus, qui deus nemorum olim est habitus, viatorem nive obrutum atque algore enectum, miseratus, ducit in antrum suum, fovet igne. Spirantem autem in manus percontatur causam: qui respondens, Ut calefiant, inquit: Postea cum accumberent, sufflat viator in polentam: quod cur faceret interrogatus, Ut frigescat, inquit. Tunc continuo Satyrus viatorem ejiciens, Nolo, inquit, in meo sit antro, cui tam diversum est os.

MOR. *Carve sit in tuo convivio homo duplici ore, quique in sermone est Proteus.*

De Apro & Rustico.

APro vastanti segetes rusticus præcidit auriculam; iterum deprehenso præcidit alteram. Et tunc quoque redeuntem capit, captum portat in urbem de-

stinatum lautitiæ sui patroni. Sectâ jam in convivio belluâ, nusquam apparet cor. Excandescente hero, & flagitante coquos, Villicus respondet, Patrone, non est mirum non apparere cor : credo stultum aprum nunquam cor habuisse. Nam si cor habuisset, nunquam in poenam suam ad meas segetes toties rediisset. Sic rusticus. At omnes convivæ emori risu, cachinnari de stultitia rustici.

MOR. *Multorum hominum est adeo excors vita, ut an cor habeant possis ambigere.*

De Tauro & Mure.

MUs tauri pedem momorderat fugiens in antrum suum. Taurus vibrat cornua, quærit hostem, nusquam videt : irridet eum mus, Quia, inquit, robustus es, ac vastus, non idcirco quemvis contempseris. Nunc te, & quidem gratis, læsit exiguus mus.

MOR. *Tritum est illud verbum, quod significantius nostrate lingua dixerim, Let no man be too heedless of his Enemy. Latine sic, Non suum hostem flocci pendat*

De Rustico & Hercule.

Rustici currus hæret in profundo luto. Mox supinus Deum Herculem implorat. Intonat vox è cælo ; Inepte, inquit, flagella eqtios, & ipse annitere rois, atque tum Herculem vocato. Tum enim aderit Hercules vocatus.

MOR. *Nil profunt oriosa vota, quæ sanè Deus non audit. Juvæ temet, inquiunt, ipse tum juvabit te Deus.*

De Anserè.

Fuit anser qui ponebat ova aurea, singulis diebus singula. Dominus, ut subito fiet dives, anserem jugulat, sperans intus latere gazam. Sed anserè invento vacuo, stupet miser, anxieque dehinc suspirat, ac plangit, & rem & spem periisse.

MOR. *Moderanda sunt vota. Curandum est, ne vel prepereri simus, vel nimii. Nam & festinantia nocet, & qui plura quam decet quærit, interdum acquirit nihil.*

De

De Cicada & Formica.

CUm per æstatem cicada cantat, formica suam exercet
messē, trahit in antrum grana, reponens in hyemem.
Sæviente brumâ, famelica cicada venit ad formicam,
mendicat victum. Renuit formica, dictitans sese, dum
illa cantabat, laborâsse.

MOR. *Qui segnis est in juventa, egebit in senectâ : &
qui non parcat, olim mendicabit.*

De Simia & duobus ejus Natis.

Simia, ut ferunt, cum peperit gemellos, alterum diligit,
alterum negligit. Erat puerpera cum gemellis: atque
cum incidisset terror, vitatura periculum, dilectum pre-
hendit ulnis, quem (dum præceps fugitat) collidit petrae
atque enecat: Neglectus autem, qui in hirsuto hæserat
tergo fugientis, mansit iacolumis.

MOR. *Solet invenire, ut ipsi parentes filio, quem tenerè
amant, præ nimia indulgentia sint mali occasio & periculi;
eo, quem minus amant, præstant se strenuum ac probum.*

De Bove & Juvenco.

BOs jam grandis ævo quotidie trahebat aratrum; Ju-
vencus laboris expers vicinis, exultat in pascuis, ac
randem insultat fortunæ senioris. Jactat se jugi ac vin-
culi inscium, liberum, otiosum: illi attritum esse labo-
re collum: Denique se glabrum ac nitidum: illum esse
hirsutum ac squalidum, Senior tum quidem nihil con-
tra; sed brevi post tempore videt hunc insultatorem
duci ad aras, ac tum hisce verbis affatur, Quo tua mollis
vita pervenit? Secutum istud otium rediit ad securim.
Jam saltem (ut opinor) potius suades mihi laborem,
qui me tuetur, quam otium, quod nunc te traxit ad
necem.

MOR. *Ad vitam rectè gerendam, opus est labore & vigi-
lantia. Socors autem, & voluptati deditus, suarum rerum,
quem vult, solgetur exitum.*

De

De Canē & Leone.

Occurrit canis leoni, jocatur: Quid tu miser exhaustus inediâ percurris sylvas & devia? Me specta pinguem ac nitidum: atque hæc non labore consequor, sed otio. Tum leo, Habes tu quidem tuas epulas; sed habes, stolide, etiam vincula. Tu servus esto, qui servire potes: ego quidem sum liber, nec servire volo.

MOR. Pulchrè respondet leo. Quibuslibet enim rebus potior est libertas.

De Piscibus.

Piscis fluviatilis vi fluminis correptus in mare, ubi suam efferens nobilitatem, omne marinum genus vilipendebat. Non tulit hoc phoca; ait, Tunc fore iudicium nobilitatis, si cum phocâ captus portetur ad forum: Se emptum iri à nobilibus, illum autem à plebe.

MOR. Multi sic capti sunt libidine gloria, ut sese ipsi prædicent & jactent. Sed laus sui oris non datur homini laudi, at excipitur cum auditorum risu.

De Pardo & Vulpecula.

Pardus, cui pictum est tergum, cæteris færis, etiam leonibus, despectis, intumescebat. Accedit ad hunc vulpecula, suadet non superbire, dicens, Illi quidem speciosam esse pellem, sibi verò speciosam esse mentem.

MOR. Discrimen est bonorum, & ordo. Bona corporis præstant bonis fortunæ; utrisque illis animi bona præferantur oportet.

A P O L O G I

43

Ex Chiliadibus Adagiorum ERASMI desumpti, ad communem puerorum fructum.

De Vulpecula & Pardale.

CUm aliquando pardalis vulpem præ se contemneret, quòd ipsa pellem haberet omnigenis colorum maculis variegatam; respondet vulpes, Sibi id dedecoris in animo esse, quod illi in cute.

MOR. *Neque verò paulo satius est ingenio præditum esse vafro, quam cute versicolore.*

De Vulpe & Fele.

CUm aliquando vulpes in colloquio, quod illi erat cum fele, jactaret sibi varias esse technas, adeo ut vel peram haberet dolis refertam; felis autem responderet, sibi unicam duntaxat artem esse cui fideret, si quid esset discriminis: Inter confabulandum repente canum accurrentium tumultus auditur. Ibi felis in arborem altissimam subiliit, cum vulpes interim à canum agmine cincta capitur.

MOR. *Inuit fabula, præstabilius esse nonnunquam unicum consilium, modò id sit verum & efficax, quam plures dolos consiliaque frivola.*

De Rege & Simiis.

REx quidam Ægyptius aliquot simias instituit, ut saltandi rationem perdiscerent. Ut enim nullum animal ad figuram hominis propius accedit, Ità nec aliud actus humanos aut melius aut libentius imitatur. Artem itaque salutandi protinus edoctæ saltare ceperunt, insignibus indutæ purpureis, ac personatæ: multoque jam tempore majorem in modum placebar spectaculum; donec è spectatoriis facetus quispiam, nuces, quas clanculum in sinu gestabat, in medium adjecit.

44 VARIORUM AUTHORUM

cit. Ibi statim simiæ simulatque auces vidissent, oblitæ choreæ, id esse cœperunt, quod antea fuerant : ac repente è saltatricibus in simias redierunt ; contritisque personis, dilaceratisque vestibus, pro nubicus inter se pugnabant, non sine maximo spectantium risu.

MOR. *Admonet hæc fabula, fortunæ ornamenta non mutare hominis ingenium.*

De Asino & Viatoribus.

Duo quidem, cùm in diversis locis asinum quempiam fortè fortuna nacti essent, contendere inter se cœperunt, uter eorum uti suum domum abduceret : nam utrique pariter à fortunâ videbatur objectus. Hæc interim de re illis invicem altercantibus, asinus sese subduxit, ac neuter eo potitus est.

MOR. *Quidam à præsentibus commodis, quibus eb inscitiam uti nesciunt, excidunt.*

De Piscatoribus.

Piscatores aliquot, jacto reti, testudines eduxerunt. Eas cùm essent inter se partiri, neque sufficerent omnibus comedendis, Mercurium fortè accedentem invitârunt ad convivium. At is intelligens se neutiquam humanitatis gratiâ vocari, sed ut eos fastidio cibi sublevâset, recusavit, iussitque ut ipsi suas testudines ederent, quas cepissent.

MOR. *Nonnulli, posteaquam inconsulte quippiam adorti sunt, aliorum implorant auxilium, quos suo negotio admisceant.*

De Asino.

Apud Cumanos asinus quispiam pertæsus servitutem abrupto loro in sylvam aufugerat : illic fortè reptas leonis exuvias corpori applicabat suo, atque ita pro leone se gerebat, homines pariter ac feras voce caudæque territans : nam Cumani leonem ignorant. Ad hunc igitur modum regnabat aliquandiu personatus hic alinus, pro leone immani habitus ac formidatus, donec hospes quidem Cumas profectus, qui sæpenumero vide-

rat

rat & leonem & asinum, (atque ob id non erat difficile dignoscere) aurium prominentium indicio, neque non alijs quibusdam conjecturis, asinum esse deprehendit, ac probè fustigatum reduxit, dominóque agnoscanti reddidit. Interim autem risum non mediocrem concitabat omnibus Cumanis asinus jam agnitus, quos dudum, creditus leo, metu propemodum exanimaverat.

M O R. *Haud facîle tegimus vitia, quæ à pueris nobiscum adoleverunt.*

De Scarabeo & Aquila.

Scarabeus aliquando spretus ab aquilâ, cœpit de vindicta quæquo pacto fumendâ cogitare. Pervestigavit, ubinam aquila nidum collocâisset, adrepsit scarabeus & ova simili dolo dejecit. Aquila, cum sæpius domicilium commutâisset, neque quicquam proficeret, Jovem patronum adiit; exponit calamitatem suam: is jubet, ut suo in gremio ponat ova, vel istic in tuto futura. Et huc per vestis lacinias, sinúsque prorepsit pertinax scarabeus, haudquaquam sentiente Jove. Deinde ubi vidit ova commoveri Jupiter, neque satis animadvertit, territus rei novitate, excusso gremio in terram dejecit.

M O R. *Monet hæc fabula, neminem, quantumvis pusillum, contemnendum esse.*

De Satyro & Rustico, Aniani fabula

Erasmo interprete.

Satyrus quidam cum vehementer algeret, hyberno gelu supra modum sæviente, à rustico quodam inductus est in hospitium. Admiratus autem cur homo inflaret in manus ori admotas, rogavit cur ita faceret. Is respondit, Ut frigidas manus halitus tepore calefaceret. Deinde ubi extructo foco, appositâ mensâ, in pulvem fervidam rursus inflaret, magis etiam admiratus, sciscitatus est quid hoc sibi vellet. Uti pulvem, inquit ille, nimium ferventem halitu refrigerem. Tum Satyrus surgens à mensâ, Quid ego audio? inquit. Tunc eodem ex ore pariter & calidum & frigidum

46 VARIORUM AUTHORUM.

frigidum efflas? Valebis. Neque enim mihi ratio est, cum ejusmodi homine commune habere hospitium.

MOR. *Narrantur bilingues, qui eundem modò laudant, modò vituperant.*

Ex secundo Noctium Atticarum GELLII,

Apologus ÆSOPI Phrygis memoratu non inutilis.

ÆSopus ille Phrygiæ fabulator, haud immeritò sapiens existimatus est, cum quæ utilia monitu suâque erant, non severe, non imperiose præcepit, & censuit, ut philosophis mos est, sed festivos delectabilesque apologos commentus, res fabulriter ac prospicienter animadversans, in mentes animosque hominum cum audiendi quadam illecebrâ induxit. Velut hæc ejus fabella de aviculæ nidulo lepidè atque jucundè præmonet, spem fiduciâque rerum quas efficere quis possit, haud unquam in alio, sed in semetipso habendam. Avicula, inquit, est parva; nomen est *cassita*; habitat, nidulaturque in segetibus; id ferme temporis, quo appetit messis, pullis jamjam plumentibus. Ea cassita in sementes forte concesserat tempestiviores: propterea frumentis flavescens pulli etiam tunc involucre erant. Cum igitur ipsa iret cibum pullis quæsitum, monet eos, ut, si quid ibi novæ rei fieret, dicereturve, animadverterent; idque uti sibi, ubi rediisset, renunciarent. Dominus postea segetum illarum filium adolescentem vocat, & Vidēsne, inquit, hæc ematuruisse, & manus jam postulare? Idcirco die crastino, ubi primum diluculabit, fac amicos adeas, & rogas, ut veniant, operamque mutuam dent, & messē hanc nobis adjuvent: hæc ubi dixit, discessit. Ubi rediit cassita, pulli trepiduli circumstrepere orareque matrem, ut statim jam properet, atque alium in locum sese asportet. Nam dominus, inquiunt, misit filium qui amicos rogaret, ut luce oriente veniant, & metant. Mater jubet eos à metu otiosos

otiosos esse. Si enim dominus, inquit, messem ad amicos rejecit, crastino seges non metetur, neque necesse est hodie uti vos auferam. Die igitur postero mater in pabulum volat: dominus quos rogaverat opperitur: sol fervet, & fit nihil, & amici nulli erant. Tum ille rursus ad filium, Amici isti, inquit, magnam in partem cessatores sunt: quin potius inaus, & cognatos, affines, vicinósque nostros oramus, ut adsint cras tempore ad metendum? Itidem hoc pulli pavefacti matri nuntiant. Mater hortatur, ut tum quoque sine metu, ac sine cura sint: cognatos affinesque nullos ferre tam esse obsequibiles ait, ut ad laborem capeffendum nihil cunctentur, & statim dicto obediant: vos modò, inquit, advertite, si modò quid denuò dicetur. Aliâ luce ortâ. avis in pastum profecta est: cognati & affines opera, quam dare rogati sunt supersedent. Ad postremum igitur dominus filio, Valeant, inquit, amici cum propinquis: afferes primâ luce falces duas; unam egomet mihi, & tu tibi capias alteram; & frumentum nosmetipsi manibus nostris cras metemus: Id ubi ex pullis dixisse dominum mater audivit; Tempus est, inquit, credendi, & abundi, Fiet nunc proculdubio quod futurum dixit. In ipso enim jam vertitur, cuja est res: non in alio unde petitur. Atque ita cassita nido migravit, & seges à domino demessa est. Hæc quidem est Æsopi fabula, de amicorum plerunque & propinquorum levi & inani fiducia. Sed quid aliud sanctiores libri philosophorum movent, quam ut nobis tantum ipsis nitamur; alia autem omnia, quæ extra nos, extrâque nostrum animum sunt, neque pro nostris, neque pro nobis ducamus? Hunc Æsopi Apologum Ennius in Satyris scitè admodum & venustè versibus quadratis composuit: quorum duo postremi isti sunt, quos habere corde & memoriâ, opere pretium esse hercle puto.

*Hoc tibi erit argumentum semper in promptu situm,
Nè quid expeñtes amicos, quod tute agere possis.*

Fabula

Fabula ex Lamia Politiani desumpta.

AVes olim prope universæ noctuam adierunt, rogaruntque eam, nè post hac in ædium cavis nidificaret, sed in arborum potius ramis, atque inter frondes; ibi enim vernari suavius. Quin eidem quercum modo enatam, pusillam, tenellamque adhuc ostendebant, in quâ scilicet molliter, ut aiebant, & sedere ipsa aliquando noctuæ, & suum sibi construere nidum posset. At illa facturam se negavit. Quin invicem consilium dedit iis, ne arbusculæ illi se crederent: laturam enim quandoque esse viscum, pestem videlicet avium. Contempnere illæ (ut sunt leve genus & volaticum) sapientis unius noctuæ consilium. Jam quercus adoleverat, jam patula, jam frondosa erat; Ecce ibi aves illæ omnes gregatim ramis involitant, lascivunt, subsultant, colludunt, cantillant. Interea quercus ea viscum prorulerat, atque id homines animadverterant: implicitæ ergo repente ibi omnes pariter misellæ; ac frustra eas serâ poenitentia subiit, quod salubre illud consilium sprevisset. Atque hoc esse aiunt, cur nunc aves omnes, ubi noctuam viderint, frequentes eam quasi salutant, deducunt, sectantur, circumfidunt, circumvolitant. Etenim consilii illius memores, admirantur eam nunc ut sapientem, stipantque densâ catervâ, ut videlicet ab eâ sapere aliquando discant; sed opinor frustrâ, imò verò etiam interdum cum magno ipsarum malo. Nam veteres illæ noctuæ reverâ sapientes erant: nunc multæ noctuæ sunt, quæ noctuarum quidem plumas habent, oculos, & rostrum, sapientiam verò non habent.

MOR. *Bene monentis consilia ne spernes, hæc fabula docet.*

*Apologus ex secundo Libro Petri Crinitri, de
honestâ disciplina desumptus.*

SAta est olim cucurbita juxta arborem pinum, quæ grandis admodum & ramis patulis extabat. Cucurbita verò, cum multis pluviis atque cœli temperamento crevisset, lascivire incepit, & ramulos audacius porrigere. Jam serpebat in pinum, jam surgere, jam ramos & frondes involvere audebat, ampliora folia, candentes flores prægrandia poma & virescentia ostentans. Itaque tanto fastu atque insolentiâ intumuit, ut pinum arborem ausa sit aggredi, & Vides, inquit, ut te supero, ut amplis foliis, ut virore præsto, & jamjam ad cacumen profurgo? Tum pinus, quæ senili prudentiâ & robore pollebat, nihil mirata est cucurbitæ insolentis audaciam, sed ita ad eum respondit, Ego hic multas hyemes, calores, æstus, variâsque calamitates pervici, & adhuc integra confisto. Tu ad primos rigores minus audaciæ habebis, cum & folia concident, & viror omnis aberit.

MOR. Secundis rebus non est superbiendum.

Fabula de Corvo & Lupis, ex Jo. Ant. Campano desumpta.

CORVUS lupos per ardua montium juga comitatur, partem sibi prædæ fieri postulat, quia eos secutus nullo tempore destituisset, sociusque fuisset. Repulsus deinde est à Lupis, tanquam non eos, sed prædam cibumque secutus: nec minus luporum, si occiderentur, quam cæterorum animalium exta fuisset voraturus.

MOR. Non quid agamus semper inspiciendum est, sed quo simus animo cum agamus.

Alterâ de partu terræ, ex eodem.

TURGIDA olim facta tellus, & mirum in modum tumida, magnum aliquod paritura videbatur. Accurrunt finitimi, stupent agricolæ, terræ partum inter spem metumque expectant. Alii Typhœa illum centimanum, alii montes erepturos putabant. Apertur terra, prodit mus: & quod miraculo fore omnibus existimabatur, in risum atque jocum converterunt.

E

MOR.

MOR. *Non semper credendum promissis magnificis.*

Apologus de Membris & Ventre, ex Plinio desumptus.

Humani artus, cum Ventrem otiosum viderent, ab eo discordârunt, & suum illi ministerium negaverunt. Cum eo pacto & ipsi quoque deficerent, intellexerunt ventrem cibos acceptos per omnia membra dividere: & cum eo in gratiam redierunt.

MOR. *Magna res discordia pereunt, concordia valent.*

*De Arione & Delphino fabula elegantissima,
ex libro 16 Gellii.*

Vetus & nobilis Arion cantator fidibus fuit. Is loco & oppido Methymæus, terrâ atque insulâ Lesbios fuit. Eum Arionem Rex Corinthi Periander amicum amatumque habuit artis gratiâ: Is inde à Rege profiscitur, terras inclitas Siciliam atque Italiam visurus. Ubi eo venit, aurésque omnium mentésque in utriusque terræ urbibus demulsit; in questibus istis, & voluptatibus, amoribusque hominum fuit. Is tum postea grandi pecuniâ & re bonâ multâ copiosus, Corinthum instituit redire. Navem igitur, & nautas, ut notiores amicioresque sibi Corinthios delegit: Sed ii Corinthii homine accepto, navique in altum provectâ prædæ pecuniæque cupidi, ceperunt concilium de necando Arione. Tum illum, ibi perniciæ intellecta, pecuniam ceteraque suâ ut haberent dedisse, vitam modò sibi parcerent oravisse. Nautas precum ejus harum commiseritos esse illatenus, ut ei necem adferre per vim suis manibus temperarent, sed impetravisse, ut jam statim coram defileret præceps in mare. Homo ibi territus, & ipse omni vita perditâ, id unum postea oravit, ut priusquam mortem oppeteret, indgere permetterent sua sibi indumenta, & fides carpere, & canere carmen casus illius sui consolabile. Feros & immanes nautas prolubium tum audiendi subit. Quod oraverat, impetrat. Atque ibi mox de more cinctus, amictus, ornatus, stansque in summæ pippis foro, carmen quod Orthium dicitur

dicitur voce sublatissimâ cantavit. Ad postrema cantus, cum fidibus ornatuque omni sicut stabat, canebatque, jecit sese procul in profundum. Nautæ, haudquaquam dubitantes quin periisset, cursum quem facere cœperant tenuerunt. Sed novum, & mirum, & pi-um facinus contigit: Delphinum repente inter undas adnavisse, & dorso super fluctus edito vectavisse, incolumique eum corpore & ornatu Tænarum in terram Laconicam devexisse. Tum Arionem prorsus ex eo loco Corinthum petivisse, talemque Periandro Regi, qualis delphino vectus fuerat, sese obtulisse, eique rem (sicuti acciderat) narravisse Regem istæc parum credidisse. Arionem (quasi falleret) custodire jussisse, nautas requisitos, ablegato Arione, dissimulanter interrogasse, erquid audissent in eis locis, unde venissent, super Arione. Eos dixisse; hominem cum inde irent, in terra Italia fuisse, eumque illic bene agitare, & studiis delectationibusque urbium florere, atque in gratia pecuniæque magna fortunatum esse. Tum inter hæc eorum verba Arionem cum fidibus & indumentis, cum quibus se in salum ejaculaverat, extitisse. Nautas stupefactos convictosque ire inficias non quisse.

Mor. Documento est hæc fabula, plus aliquando inveniri in brutis animalibus clementiæ, quam in his hominibus, qui præter opes nihil habent pensi, præter figuram nihil humanitatis.

NICOLAI GERBELLII Phrocentis
Apologus lepidissimus.

De Araneâ & Podagra.

A Ranea, paululum à texendi opere quietior, animi relaxandi gratia commodum deambulabat. Huic se obviam præbuit podagra, tametsi passibus ambiguis admodum ægrè illam assequeretur. Ejus diei itinere utcunque emenso, non longè aberant ab oppidulo, cui regionis ejus incolæ Tyche nomen indiderant. Utrique consilium fuit conditionis suæ hospitem per-

vestigare. Aranea, non maximopere data opera, in opulenti cujusdam civis ædes divertit : inibi quaquaversum telas suas præpendebat, prætendebatque retia : Aderant illico nescio qui trygodæmones, qui textri-
nam illius demoliebantur : Momentaneum itaque erat ip-
sius, quò etiam cunque verteret, ædificium. Nusquam enim scopariorum occulatas scopas poterat effu-
gere. Misera plane, quæ in tanta rerum omnium af-
fluentia, sola egebat perturbaturque. Podagra vero,
mendicabuli instar, vix tamen egestosi cujuspiam tu-
guriolum impetrarat : in id loci cum decubuisset, nihil
non experiebatur miseriarum. Apponebatur cœnatu-
rienti panis cibarius, aridis vix faucibus hianti hydropo-
terium. Jamque diurno itinere lassescenti, torus ligne-
us, nullis frondibus, nullo gramine, sed prætenuibus pa-
leis infernebatur. Atqui discere non est hujus institu-
ti, quam convenerint male membris mollibus, cuticulæ
(ut ita dixerim) holosericæ stragula tam dura, tam
barbari villi. Oriente igitur vix tandem illò augusto
sydere, quod exaudit, quod intuetur omnia, convenere
rursum aranea simul & podagra. Prior aranea præ-
teritæ noctis molestias, tot locorum commutationes
denarrat; nunc hero exprobrans munditiem, nunc ni-
miam scopariorum observantiam. Podagra contra de-
hospitis sui egestate comminiscitur : nec otium habet
admonstrare aranæ lividas vibices, quas adamantina
fulcra tenellæ cuticulæ imprefferant. Consilium ine-
unt, araneam deinceps pauperum tuguria, podagram
verò divitum aulas debere sub ingredi : in hanc aranea
pedibus, podagra animis vadit sententiam. Veruntamen
tenebris, jamjam incrementibus, urbi cuiquam sese ap-
proximant. Podagra, instituti non immemor, pede-
tentim se in nummosi cujusdam domum illatebravit.
Quâ commodum ab hero conspectâ (dii boni!) quâ
benevolentia, quâ humanitate, quibus nominibus,
excipitur ! Supponuntur substruunturque olivæ cul-
citæ, toralia perdicum subalaribus plumis referta. Ta-
cco

ceo vinum dulce, vinum nigrum, Lesbium, Tarentinum. Taceo ficedulas, phasianos, atque eas aviculas quæ binis superbiunt coloribus, In summa nihil deliciarum, nihil voluptatum non exhauriebat. Aranea Pauperis casum ingressa telas orditur, quaquaversum parietes interpatent, retia suspendit, orbiculari operi manibus pedibusque incumbit: reficit abrupta, perficit intercepta: & ut dicam breviter, *vacua dominatur in aula*: nullas insidias, nullos formidat insultus: imo vero etiam jam scopis superior omnibus. Non multo post, podagra araneam convenit; delicias suas, felicitatem, fortunas ampliter exornat. Aranea miris laudibus extollit imperium suum, ædificandi texendique libertatem. Placuit tandem hæc utrisque sententia: Quorsumcunque proficiscerentur, podagram in divitum domus, araneam in pauperum tuguria debere divertere.

MOR. *Apologus hic, tametsi ad usus varios accommodari queat, id tamen imprimis declarat: Alium in alio loco fortunatiorem esse. Præterea, morborum domicilium esse divitum aulas: Ad ultimum, nusquam libertatem majorem, quam ubi divitiarum minus.*

LAURENTII ABSTEMII VIRI
elegantissimi & amoeni ingenii fabulæ elegantissimæ, nuper per clariss. Poetam & Philosophum Gargetium emaculatæ.

Domicius Palladius Gouranus Pollioni Padio,
Sacerdoti venerando, S. P. D.

Iampridem tuo sermoni de Abstemio, frequenti literatorum confessu, Pollio venerande, non invitus interfui, cum minime prætextatus, ut ita dicam, laudibus hominem celebrares, adeoque in arcem evasisti, ut nemo sane (mea sententia) eum cumulatius laudare potuerit. Mox inde secedens, hæc omnia animo diu volutabam, unde tanta conflueret laudationis abundantia, unde tanta non vulgaris observatio emanaret,

unde denique amicitia adeo perfecta exoriretur. Proculdubio non altunde mecum tandem collegi, quam ex præclaro ejus virtutis nomine proficisci, cujus quidem vis magna & præpotens est. Quamobrem non possum profecto non suspicere ingenium tuum amabile, tuumque animum virtutibus fultum diligentius non admirari, qui neque ambitione, neque invidia, neque aliquo alio livore devincitur. Si quidem omnes quas meriatur Abstemijs noster, laudes non transis silentio: imo ad illas ipsas cumulandas, ob ejus incredibilem eloquentiam singularemque doctrinam, ultro accedis; idque haud abs re, cum pater omnium elegantiarum, & quæ ideas leporum omnium merito sit & habeatur. Et ut hæc clarior a lice, non officii gratia, aut temere dicantur, quotidie quodammodo aliqua ejus librorum monumenta existere videmus, quæ undique perfecta verborum concinnitate, perspicacissimaque sententiis scatent. Nam modo dicam de hoc Apologorum libello nuper impresso, in quo perspicue insignis ejus ingenii amantia non absque laude maxima redundare videtur. Quare non vereor ut is remisso cujusunque animo possum eat, Abstemijsque (ab sit invidia verbo) omnium quam jucundissimo detrahatur: cui & te & me, ob tanti nominis celebritatem, nulla unquam in re de futuros esse liquido constabit. VALE.

LAURENTIUS ABSTEMIJS
OCTAVIANO UBALDINO

Comiti Mercatelli, S. P. D.

Editurus hunc Apologorum libellum, quem de numero fabularum Hecatomythium nuncupavi, multum diuque dubitavi, Octaviane Princeps inclyte, tuone cum nomini potissimum dedicarem. Nam cum tuam in me, non sine plurimis beneficiis, perspicerem benevolentiam, non aliquid mearum & gilliarum tibi devovere ingratis hominis esse videbatur. Rursus cum tuorum in me officiorum numerum, divinasque virtutes tuas mecum ipse revolverem, indignum tantis meritis, tantaque sapientia, munusculum hoc esse cernobam. Hanc tandem dubitationem meam amovit humanitas & prudentia tua: quæ non tam res tibi dono datas, quam offerentiam voluntatem,

voluntatem, soles inspicere. Addidit quoque mihi animum
 Guidus Ubalduſ, clariffimus Dux & Princeps unus omni lau-
 de major, qui opusculum meum, De nonnullis locis obſcuris, ſu-
 periori anno ei dedicatum, vultu ita placido & ſerena fronte
 ſuſcepit, ut ſperare merito poſſim, hoc tibi qualecunque fore
 non ingratum. Non mediocriter etiam me incitarunt Georgius
 Emuſ, pro Venetis hic legatus, non ſolum patricia nobilitate,
 verum etiam bonarum artium ſtudiis clarus, & Carolus Ve-
 rardus Cæſenſis, Archidiaconus Cæſenſis, & Alexandri Ponti-
 ficis maximi cubicularius, vir omni literarum genere præ-
 ſtans, nec non Renatus Melioratus, & Robertus Urſus Arimi-
 nenſis, Jurisconſulti clariffimi, nec minus qui humanitatis va-
 cant ſtudii eruditi. Hi enim alique complures, optimi ha-
 rum rerum cenſores, cum hunc libellum legiſſent, multis me
 verbis ſunt ad editionem cohortari. Non putavi igitur tam
 humano Principi hoc munus ingratum futurum, quod tot
 eruditis viris ante placuiſſe cognoveram. Accipe igitur hoc
 quicquid eſt libelli ab Abſtemio tui; cujuſ mentem animum-
 que ſi penitus poſſis inſpicere, in hac tenue re magnum munus
 tibi judicares oblatum. Ne quis autem inutilem & inanem
 hunc meum ſcribendi laborem exiſtimaret, præfatiunculam
 quandam præponendam cenſui; quâ intelligeretur, doctos
 etiam & claros viros in magnis rebusque huiusmodi fabulis,
 non voluptatis tantum, verum etiam utilitatis gratia, dele-
 ctatos. Sedulo dedimus operam, ut ſeria potius quam jocos ſa-
 perent: unde ridiculas multas, quæ inter componendum ſeſe
 mihi offerebant, conſulto præterii, quia nimis laſcivæ, & tan-
 ti Principis gravitate mihi videbantur indignæ. Non tamen
 ita agreſtis eſſe volui, quin eas aliquâ urbanitate aſperge-
 rem, maxime ad Principem ſcribens: cum Principes, curarum
 mole preſſi ſoleant interdum, recreandi animi gratia, jocos ap-
 petere.

Ejuſdem ABSTEMII Proœmium.

Cogitanti mihi varia ſcriptorum genera, qui ut huma-
 næ vitæ prodeſſent, cogitationes ſuas literarum manda-
 vère memoriæ: qui apoloſos ſcripſere, non poſtremo loco digni

esse videntur. Non modo enim mortalium animos incredibili quadam afficiunt voluptate, verum etiam ad res honestas utilesque peragendas suis fabellis magis, quam philosophi suis præceptis alliciunt. Nam ita in legentium animos quadam jucunditate penetrant, & quibusdam similitudinibus, quæ maxime ad commovendos animos valent, quid vitandum faciendumque sit ostendunt, ut omnes etiam inviti illis assentiri cogantur. Sensus autem audiendi fastidiosissimus res etiam utiles honestasque, haud facile admittit, nisi fuerint aliqua urbanitate conditæ. Testis quidam orator Atheniensis, qui ad Athenienses verba faciens, cum eos minus attentos videret, rogavit ut saltem fabulam audire dignarentur. Quo impetrato, Ceres inquit, & hirundo, & anguilla, simul iter facientes, ad quendam fluvium pervenerunt. Hirundo quidem supervolavit, anguilla autem amnem tranavit: quod cum dixisset, obticuit. Interrogantibus autem illis quid Ceres egisset? Vobis, inquit, Dea vestra succensuit, quod eos, qui vobis utilia faciunt, audire nolentes, tam attentis auribus confabulantes auditis. Quantam vim apologi habeant ad animos commovendos, cum multis possem tribus ero contentus exemplis ostendere. Samiis rectorem populi morti addicere volentibus, Æsopus, hac fabella dissuasit, dicens, Vulpem quandam fluvium transeuntem, in Lacunam fuisse propulsam: unde cum exire non posset, tenaci limo retenta, muscarum affligebatur aculeis. Quod herinaceus conspicatus, misericordia motus est, interrogavitque, an vellet, ut ab ea muscas abigeret. At illa abnuit, dicens, Hæ meo sanguine jam plenæ parvæ mihi possunt inferre moleham: si autem has abigeres, aliæ famelicæ supervenient quæ quicquid mihi superest sanguinis exhaurient. Ita, O viri Samii, vobis eveniet. Si enim hunc rectorem vestrum jam locupletum occideritis, alios eligatis necesse est, qui dum se opibus volent implere, quicquid hic vobis reliquit eripient. His verbis moti Samii ab incepto desistere. Hac ratione adductus Tiberius Cæsar, diuturnos magistratus dabat: unde ut refert Josephus, sub eo per viginti annorum spatia, per duos tantum Præsides, Cratam scilicet, & Pilatum, est gubernata Judæa. Non parcat populis regnum breve, ut inquit Statius. Himerenses

renses Phalaridem, Agrigentinarum tyrannum, ducem exercitus sui eligere volentes, Stesichorus Poeta hoc apologo deterruit. Equus dicens, solus pascebatur in prato: adveniente autem Cervo & pascua corrumpente, consuluit hominem, quâ posset illum arte punire. Cui homo, Si frænum, inquit, acceperis, & me armatum dorsum tuum ascendere permiseris. Cum huic concilio esset obsecutus, cervum quidem hominis auxilio victor abegit, sed Non amplius hominem dorso, non frænum depulit ore. Ita, inquit Stesichorus, viri Himerenses, eveniet: si Phalaridem ducem efficietis, hostes quidem vestros punietis, sed huic tyranno perpetuo servietis. Quibus verbis territi Himerenses, hujusmodi ducis eligendi consilium deposuere. Cum populus Romanus à Senatu secessisset, quod tributum & militiam non toleraret, nec ullo pacto reduci posset, nonne Agrippa, Menenius eum hoc apologo revocavit? Olim, inquiens, Quirites, humani artus ventrem otiosum & desidem intuentes, ab eo discordarunt, nec amplius illi cibum ministrare decreverunt: sed cum ipsi, quæque alimenta denegando, quæ per omnia membra deferuntur, deficerent, cum eo in gratiam redierunt. Eodem, inquit, modo, Senatus & populus, quasi venter & membra, alter alterius auxilio indiget, & ut discordiâ intereunt, ita concordia valent. Quâ fabulâ populus revocatus, cum Senatu in gratiam rediit. Non immeritò igitur non solum Græci & Latini Poetæ, ut Hesiodus & Horatius, hujusmodi fabulas suis opibus inseruerunt, verum etiam maximi & celeberrimi Philosophi, ut Plato, Aristoteles, Plutarchus, & multi alii, eas plurimum commendarunt, & ad institutionem morales & civilis vitæ non minimum facere arbitrati sunt. Quocirca Omnibonus Leoniceus & Laurentius Valla, viri ætatis nostræ doctissimi, paucos Asopi apologos è Græco in Latinum vertere: quos sibi laudi, cæteris vero voluptati & utilitati fore non dubitarunt, & jure quidem: leguntur enim, & in doctissimorum virorum manibus quotidie versantur. Non video igitur cur has componendo fabellas laude fraudari debeam, quam cæteri Latini ex translatione consecuti sunt; nisi adeo invidi sumus, ut Latinis licere non putemus, quod Græcis est cum summa omnium laude concessum.

Laur.

LAUR. ABSTEMII

est

Laur. Abstemii Fabula.

De Mare in Cista nato.

MUS in cista natus omnem ferè ibi duxerat ætatem, nucibus pastus, quæ in ea servari solebant. Dum autem circa oras cistæ ludens decidisset, quærereturque ascensum, reperit epulas lautissimè paratas : quas cum gustare coepisset, Quàm stultus, inquit, hætenus fui, qui in toto terrarum orbe nihil melius cistulâ meâ esse credebam; Ecce quam suavioribus hîc vescor cibis!

Hæc fabula indicat, non ita patriam diligendam, ignobilis sit, ut alia non adeamus loca, cum alibi beatiores esse possimus

De Rustico impetrante ut triticum absque aristis nasceretur.

IMPETRAVERAT à Cerere rusticus quidam, ut triticum absque aristis nasceretur, nè metentium triturantiumque manus læderet: quod ubi inaruit, à minutis avibus depastum est. Tum rusticus, Quam digna, inquit, patior, qui parvæ commoditatis causâ, emolumenta quàm maxima perdiidi!

Fabula indicat, parva incommoda majori utilitate pensanda.

De Accipere Columbam insequente.

CUM accipiter columbam præcipiti insequeretur volatu, villam quandam ingressus à rustico captus est: quem blandè, ut se dimitteret obsecrabat: non enim te læsi, dixit. Cui rusticus, Nec hæc, respondit, te læserat. *Fabula indicat, meritò puniri qui innocentes ledere conatur.*

De Aranea & Hirundine.

ARANEA in hirundinem exandescens, quæ muscas, qui suas est cibis, capiebat, retia in foribus per quas volitare solebat, ut eam caperet, suspenderat. Hirundo verò advolans, retia cum textrice per aëra portabat. Tum aranea in aëre pendens, & sese jamjam perituram intelligens, Quam justè hæc patior, dicebat, quæ minima volatilia magno labore vix capiens; credidi tam magnas aves posse comprehendere.

Hâc monemur fabula, ne viribus majora aggrediamur.

De

De rustico manem transituro.

Rusticus torrentem transiturus, qui forte imbris excreverat, quærebat vadum. Et cum primum eam fluminis partem tentasset, quæ quietior placidiorque videbatur, reperit eam altiore[m] quam animo erat opinatus; rursus, ubi brevior[m] tutior[m]que adinvenit, ibi majori aquarum strepitu fluvius decurrebat. Tum secum, Quam tutius, inquit, clamoris aquis quam quietis & silentibus vitam nostram credere possumus?

Hæc admonemur fabula, ut minus verbosos & minaces quam quietos extimescamus.

De Columba & Pica.

Columba interrogata à pica, quid eam induceret, ut in eodem semper loco nidificaret, cum ejus pulli inde sibi semper surriperentur: Simplicitas, respondit.

Hæc indicat fabula, facile viros probos sæpe decipi.

De Cuculo & Accipitre.

Irrisus ab accipitre cuculus, quod cum sibi & corpore par, & colore non absimilis esset, præ angustia animi potius virgibus terrenis, quam suavis aliarum avium carnibus, vesceretur. Vidit paucis post diebus accipitrem à rustico, cujus columbas insectabatur, captum, ad metum cæterorum, ex alta turre pendere: Cui cuculus, Quam melius tibi, inquit, Amice, fuisset vermes venari, quam alienas aves impetere!

Hæc fabula indicat, eorum vitam tutiorum esse & magis probandam, qui suis rebus sine periculo sunt contenti, quam illorum, qui aliena appetentes adquirent magna vitæ discrimina.

De Asino & Vitulo.

Asius & vitulus cum in eodem pascerentur prato, sonitu campanæ hostilem exercitum adventare præsentiebant. Tum vitulus, Fugiamus hinc, ô sodalis, inquit, ne hostes nos captivos abducant. Cui asinus, Fuge tu, inquit, quem hostes occidere & esse consueverunt: asini nihil interest, cui ubique eadem ferendi oneris est proposita conditio.

Hæc

Hæc Fabula servos admonet, ne dominos magnopere mutare formident, modo prioribus deteriores futuri non sint.

De Vulpe & mulieribus gallinas edentibus.

Vulpes juxta villam quandam transiens, conspexit eam interviam mulierum plurimas gallinas opipare assatas alto silentio comedentem: ad quas conversa, Qui clamores, inquit, & canum latratus contra me essent, si ego facerem quod vos facitis! Cui respondens quædam anus, Pessima animalium, inquit, nos quæ nostra sunt comedimus, tu vero aliena furaris.

Hæc Fabula nos admonet, ne putemus nobis in aliena licere, quod propriis dominis licet.

De Caponibus pinguibus & macro.

Vir quidam complures capones in eodem ornithoboscio inclusos largo nutricaverat cibo, qui pingues effecti sunt omnes præter unum, quem ut macilentum irridebant fratres. Dominus, Nobiles hospites lauto & sumptuoso accepturus convivio, imperat coquo, ut ex his interimat coquatque quos pinguiore invenerit. Hoc audientes corpulenti sese afflictabant, dicentes, Quanto præstitisset, nos macilentos esse!

Hæc Fabula in pauperum solamen conficta est, quorum vita tutior est quam divitum.

De Trabe & Bobus eam trahentibus.

Trabs ulmea de bobus conquerebatur, dicens, Ingrati, ego multo tempore meis vos frondibus alui: vos vero me nutricem vestram per saxa & luta trahitis. Cui boves, Gemitus suspiriaque nostra, & stimulus quo punimur, te docere possunt, quod te trahimus inviti. Ignovit trabs.

Hæc nos docet Fabula ne in eos excandescamus, qui non suâ sponte nos lædunt.

De Arboribus pulchris & deformi.

Arbores complures in eodem creverant loco proceræ, rectæ, enodæque; præter unam humilem, parvam

vam, nodosamque, quam ut deformem pusillamque cæteræ ludibrio habere solitæ erant. *Ædificaturus domum loci dominus jubet omnes excidi, præter eam quæ brevitæ & deformitate sua ædificium indecorum redditura videbatur. Cæteris excisis, deformis hæc secum dicebat, De te non amplius querar natura, quod me turpem genueris, cum formosis tam magna videam imminere discrimina.*

Hæc Fabula nos admonet, ne doleamus nos natos esse deformes, cum multis formositas sæpe nocuerit.

De Cygno in morte canente, reprehensio à Ciconia.

CYgnus moriens interrogabatur à ciconia, cur in morte, quam cætera animalia adeo exhorrent, multo suaviores, quam in omni vita, emitteret sonos, cum potius mœstus esse deberet. Cui cygnus, Quia, inquit, neque quærendi cura amplius cruciabor, neque aucupum laqueos extimescam.

Hæc Fabula admonet, ne mortem formidemus, quâ omnes vitæ præsentis miseriæ præciduntur.

De Muliere virum morientem flente, & parente eam consolante.

Mulierem adhuc juvenem, cujus vir animam agebat, parens consolabatur, dicens, Ne te afflictes, ne tantopere lugeas, filia; alium enim virum tibi inveni, isto longe formosior, qui prioris desiderium facile mitigabit. At mulier doloris impatiens ut quæ maritum ardenti amore prosequeretur, non modo verba parentis non admittebat, sed intempestivam alterius mariti mentionem accusabat. At ubi maritum defunctum vidit, inter lacrimas & luctus parentem interrogat an adsit juvenis ille, quem sibi in virum dare velle se dixerat.

Fabula indicat, quam cito defunctorum maritorum amor ex Uxoribus animis excidere solent.

De

De Muliere amatoris discessum flente.

Mulier impudica amatorem suum abeuntem, quem omnibus fere rebus spoliaverit, multis lacrymis prosequēbatur. Interrogante autem eam vicina, cur tam immoderate fletet. Non discessum ejus, inquit, sed pallium quod ei reliqui fleo.

Fabula indicat, non amatores, sed eorum bona à meretricibus amari.

De Musca, quæ quadrigis insidens, pulverem se excitasse dicebat.

Quadrigæ in stadio currebant, quibus musca infidebat. Maximo autem pulvere, tum equorum pedum pulsu, tum rotarum volutatione exorto, dicebat musca, Quam magnam vim pulveris excitavi!

Hæc fabula ad eos spectat, qui, cum ignavi sint, alienam tamen gloriam suis magnificis verbis in se transferre conantur.

De Anguilla conquerente, quod magis quam serpens infestaretur.

Anguilla interrogabat serpentem quare, cum similes essent, atque cognati, homines tamen se potius quam illam insequerentur. Cui serpens, Quia raro, inquit, me lædunt impune.

Hæc fabula indicat, minus lædi solere qui sese ulciscuntur.

De Asino, Simia, & Talpa.

Conquerenti asino quod cornibus careret, simia vero quod cauda sibi deesset: Tacete, inquit talpa, cum me oculis captum videatis.

Hæc fabula ad eos pertinet, qui non sunt sua sorte contenti: qui si aliorum infortunia considerarent, æquiore animo tolerarent sua.

De Nautis Sanctorum auxilium implorantibus.

Nauta quidam in mari subita & atra tempestate deprehensus, cæteris ejus sociis diverforum divorum auxi-

auxilium implorantibus, nescitis, inquit, quid petitis. Ante enim quàm sancti isti ad Deum pro nostra liberatione se conferant, hac eminente procella obruemur. Ad eum igitur confugiendum censeo, qui absque alterius adminiculo, à tantis malis nos poterit liberare. Invocato igitur Dei omnipotentis auxilio, illico procella cessavit.

Fabula indicat, ubi potentioris auxilium haberi potest, ad imbecilliores non confugiendum.

*De Piscibus è sartagine in prunae
desilientibus.*

Pisces adhuc vivi in sartagine fervente oleo coquebantur; quorum unus, Fugiamus hinc fratres, inquit, nè pereamus. Tum omnes pariter è sartagine exilientes, in arduas prunas deciderunt. Majore igitur dolore affecti, damnabant consilium quod ceperant, dicentes; Quanto atrociori nunc morte perimus!

Hæc nos admonet fabula, ut ita præsentia vitemus pericula, ne incidamus in graviora.

*De quadrupedibus societatem adversus aves,
cum piscibus ineuntibus.*

Quadrupedes, cum bellum sibi ab avibus esset inditum, cum piscibus socius ineunt, ut eorum auxilio se ab avium furore tuerentur. Cum autem optata expectarent auxilia, pisces negant se per terram ad eos accedere posse.

Hæc nos admonet fabula, ne eos nobis socios factamus, qui cum opus sit, nobis adesse non possunt.

*De Legato avaro tubicines
decipiente.*

Quidam avarus pro patria legatus in aliam urbem profectus erat; cui tubicines præstò aduerunt, ut illius aures tubarum clangore, loculos autem suos pecunia impleant. Quibus ille renuntiari jubet, non esse

esse nunc locum cantibus, se in summo luctu & micore constitutum, matrem enim suam obiisse. Tubicines autem spe frustrati & mœsti abeunt. Amicus quidam legati audiens luctum, ad eum visendum consolandumque accedit, interrogatque quamdudum mater ejus obiisset. Quadraginta jam anni sunt, inquit. Tum amicus, intellectâ legati strophâ, in risum effusus est.

Hæc Fabula in avaros facit, qui omni arte student conservare pecuniam.

De Viro, qui ad Cardinalem nuper creatum gratulandi gratia accessit.

VIr quidam facetus admodum & urbanus, audiens amicum suum ad Cardinalatus dignitatem assumptum, ad eum gratulandi gratiâ accessit. Qui honorem tumidus, amicum veterem agnoscere dissimulans quisnam esset interrogabat. Cui ille, ut erat ad jocos promptus, Misereſco, inquit, tibi cæterisque qui ad ejusmodi honores perveniunt. Quam primum enim dignitates ejusmodi estis, affecti, visum, auditumque, & cæteros sensus irâ amittitis, ut pristinos amicos amplius non dignoscatis.

Hæc Fabula eos notat, qui in altum sublati veteres dispi-ciunt amicitias.

De Juvene Senis curvitatē irridente.

Juvenis quidam conspicatus senem in arcus tensi similitudinem curvum, interrogavit, an sibi arcum vellet vendere. Cui ille, Ecquid est tibi opus pecuniâ amittere? si enim ad meam perveneris ætatem, absque pecuniâ arcum tibi natura concedet.

Hæc Fabula indicat minime irridenda vitia senilis ætatis, quam nemo vivendo effugere potest.

De Senē puellam in uxorem accipiente.

VIr quidam imprudens, exacto septuagesimo vitæ anno puellam duxerat in uxorem, qui ad id tempus in coelibatu permanisset. Cui cum debitum solvere non posset, dicere solebat, Quam malè vitam meam dispo-

disposui! juveni enim mihi uxor deerat; nunc autem senex desum uxori.

Hec Fabula innuit, omnia suo tempore peragenda.

De Aquila & Pica.

Pica aquilam rogabat, ut se inter suos familiares & domesticos acciperet; quando id mereretur, cum corporis pulchritudine, tum ad mandata peragenda linguæ volubilitate. Cui Aquila, Hoc facerem, respondit, ni vererer, nè quæ intra tegulam fiant, tua loquacitate cuncta efferris.

Hec Fabula monet, linguaces & garrulos domi non habendos.

De Turdo amicitiam cum Hirundine ineunte.

GLoriabatur turdus se amicitiam contraxisse cum hirundine. Cui mater, Stultus es, fili, inquit, si credis te cum ea posse convivere, cum uterque vestrum diversa soleat appetere loca: tu enim frigidis, ille tepidis delectatur locis.

Hæc monemur Fabula, ne eos vobis faciamus amicos, quorum vita à vostra dissentit.

De Rustico & Mure.

Rusticus quidam erat admodum pauper, sed adeò factus, ut nè calamitatis quidem tempore nativi leporis oblivisceretur. Is cum villam suam casu igne injecto ità ardentem videret, ut aliquo modo ignem extinguere posse diffiderit, mæstus spectat incendium. Interim cernit murem quendam, qui, villâ egressus, periculum quàm ocysimè fugiebat. Oblitus damnorum rusticus, accurrit, & murem corripiens, illum in medium jecit incendium, dicens, Ingratum animal, tempore felicitatis mecum habitasti, nunc, quia fortunæ mutata est, villam meam deseruisti.

Fabula indicat, eos non esse veros amicos, qui aridente fortuna à latere tuo non discedunt, turbatâ autem, præcipiti abeunt cursu.

De Eremita Ægrotante.

INsitum est à naturâ omni animantium generi, ut rei venereæ libidine incitentur; à quâ siqui homines, qui corvo albo rariores sunt, se abstinere volunt, sæpe in graves morbos incidere solent. Quidam igitur eremita, ipsa adolescentia ita titillationes carnis evicerat, ut usque ad quintum & vigessimum ætatis annum virgo permanferit. Cum autem ea ætate gravissimè ægrotare cœpisset, medici nullum aliud salutis ejus remedium se invenire dicebant, nisi ut cum aliqua muliere coiret. Diu eremita recusavit, mori se potius velle dicens, quam virginitatem, rem tam præclaram, & Deo maxime gratam, amittere: assueti enim virtutibus ægre illas à se discedere patiuntur. Victus tandem precibus, & cupiditate vitæ, quâ nihil homini sanæ mentis dulcius est, adductæ sibi mulieris infusus gremio, *placidum petiit per membra soporem.* Experrectus autem vehementer angebatur: & tantam vim lacrymarum effundebat, ut omnes qui aderant illius misererentur: quisque igitur consolari, & ut bono animo esset hortari, quoniam Deus clementissimus Pater, ei ignosceret, quia non voluptatis, sed recuperandæ sanitatis causa tale opus perpetrasset. At ego, inquit, istud non fleo, sed quod tantam dulcedinem citius expertus non sum.

Hæc indicat Fabula, humanam naturam adeo peccatorum illecebris delectari, ut viciorum voluptatem facile virtutum amaritudini anteponat.

De Divite quodam & Servo.

VIr erat dives, servum habens tardi ingenii, quem regem stultorum solebat nuncupare. Ille his verbis sæpius iratus, statuit hero par referre. Semel enim in herum conversus, Utinam, inquit, rex stultorum essem; In toto enim terrarum orbe nullum meo latius esset

esset imperium, & tu quoque meo subesses imperio.

Fabula indicat, omnia plena esse stultorum.

De Vidua Virum petente.

Vidua quædam dives à vicinâ petebat, ut maritum sibi reperiret, quem non coitus gratiâ (qui ingratus admodum sibi erat) sed ne bona sua dilapidarentur, exoptare se dicebat. Mulier sagax, & viduæ versutias intelligens, se inquisituram pollicetur. Paucis post diebus viduam conveniens, Reperi, inquit, tibi virum ex animi tui sententia: est enim vir prudens, ad res gerendas natus, & genitalibus caret, quæ tibi cordi non sunt. Cui vidua, Abi hinc, inquit, in malam rem cum isto marito tuo illepedo, etsi enim coitus appetens non sum, volo tamen habeat quod nos reconciliet, siquando, cœperimus esse discordes.

Hæc Fabula indicat, nullum matrimonium felix, si clævus defuerit, qui virum & mulierem arctissime constringit.

De Canibus Urbanis Villaticum insequentibus.

Canes complures urbani quendam villaticum præcipiti insequabantur cursu: quos diu ille fugit, nec repugnare ausus est. At ubi ad insequentes conversus substitit, & dentes ipse quoque ostendere cœpit, omnes pariter substiterunt, nec aliquis urbanorum illi appropinquare audebat. Tunc imperator exercitus, qui forte ibi aderat, ad suos conversus milites, Commilitones, inquit, hoc spectaculum nos admonet, ne fugiamus, cum præsentiora fugientibus quam repugnantibus videamus imminere pericula.

De Anu Dæmonem accensante.

Volunt homines ut plurimum, quando suâ culpâ aliquid sibi acciderit adversi, in fortunam, vel in damo-

dæmonem culpam conferre, ut se crimine exuant; adeo omnes sibi indulgent. Hoc dæmon ægre ferens, cum videret anum quandam arborem ascendentem, ex qua illam ruituram, & in se culpam collaturam præviderat, accitis testibus, dixit, Videte anum illam absque meo consilio arborem ascendentem, unde eam casuram esse prospicio: estote mihi testes, me ei non suasisse, ut soleata illam ascenderet. Mox anus cecidit, & cum interrogarent, cur soleata arborem ascendisset; Dæmon, inquit, me impulit. Tum Dæmon, adductis testibus, probavit, id ab anu absque suo factum esse consilio.

Fabula indicat hominibus minime venia dignos, qui cum libere peccent, Fortunam vel Dæmonem accusant.

De Testudine & Ranis.

Testudo conspicata ranas, quæ in eodem stagno pascabantur, adeo leves agileque, ut facile quolibet prosilirent, & longissime saltarent; naturam accusabat, quod se tardum animal, & maximo impeditum onere procreasset, ut neque facile se movere posset, & magna assidue mole premeretur. At ubi vidit ranas anguillarum escam fieri, & cujuscunque vel levissimo ictui obnoxias, aliquantulum recreata dicebat; Quanto melius est onus, quo ad omnes ictus munita sum, ferre, quam tot mortis subire discrimina?

Hæc Fabula indicat, ne ægre feramus dona nature, quæ majori nobis commoda sepe sunt, quam nos intelligere valeamus.

De Gliribus Quercum eruere volentibus.

Gliræ quercum arborem glandiferam dentibus eruere destinaverunt, quo paratiorem haberent cibum, ne victus gratia toties ascendere & descendere cogerentur. Sed quidam ex his, qui ætate, & usu rerum, ac prudentia cæteris longe anteibat, eos absterruit, dicens, Si nu-
tri-

tricem nostram nunc interficiemus, quis futurus annis nobis ac posteris nostris alimenta præbebit?

Fabula hæc monet, virum prudentem debere non modo presentia intueri, verum etiam futura longè prospicere.

De Cane & Hero.

CAnem quidam habens, quò magis illi diligeretur, semper eum suis pascebat manibus, ligatumque solvebat: ligari autem & verberari jubebat à servo; ut beneficia à se, maleficia autem à servo in illum viderentur esse collata. Aigre autem ferens canis, se assidue ligari verberarique, aufugit: & cum increparetur à domino ut ingratus, & tantorum beneficiorum immemor, qui à se fugisset, à quo semper dilectus, pastusque fuisset, ligatus autem verberatusque nunquam; respondit, Quod servus tuo jussu facit, à te factum puto.

Fabula indicat eos malefactores habendos, qui maleficiorum causa fiunt.

De Avibus Scarabeos timentibus.

Magnus timor aves inceserat, ne scarabei arcupilari eas occiderent, à quibus magnam pilarum vim in sterquilinio summo labore fabricatam audierant. Tunc passer, Nolite, inquit, expavescere: quomodo enim pilas in nos per aëra volantes jacere possunt, cum eas per terram magno molimine vix trahant?

Hæc Fabula nos admonet, ne hostium opes extimescamus, quibus deesse videmus ingenium.

De Urso & Apibus.

Ursus ictus ab Ape, tantà ira percitus est, ut alvearia, in quibus apes mellificaverunt, tota unguibus discerperet. Tunc apes universæ, cum domos suas dirui, cibaria auferri, filios necari viderent, facto impetu aculeis ursum invadentes pene necavere: Qui ex eorum manibus vix elapsus, secum dicebat, Quanto melius

erat apīs unius aculeum tolerare, quàm tot in me hostes meâ iracundiâ concitare !

Hæc Fabula innuit, longè melius interdum esse injuriam unius sustinere, quam dum unum punire volumus, multos nobis inimicos comparare.

De Aucepe & Volucribus.

Auceps tetenderat volucribus retia, largamque illis in areâ effuderat escam; pascentes tamen aves non capiebat, quia sibi videbantur paucæ: quibus pastis ac avolantibus, aliæ pastum adveniunt; quas quoque propter paucitatem capere neglexit. Hoc per totum diem ordine servato, ac aliis advenientibus, aliis abeuntibus, illo semper majorem prædam expectante, tandem advesperascere cœpit. Tunc auceps, amissa spe multas capiendi, cum jam tempus esset quiescendi, attrahens retia, unam tantum fringillam, quæ infelix in areâ remanserat, cepit.

Hæc Fabula indicat, qui omnia comprehendere volunt, sepe pauca vix capere posse.

De Milite & duobus Equis.

Millis, equum habens optimum, emit alium nequicquam illi bonitate parem, quem multo diligentius quàm priorem nutriebat. Tunc posterior priori sic ait; Cur me dominus quàm te impensius curat, cum tibi neque pulchritudine, neque robore, neque velocitate comparandus sim? Cui ille, Est hæc, inquit, hominum natura, ut semper in novos hospites benigniores sint.

Hæc Fabula indicat hominum amentiam, qui nova, etiamsi deteriora sint, solent veteribus antepondere.

De Sue & Cane.

Sus irridebat canem odorisequum, qui domino murmure & caudâ adularetur, à quo ad artem aucupatoriam multis verberibus, auriumque vellicationibus fuerat instructus. Cui canis, Nescis, inquit, insane, nescis quæ

quæ verberibus illis sum consecutus. Per ea enim suavissimis perdicum coturnicumque carnibus vescor.

Hæc Fabula nos admonet, ne iniquo feramus animo præceptorum verbera, quæ multorum bonorum causa consueverunt esse.

De Trabe Boum pigritiam increpante.

TRabs quæ curru vehebatur, boves ut lentulos increpabat, dicens, Currite pigri, onus enim leve portatis. Cui boves, Irrides nos? responderunt: Ignoras quæ te poena maneat. Onus hoc nos citò deponemus; tuum autem tu, quoad rumparis, sustinere cogeris. Indoluit trabs, nec ampliùs boves convitiis laceffere ausa est.

Hæc Fabula quemlibet monet, ne aliorum insultet calamitatibus, cum ipse possit maioribus subjici.

De Carduele & Puero.

CArduelis avis interrogata à puero, à quod deliciis habita, & suavis largisque cibus nutrita fuerat, cur caveâ egressa regredi nollet: Ut meo, inquit, me arbitrari, non tuo, pascere possim.

Hæc Fabula indicat, viri libertatem cunctis deliciis anteponendam.

De Scurra & Episcopo.

SCurra quidam calendis Januarii ad Episcopum quendam, divitem quidem, sed avarum, accedens, numisma aureum strenæ nomine petiit. Antistes insanire hominem dixit, qui crederet tantum pecuniam sibi in strenam dari. Tunc scurra nummum argenteum efflagitare cœpit. Sed cum ille hoc quoque nimium sibi videri diceret; æreum quadrantem ut saltem sibi traderet, orabat. Sed cum nè hunc quoque posset ab Episcopo extorquere, Reverende, inquit, Pater, saltem benedictione tua me pro strenâ imperti. Tunc Episcopus, Flecte, inquit, genua, fili, ut tibi benedicam. At ego, inquit scurra, benedictionem istam tuam tam vilem nolo.

nolo. Si enim nummum æreum valeret, eam mihi nunquam profecto concederes.

Hæc Fabula contra eos Episcopos & Sacerdotes conficta est, qui divitias & opes pluris faciunt, quam cuncta Ecclesiæ sacra atque mysteria.

De Upupa indigne honorata.

In vitæ fere omnes aves ad aquilæ nuptias indigne ferebant, upupam cæteris præferri, quia corona insignis esset, & versicoloribus pennis ornata, cum semper inter stercore & sordes solita esset volitare.

Hæc Fabula stultitiam eorum arguit, qui in hominibus honorandis potius vestium nitorem, præstantiamque forme, quam virtutes moresque soleant attendere.

De Sacerdote & Pyris.

Sacerdos quidam gulosus, extra patriam ad nuptias proficiscens, ad quas fuerat invitatus, reperit in itinere pyrorum acervum, quorum ne unum quidem attigit, quamvis magna affectus fame, quin potius ea ludibrio habens, lotio conspersit: indignabatur enim ejusmodi cibos sibi in itinere offerri, qui ad lautas accedebat epulas. Sed cum itinere torrentem quendam ita imbribus auctum offendisset, ut sine vitæ periculo transire non posset, domum redire constituit. Revertens autem jejunos, tanta est oppressus fame, ut nisi pyra illa, quæ urina consperferat comedisset, cum aliud non inveniret, extinctus fuisset.

Hæc Fabula monet nihil esse contemnendum, cum nihil sit tam vile & abjectum, quod aliquando utilis esse non possit.

De Mulo & Equo.

Mulus conspiciens equum aureo fræno ephippioque insignem, & purpureis opertum phaleris, rumpebatur invidia, illum beatum reputans, qui continuo optimis vesceretur cibus, & decore amiceretur ornatus; se autem præ illo infelicem, qui clitellis male dolatis oppressus quotidie maxima onera ferre cogeretur. At

ubi

ubi vidit equum e pugna redeuntem multis affectum
vulneribus, præ illius calamitate se felicem appellabar,
longè melius esse, dicens, quotidiano labore durum vi-
ctum queritare, & turpiter vestiri, quàm post optimos
& delicatos cibos, & tantos ornatus, mortis adire discri-
mina.

*Hæc Fabula monet, regibus & principibus minimè invi-
dendum, quia divitiis & opibus abundant; cum vitam eo-
rum longe pluribus periculis, quam pauperum, videamus esse
subiectam.*

De Porco & Equo.

Porcus conspiciens equum bellatorem, qui cataphra-
ctus ab pugnam prodibat; Stulte, inquit, quò prope-
ras? in pugnam enim fortasse morieris. Cui equus, Tibi
inter lotum sordescere impinguato, cum nihil dignum
laude gesseris, cultellus adimor vitam; mortem verò me-
am comitabitur gloria.

*Hæc Fabula innuit, honestius esse rebus præclare gestis oc-
cumbere, quàm vitam turpiter actam protrahere.*

*De Coriario emente pellem Ursi à Venatore
nondum capti.*

Coriarius ad venatorem accedens, emit ab eo pel-
lem Ursi, pecuniâque pro eâ protulit. Ille sibi
in præsentia pellem uris non esse, ceterùm postridie
venatam profecturum; ursoque interfecto; pellem il-
lius ei se daturum pollicetur. Coriarius animi gratiâ
cum venatore in silvâ profectus, altissimam arborem
ascendit; ut inde ursi venatorisque certamen prospice-
ret. Venator intrepidus ad antrum ubi ursus latebat
profectus, immissis canibus, illum exire compulit:
qui evitato venatoris ictu, eum prostravit humi. Tunc
venator, sciens hanc feram in cadavera non sævire,
anhelitu ferento, se mortuum simulabat. Ursus na-
ribus admoris olfaciens, cum illum nec naso nec cor-
de spirantem deprehenderet, abcessit. Coriarius cum
feram

feram abesse perspiceret, ac nihil amplius adesse periculi, ex arbore se deducens, & ad venatorem, qui nondum surgere audebat, accedens, illum ut surgeret monēbat. Interrogavit deinde, quid ad aurem ei ursus locutus esset. Cui venator, *Mouit me, inquit, nē deinceps ursi pellem vendere vellem, nisi eum prius ceperim.*

Hæc Fabula indicat, incerta pro certis non habenda.

De Eremita & Milite.

Eremita quidam, vir sanctissimæ vitæ, militem hortabatur, ut relicta seculari militia, quam absque Dei offensa & animæ discrimine pauci exercent, tandem se corporis traderet quieti, & animæ consulere salutē. Cui miles, *Faciam, inquit, quod mones, pater: verum enim est, quod hoc tempore milites neque stipendia exigere valeant, licet exigua sint, neque prædari possint.*

Hæc Fabula indicat, multos vitiis renunciare, quia illa amplius exercere non possunt.

De Viro & Uxore bigamis.

Vir quidam, defuncta uxore quam valde dilexerat, duxit alteram, & ipsam viduam, quæ assidue ei prioris mariti virtutes fortiaque facinora objiciebat: Cui ut par referret, ipse quoque defunctæ uxoris mores probatissimos pudicitiamque insignem referebat. Quodam autem die, viro irata, pauperi eleemosynam petenti, partem caponis, quam in cœnam utrisque coxerat, dedit, dicens, *Do tibi hoc pro animâ prioris viri.* Quod audiens maritus, accersito paupere, reliquum caponis dedit, dicens, *Et ego quoque do tibi hoc pro anima uxoris meæ defunctæ.* Sic illi, dum alter alteri nocere cupiunt, quod cœnarent tandem non habuerunt.

Hæc Fabula monet, non esse contra eos pugnandum, qui se possunt optime vindicare.

De Leone & Mure.

Leo laqueo captus in silva, cum se ita irretitum videret ut nullis viribus se inde posse explicare confideret, murem rogavit, ut abroso laqueo eum liberaret, promittens tanti beneficii se non immemorem futurum: quod cum mus promptè fecisset, leonem rogavit, ut filiam ejus sibi traderet in uxorem. Nec abnuit leo, ut benefactori suo rem gratam faceret. Nova autem nupta ad virum veniens, cum eum non videret, casu illum pede pressit atque contrivit.

Hæc Fabula indicat, matrimonia, & cætera consortia improbanda, quæ ab imparibus contrahuntur.

De Ulmo & Silere.

Ulmus, in ripâ fluminis nata, filer sibi proximum irridebat, ut debile & invalidum, quod ad omnem vel levissimum undarum impetum flecteretur, suam autem firmitatem & robur magnificis extollebat verbis, quod multos annos assiduos annis impetus inconcussa pertulerat. Semel autem maximâ undarum violentiâ ulmus perfracta trahebatur ab aquis. Cui filer, ridens, inquit, Cur me deferis, vicina? Ubi est nunc fortitudo tua?

Fabula significat, sapientiores esse, qui potentioribus cedunt, quam qui resistere volentes, turpiter superantur.

De Cera duritiem appetente.

Cera ingemiscebat, se mollem, & cuicunque levissimo ictui penetrabilem procreatam. Videns autem lateres ex luto multo se molliori factos, in tantam duritiam ignis calore pervenisse, ut multa perdurarent secula, se jecit in ignem, ut eandem duritiem consequeretur. Sed statim igne liquefacta, consumpta est.

Hæc admonet Fabula, ne appetamus quod est nobis à naturâ denegatum.

De

De Agricola Militiam & Mercaturam affectante.

Agricola quidam, agrè ferebat, se assidue terram volvere, nec perpetuis laboribus ad magnas divitias pervenire; cum nonnullos videret milites, qui actis praeliis ita rem auxerant, ut bene induti incederent, & lautis epulis nutriti, beatam agerent vitam. Venditis igitur ovibus, capris, ac bobus, equos emit & arma, & in militiam profectus est, ubi cum ab imperatore suo male pugnatum esset, non solum quæ habebat perdidit, sed etiam pluribus vulneribus affectus est. Quare damnata militiâ, mercaturam exercere statuit, ut in quâ majus lucrum & minorem laborem existimabat. Prædiis igitur venditis, cum navim mercibus implevisset, navigare exspectat: sed cum in alto esset, tempestate magna coorta, navis submersa est, & ipse cum cæteris qui in eâ erant, ad unum omnes periit.

Hec Fabula admonet, quemlibet debere suâ sorte esse contentum, cum ubique sit parata miseria.

De Asino & Scurra.

Asinus indigne ferens scurram quendam honorari, & pulchris vestibus amiciri, quia magnos ventris edebat sonos, ad magistratus accersit, petens ne se minus quam scurram honorare vellent. Et cum magistratus admirantes eum interrogarent, cur se ita honore dignum duceret; Quia, inquit, majores quam scurra crepitus ventris emitio, eosque absque foetore.

Hec Fabula eos arguit, qui in rebus levissimis suas pecunias profundunt.

De Amne suum fontem laceffante.

Amnis quidam suum fontem convitiis laceffabat, ut incertem, quod immobilis staret, nec ullos haberet pisces: Se autem plurimum commendabat, quod optimos crearet pisces, & per valles blando murmure sciperet. Indignatus fons in amnem velut ingratum,

un das

undas repressit, Tunc amnis, & piscibus, & dulcifono privatus, exaruit.

Hec Fabula eos notat, qui bona quæ agunt, sibi arrogant, non Deo attribuunt, à quo, ceu à largo fonte, nostra bona procedunt.

De Viro maligno & Dæmoni.

Vir malignus cum plurima perpetrasset scelera, & sapius captus, & carcere conclusus, arctissime pervigili custodiâ teneretur, dæmonis implorabat auxilium: qui sæpenumero illi affuit, & è multis eum periculis liberavit. Tandem iterum deprehenso, & solitum auxilium imploranti, dæmon, magnum calceorum pertuforum falcem super humeros habens, apparuit, dicens, Amice, amplius tibi auxilio esse non possum: tot enim loca pro te liberando hæcenus peragravi, ut hos omnes calceos contriverim: nulla etiam mihi superest pecunia, quâ alias valem comparare; quare pereundum est tibi.

Hec admonet Fabula, ne existimemus nostra semper impunita fore peccata.

De Avibus plures Reges eligere volentibus.

AVes consultabant de pluribus regibus eligendis, cum aquila tantos volucrum greges sola regere non posset: fecissentque voto satis, nisi cornicis monitu à tali consilio destitissent. Quæ cum causa rogaretur, cur non plures reges duceret eligendos; Quia difficilius, inquit, plures, quam unus faccus, implentur.

Hæc Fabula docet, longè melius ab uno, quam à multis principibus gubernari.

De Muliere, quæ pro Viro se velle mori dicebat.

Matrona quædam admodum pudica & viri amatissima, ægre ferebat, maritum adversa valetudine detineri; lamentabatur, ingemiscbat, & ut suum

suum in virum amorem testaretur, rogata mortem, ut si maritum sibi esset ereptura, se potius quam illum vellet occidere. Inter hæc verba, mortem cernit horribili aspectu venientem: cujus timore perterrita, & jam sui voti pœnitens, Non sum ego, inquit, quem petis: jacet ibi in lecto quem occisura venisti.

Hæc Fabula indicat. neminem esse adeo amantem amici qui non malit sibi bene esse, quam alteri.

De Adolescente in funere matris savente.

VIr quidam defunctam uxorem, quæ ad sepulchrum efferebatur, lacrymis & fletibus prosequabatur; filius verò ejus canebat. Qui cum à patre increparetur ut amens & insanus, qui in matris funere cantaret, cum unâ secum mœstus esse & flere deberet; Pater mi, inquit, si sacerdotes ut canerent conduxisti, cur mihi irasceris gratis concinenti? Cui pater, Non tuum, inquit, & sacerdotum est idem officium.

Hæc Fabula indicat, non omnia omnibus esse decora.

De Viro zelotypo, qui uxorem dederat alteri custodiendam

VIr Zelotypus uxorem, quam parùm pudice vivere compererat, cuidam amico, cui plurimùm fidebat, dederat custodiendam; ingentem pollicitus pecuniam, si eam ita diligenter observaret, ut nullo modo conjugalem violaret copulam. At ille, ubi aliquot dies expertus custodiam hanc nimis difficilem, & ingenium suum versutiâ mulieris vinci comperisset, ad maritum accedens, dixit, Se amplius nolle hanc tam duram gere provinciam, quandoquidem ne Argus quidem, qui totus oculatus fuit, mulierem invitam posset custodire: addidit præterea, Si necesse sit, malle se anno integro faccum plenum pulicibus quotidie in pratum deferre, solutoque sacco eas inter herbas pascere, vespereque facto, omnes domum reducere, quam unò die impudicam mulierem servare.

Hæc

Hæc Fabula indicat, nullos custodes ita esse diligentes, qui impudicas mulieres valeant custodire.

De Viro clysteres recusante.

Vir quidam natione Germanus, dives admodum, ægrotabat: ad quem curandum plures accesserunt medici: (ad mel enim catervatim convolant mæscæ) quorum unus inter cætera, dicebat, Opus esse clysteribus, si vellet convalescere. Quod cum vir hujusmodi insuetus medicinæ audiret, furore percitus, Eos esse insanos, qui, cum caput ipsi doleret, podicem vellent mederi.

Hæc Fabula innuit, omnia etiam salutaria, insuetis & inexpertis, & aspera & obfutura videri.

De Asino egrotante, & Lupis visitantibus.

Asinus ægrotabat, famaque exierat, cum cito moriturum. Ad eum igitur visendum cum lupi canesque venissent, peterentque à filio quomodo pater ejus se haberet; ille per ostii rimulam respondit, Melius quam velletis.

Hæc indicat Fabula, quod multi fingunt moleste ferre mortem aliorum, quos tamen capiunt celeriter interire.

Quod Nuci, Asino, & Mulieri prosunt verbera.

Mulier quædam interrogabat nucem secus viam natam, quæ à prætereunte populo saxi impetebatur, quare esset ita amens, ut quo pluribus majoribusque verberibus caderetur, eò plures præstantioresque fructus procrearet. Cui juglans, Esnè, inquit, proverbii immemor ita dicentis,

Nax, Asinus, Mulier simili sunt lege ligati.

Hæc tria nil rectè faciunt, si verbera cessent.

Hæc Fabula innuit, sæpe homines propriis jaculis se solere confodere.

De Asino laborum finem non inveniēte.

Asinus hyberno tempore plurimum angebatur, quòd nimio afficeretur frigore, & durum paleatum haberet

beret victum: quare vernam temperiem & teneras herbas optabat. Sed cum ver advenisset, cogereturque à domino, qui figulus erat, argillam in aream, & lignum ad fornacem, indeque lateres, imbrices, tegulas ad diversa loca deferre. Pertæsus veris, in quo tot labores tolerabat, æstatem omnibus voris expectabat, ut dominus, messe impeditus, eum quiescere pateretur. Sed tunc quoque cum messe in aream, & inde domum triticum ferre compelleretur, nec quieti sibi locus esset, autumnum saltem laborum finem fore sperabat. Sed ubi ne tunc quoque malorum terminum adesse cernebat, cum quotidie vinum, poma, ligna portanda essent, rursus, hyemis nivem & glaciem efflagitabat, ut tunc saltem aliqua sibi requies à tantis laboribus concederetur.

Hæc Fabula indicat, nulla esse præsentis vitæ tempora, quæ non perpetuis sunt subiecta laboribus.

De Mure, qui cum Fele amicitiam contrahere volebat.

Mures complures in cavo parietis commorantes, contemplabantur selem quæ in tabulato capite demisso & tristi vultu recumbebat; Tunc unus ex iis, Hoc animal, inquit, benignum admodum & mite videtur: vultu enim ipso sanctimoniam quandam præfert: volo ipsum alloqui, & cum eo indissolubilemnectere amicitiam. Quæ cum dixisset, & propius accessisset, à fele captus & dilaceratus est. Tunc cæteri hoc videntes, secum aiebant, Non est, profecto, non est vultui temerè credendum.

Hæc Fabula innuit, non ex vultu, sed ex operibus homines judicandos; cum sub ovina pelle sæpe atroces lupi delitescant.

De Asino, qui Hero ingrato serviebat.

Asinum, qui viro cuidam ingrato multos annos inoffenso pede servierat, semel, ut fit, dum sarcinâ præfusus

his esset gravi, & salebrosâ incederet via; sub onere recidebat. Tum dominus implacabilis multis verberibus surgere compellebat, pigrum animal & ignavum nuncupans. At ille miser inter verbera hæc secum dicebat; Infelix ego, quàm ingratum sortitus sum herum! Nam quamvis ei multo tempore sine offensâ servierim, tamen non hoc unum delictum tot meis pristinis beneficiis compensat.

Hæc Fabula in eos conficta est, qui beneficiorum sibi collatorum immemores, etiã minimam benefactoris sui in se offensam atroci pœna prosequuntur.

De Lupo suadente Histrici ut Tela deponeret.

Lupus esuriens in histricem intenderat animum: quàm tamen quia sagittis undique munita erat, invadere non audebat. Excogitatâ autem eam perdendi astutiâ, illi suadere cœpit, ne pacis tempore tantum telorum onus tergo portaret: quandoquidem non aliquid sagittarii, nisi cum prælii tempus instaret, portarent. Cui histrix, Adversus lupum, inquit, semper præliandi tempus esse credendum est.

Hæc Fabula innuit, virum sapientem oportere adversus inimicorum & hostium fraudes semper esse munitum.

De Mure liberante Milvum.

Mus conspicatus milvum laqueo aucupis implicitum misertus est avis, quamvis sibi inimicæ, abrosisque dente vinculis evolandi viam fecit. Milvus tanti immemor beneficii, ubi se solutum vidit, murem nil tale suspicantem corripiciens, unguibus & rostro laceravit.

Hæc Fabula innuit, malignos hujusmodi gratias suis benefactoribus solere impendere.

De Cochleâ petente à Jove, ut suam domum secum ferre possit.

Cum Jupiter ab exordio mundi singulis animalibus munera, quæ petissent, largiretur; cochlea ab eo

petiit ut domum suam posset circumferre. Interrogata à Jove, quare tale ab eo munus exposceret, quod illi grave & molestum futurum erat. Malo, inquit, tam grave onus perpetuo ferre, quam cum mihi libuerit, malum vicinum non posse vitare.

Fabula indicat, malorum vicinitatem omni incommodo fugiendum.

De Herinaceo Viperam hospitem ejiciente.

Herinaceus hyemem adventare præsentens, blandè viperam rogavit, ut in propriâ illius cavernâ adversus vim frigoris locum sibi concederet. Quod cum illa fecisset, herinaceus huc atque illuc se provolvens, spinarum acumine viperam pungebat, & vehementi dolore torquebat. Illa malè secum actum videns, quando herinaceum suscepit hospitio, blandis eum verbis, ut exiret, orabat, quandoquidem locus duobus esset angustus. Cui herinaceus, Exeat, inquit, qui hic manere non potest. Quare vipera, sentiens sibi locum ibi non esse, illinc cessit hospitio.

Fabula indicat, eos in consortia non admittendos, qui nos possunt ejicere.

De Lepore sese Vulpi præferente ob pedum velocitatem.

Lepus sese dignum reputabat qui vulpi præfereretur, quoniam longè illam pedum pernecitate superabat. Tum vulpes, At ego, inquit, ingenium sum sortita præstantius, quo sapidis quam tu pernecitate tuâ canes eludo.

Hec Fabula indicat, corporis velocitatem & vires ab ingenio longè superari.

De sene, ob impotentiam, libidinem carnis relinquire.

Vir quidam sanctitate præditus singulari, senem quendam admonebat, ut tandem vitia libidinis dimittat, cui vehementer insudabat. Cui senex, Obtemperabo, inquit, pater sancte, sanctissimis optimisque admonitionibus

nibus tuis. Nam usum Veneris admodum mihi obesse sentio, & virga mihi amplius non arrigitur.

Hæc Fabula indicat, malos non amore virtutis & Dei, sed timore pœnæ & impotentia à consuetis vitiis desistere.

De Agricola quodam & Poeta.

Agricola quidam ad Poetam accedens, cujus agros colebat, cum eum inter libros solum offendisset, interrogavit eum, quo pacto ita solus vivere posset. Cui ille: Solus, inquit, tantum esse cœpi, postquam te huc contulisti.

Hæc Fabula indicat, eruditos viros, qui doctissimorum virorum turba continuè stipantur, tunc solos esse, cum inter illiteratos homines fuerint.

De Lupo Ovis pelle induto, qui gregem devorabat.

Lupus ovis pelle indutus, ovium se immiscuit gregi, quotidieque aliquam ex cis occidebat: quod cum pastor animadvertisset, illam in altissima arbore suspendit. Interrogantibus autem cæteris pastoribus, cur ovem suspendisset, aiebat, Pellis quidem, ut videtis, est ovis, opera autem erant Lupi.

Hæc Fabula indicat, homines non ex habitu, sed ex operibus judicandos; quoniam multi sub vestimentis ovium lupina faciunt opera.

De Patre Filium ad virtutes frustra hortante.

Pater quidam filium, ut vitiis deditum, multis hortabatur verbis, ut derelictâ vitiorum vitâ virtutibus invigilaret, quæ ei laudem & decus erant parituræ. Cui filius, Frustra, inquit, pater, ad hæc facienda hortaris: multos enim prædicatores, ut aiunt, audiavi, qui longè te melius ad virtutum hortabantur viam, nunquam tamen eorum admonitionibus obsecutus sum.

Hæc Fabula indicat, viros malignæ naturæ nullius hortatu à vitiis velle discedere.

De Cane oves domini sui occidente, à quo suspensus est.

Pastor quidam cani oves suas dederat custodiendas, optimis illum pascens cibus. At ille sæpe aliquam ovem occidebat. Quod cum pastor animadvertisset, canem capiens, eum volebat occidere. Cui canis, Quare me, inquit, perdere cupis? Sum unus ex domesticis tuis; interfice potius lupum, qui continuò tuo insidiatur ovili. Imò, inquit pastor, te quàm lupum morte dignum magis puto. Ille enim palàm se meum hostem profitetur: tu verò sub amicitiae specie quotidie meum imminuis gregem.

Hæc innuit Fabula, longè magis puniendos, qui sub amicitiae specie nos lædunt, quam qui aperte se nostros inimicos profitentur.

De Ariete cum Tauro pugnante.

Aries quidam inter lanigeros greges erat, tanta cornuum & capitis firmitate, ut cæteros arietes statim facileque superaret: quare cum nullum amplius arietem inveniret, qui occurranti sibi auderet obsistere, crebris elatus victoriis, taurum ausus est ad certamen provocare. Sed primo congressu, cùm in taurinam frontem arietasset, tam atroci ictu percussus est, ut fere moriens hæc diceret, Stultus ego quid egi? Cur tam potentem adversarium ausus sum lacescere, cui me imparem creavit natura?

Fabula indicat, cum potentioribus non esse certandum.

De Viduâ & Asino viridi.

Vidua quædam coelibatum exosa, nubere cupiebat, sed non audebat, vetita vulgi irrisiones, qui maledictis eas solet incessere, quæ ad secundas transeunt nuptias: sed commater ejus, quàm contemnendæ essent populi voces, hæc arte monstravit. Jussit enim asinum album, quem vidua habebat, viridi colore depingi, & per omnes urbis vicos circumduci. Quod dum fieret,

ret, tanta admiratio ab initio omnes invaserat, ut non solum pueri, verum etiam senes hac re insolita moti, asinum animi gratia comitarentur. Deinde, cum hujusmodi animal quotidie per urbem duceretur, desierunt admirari. Itidem, inquit ad viduam commater, eveniet tibi; si enim virum acceperis, per aliquot dies eris Fabula vulgi: deinde hic sermo conticescet.

Hæc Fabula indicat, nullam rem esse tanta dignam admiratione, quæ diuturnitate temporis non desinet esse miraculum.

De Aquila filios Cuniculi rapiente.

Aquila in altissimo arbore nidulata, catulos cuniculi, qui non longe illinc pascebantur, in escam pullo-
rum suorum rapuerat: quam cuniculus blandis orabat
verbis, ut suos sibi filios restituere dignaretur. At illa,
cum ut pusillum & terrestre animal, & ad sibi nocen-
dum impotens arbitrata, eos in conspectu matris un-
guibus dilacerare, & pullis suis epulandos apponere
non dubitavit. Tunc cuniculus filiorum morte com-
motus, hanc injuriam minime impunitam abire permi-
sit: arborem enim, quæ nidum sustinebat, radicitus
effodit; quæ levi impulsu ventorum procidens, pullos
aquilæ adhuc implumes & involucre in humum dejecit:
qui à feris depasti magnum doloris solatium cuniculo
præbuerunt.

Hæc indicat Fabula, neminem potentia sua fretum imbecilliores debere despiciere, cum aliquando infirmiores potentiorum injurias ulciscantur.

De Lupo pisce fluvii maris regnum affectante.

Lupus piscis erat in amne quodam, qui pulchritudi-
ne, magnitudine, ac robore ceteros ejusdem flu-
minis pisces excedebat. Unde cuncti eum admiraban-
tur, & tanquam regem præcipuo prosequabantur hono-
re. Quare in superbiam elatus, majorem principatum

cœpit appetere. Relicto igitur amne, in quo multos annos regnaverat, ingressus est mare, ut ejus regnum sibi vindicaret. Sed offendens Delphinum miræ magnitudinis, qui in illo regnabat, ita ab illo insectatus est, ut aufugiens vix amnis ostium ingrederetur: unde amplius non ausus sit exire.

Hec Fabula admonet ut rebus nostris contenti, ea non appetamus quæ nostris veribus sunt longe majora.

De Ove Pastori convitiante.

Ovis convitiabatur pastori quod non contentus lacte quod in usum suum filiorumque ab ea mulgebat, insuper illam vellere denudaret. Tunc pastor iratus filium ejus trahebat ad mortem. Ecquid, inquit ovis, pejus mihi facere potes? Ut te, inquit pastor, occidam, & lupis canibusque projiciam devorandam. Siluit ovis, majora adhuc mala formidans.

Hec Fabula indicat, non debere homines in Deum exandescere, si divitias & filios ipsis permittat auferre; cum etiam majora & viventibus & mortuis possit inferre supplicia.

De Auriga & Rota currus fridente.

Auriga interrogabat currum, quare rota quæ erat deterior strideret, cum cæteræ idem non facerent: Cui currus, Ægroti, inquit, semper morosi & queruli esse consueverunt.

Hec Fabula indicat, mala solere homines ad querimoniam semper impellere.

De Viro amicos experire volente.

Vir quidam dives admodum & liberales magnam habebat amicorum copiam, quos ad cœnam sapissime invitabat: ad quem libentissime accedebant. Volens autem experiri, an in laboribus & periculis sibi fideles essent, omnes pariter convocavit, dicens, Obortos sibi inimicos, ad quos perdendos ire statuerat: quare correptis armis secum irent, ut illatas sibi ulciscerentur injurias. Tum omnes præter duos sese excusare cœperunt. Cæteris igitur repudiatis, illos tantum duos in ami-

amicorum numero habuit ; quos deinde singulari amore persecutus est.

Hæc Fabula indicat , adversam fortunam amicitie experimentum esse quam optimum.

De Vulpe carnem Leporis Cani laudante.

Vulpes cum fugeret à cane & jamjam esset capienda, nec ullam aliam evadendi viam invenire se posse cognosceret : Quid me, inquit, ô canis, perdere cupis, cujus caro tibi usui non esse potest ? Cape potius leporem illum (non procul enim lepus aberat) cujus carnem suavissimam mortales esse commemorant. Canis igitur motus consilio vulpis, omisâ vulpe, leporem insecutus est ; quam tamen, ob incredibilem ejus velocitatem, capere non potuit. Paucis post diebus lepus conveniens vulpem, vehementer eam accusabat (verba enim ejus audierat) quòd se cani demonstrâset. Cui vulpes, Quid me accusas, lepus, cùm tantopere te laudavi ? quid diceres si te vituperâsem ?

Hæc Fabula indicat, multos mortales, sub laudationis specie, aliis perniciem machinari.

De Lepore calliditatem, & Vulpe celeritatem à Jove petentibus.

Lepus & vulpes à Jove petebant : hæc ut calliditati suæ pedum celeritatem ; ille ut velocitati suæ calliditatem adjungeret. Quibus Jupiter ita respondit, Ab origine mundi è sinu nostro liberalissimo singulis animantibus sua munera sumus elargiti : uni autem omnia dedisse, aliorum fuisset injuria.

Hæc indicat Fabula, Deum singulis sua munera ita esse æquali lance largitum, ut quisque esse debeat suâ sorte contentus

De Equo inculto, sed veloci & cæteris eum irridentibus.

Equi complures ad Circenses ludos fuerant adducti pulcherrimis phaleris ornati, præter unum quem

cæteri incultum, & ad hujusmodi certamen ineptum irridebant, nec unquam victorem futurum opinabantur. Sed ubi currendi tempus advenit, & dato tubæ signo cuncti carceribus exfilière, tum demum innotuit quantò hic, paulò antè irrisus, cæteros velocitate superaret, omnibus enim aliis post se longo intervallo relictis, palmam affectus est.

Fabula indicat non ex habitu, sed ex virtute homines judicandos.

De Rustico per vocem hædi ad Jurisconsultum admissio.

Rusticus quidam gravi lite implicatus, ad quendam jurisconsultum accesserat, ut eo patrono sese explicaret. At ille aliis negotiis impeditus renunciari jubet se non posse nunc illi vacare; quare abiret, aliàs rediturus. Rusticus, qui huic ut veteri fidoque amico plurimum fidebat, sæpius rediens nunquam admissus est. Tandem hædum adhuc lactantem & pinguem secum deferens, ante ædes jurisperiti stabat; & hædum vellicans, illum balare coegit. Janitor, qui ex præcepto heri dona portantes statim admittere solebat, audita voce hædi januam illico aperiens, hominem introire jubet. Tunc Rusticus ad hædum conversus, Gratias, inquit, ago, hædule mi, qui tam faciles mihi has effecisti fores.

Fabula indicat, nullas res tam duras difficilesque esse, quas munera non apereant.

*De Adolescente ex coitu infirmo,
& Lupo.*

Adolescens quidam uxorem duxerat, & ipsam quæ adolescentulam formosam admodum & libidinofam: cujus effrænæ libidini dum satisfacere cupit, ità lumbos exhaustit, ut paucis post diebus macilentus fieret, & mortuo magis quàm vivo similis videretur: non ingredi, non stare, non aliquod opus facere poterat:

rat : sed, ut senex quidam, apricatione gaudebat. Dum ergo in aprico stans loco, calore solis sese calefaceret, accidit, ut venatores, qui lupum fuerant insectati, illac iter haberent; quos cum adolescens interrogaret, cur lupum non ceperant; Ob incredibilem, inquit, illius velocitatem, illum assequi non potuimus. Tunc ait adolescens, Uxorem profecto hic lupus habere non debet: si enim uxori junctus esset, nunquam tantâ pedum pernecitate polleret.

Hæc indicat Fabula, neminem esse adeo robustum & fortem, quem nimius Veneris usus non infirmum & debilem reddat.

*De Senæ juvenem poma sibi surripientem
saxis dejiciente.*

SENEX quidam juvenem sibi poma surripientem blandis orabat verbis, ut ex arbore descenderet, nec res suas vellet auferre. Sed cum incassum verbera funderet, juvene ejus ætatem ac verba contemnente: Non in verbis tantum, inquit, verum etiam in herbis audio esse virtutem. Herbas igitur vellere, & in illum jacere cepit. Quod juvenis conspicatus, in vehementem risum effusus est, & senem delirare arbitrabatur, qui crederet eum ex arbore herbis posse depellere. Tunc senex omnia experiri cupiens, Quando, inquit, verborum & herbarum vires adversus raptorem mearum rerum nullæ sunt, lapidibus agam, in quibus quoque dicunt esse virtutem: lapidesque, quibus gremium impleverat, in juvenem jaciens, illum descendere & abire coegit.

Hæc Fabula indicat, omnia prius sapienti tentanda, quam ad armorum confugiatur auxilium.

*De Luscinia, cantum Acciptri pro vita
pollicente.*

LUSCINIA ab accipitre famelico comprehensa, cum modo se ab eo devorandam esse intelligeret, blandè eum rogabat, ut se dimitteret, pollicita pro tanto beneficio

ficio ingentem mercedem sese relatoram. Cum autem accipiter eam interrogaret, quid gratiæ sibi referre posset; Aures, inquit, tuas mellis suis cantibus demulcebo. At ego, inquit accipiter, malo mihi ventrem demulceas: sine tuis enim cantibus vivere possum, sine cibo verò non possum.

Hæc Fabula innuit, utilia iuventutis anteponenda.

De Leone Porcum sibi socium eligente.

LEo cum socios adsciscere sibi vellet, multaque animalia sese illi adungere optarent, idque precibus & votis exposcerent, spreto cæteris, cum porco solum societatem voluit inire. Rogatus autem causam, respondit, Quia hoc animal adeò fidum est, ut amicos & socios suos in nullo quantumvis magno discrimine unquam relinquat.

Hæc Fabula docet, eorum amicitiam appetendam, qui adversitatis tempore à præstando auxilio non referunt pedem.

De Culice cibum & hospitium ab Ape petente.

Cullex hyberno tempore, cum fame & frigore se periturum coniceret, ad apum accessit alvearia, ab eis cibum & hospitium petens: quæ si ab eis fuisset consecutus, promittebat, filios earum se artem musicam edocturum. Tunc quædam apis, At ego malo artem meam liberi mei discant, quæ eos à famis & frigoris periculo eximere poterit.

Fabula nos admonet, ut liberos nostros iis artibus erudiamus, quæ eos inopiâ valent vindicare.

De Asino tubicini, & Lepore tabellario.

LEo rex quadrupedum, adversus volucres pugnaturus, suorum acies instruebat. Interrogatus autem ab urso quid ei asini inertia aut leporis timiditas ad victoriam conferri possent, quos ibi inter cæteros milites adesse cernebat; respondit; Asinus tubæ suæ clangore milites ad pugnam concitabit: lepos verò, ob pedum celeritatem, tabellarii fungetur officio.

Fabula

Fabula significat, neminem adeo contemptibilem, qui aliqua in re nobis prodesse non possit.

*De Accipitribus inter se inimicis, quos Colum-
bæ composuere.*

Accipitres invicem inimici quotidie decertabant, suisque odiis occupati, alias aves minime infestabant. Columbæ, illorum vicem dolentes, eos missis legatis composuere. Sed illi, ubi inter se amici effecti sunt, cæteras aves imbecilliores, & maxime columbas, vexare & occidere non desinebant. Tum secum columbæ, Quàm utilior accipitrum discordia, quàm concordia, nobis erat!

Hæc admonet Fabula, malorum inter se odia civium alenda potius quam extinguenda; ut dum inter se digladiantur, viros bonos quietè vivere permittant.

De Muliere ignem in mariti domum ferente.

Vir quidam prudens uxorem ducebat. Interrogatus autem ab amicis, quid sibi vellet facula illa quam nova nupta accensam paterna domo efferret, rursusque mariti domum ingressura accendit & introfert; Significat, inquit, me hodie ignem è foceri mei ædibus ablatum in domum meam inferre.

Fabula significat, sepe numero mulierem ignem quandam esse, qui mariti bona comburit.

De Prætoris repetundarum damnato.

Prætor, qui pecuniam cui præfuerat expilaverat, repetundarum damnatus fuerat. Cumque ægre ablata restituerat, dicebat quidam è provincialibus, Hic noster prætor mulieres imitatur, quæ foetus concipientes, mirâ voluptate afficiuntur: cum autem eos amittunt, incredibili dolore torquentur.

Fabula innuit, aliena non esse surripienda; ne, illa deponeere coacti, mærore conficiamur.

De

De sene mortem differre volente.

SENEX quidam mortem, quæ cum è vita raptura ad-
venerat, rogabat ut paululum differret, dum testa-
mentum conderet, & cætera ad tantum iter necessaria
præpararet. Cui mors, Cur non, inquit, hætenus præ-
parasti, toties à me monitus? Et cum ille, Eam nun-
quam à se visam antea, diceret; Cum, inquit, non æqua-
les tuos modo, quorum nulli fere jam restant, verum eti-
am juvenes, pueros, infantes, quotidie rapiebam, nonne
te admonebam mortalitatis tuæ? Cum oculos hebescere,
auditum minui, cæterosque sensus indices deficere, corpus
ingravescere sentiebas, nonne tibi me propinquam esse
dicebam; & te admonitum negas? quare ulterius diffe-
rendum non est.

*Hæc Fabula indicat, ita vivendum, quasi mortem semper
adesse cernamus.*

*De Viro avaro Sacculum nummorum
alloquente.*

VIR quidam avarus, qui ingentem aureorum acervum
male partum relicturus moriebatur, interrogat sac-
culum nummorum, quem morienti sibi jusserat asferri,
Quibus voluptatem esset allaturus: Cui sacculus, Hære-
dibus, inquit, tuis, qui nummos à te tanto sudore quæsi-
tos, in scortis & conviviis profundent; & dæmonibus, qui
animam tuam æternis suppliciis mancipabunt.

*Hæc Fabula indicat, stultissimum esse in eis laborare, quæ
aliis gaudium vobis autem sint allatura tormenta.*

F I N I S.

LAURENTII VALLENSIS

In Fabulas Æsopi, è Græco in Latinum sermonem verfas,
ad clarissimum virum Arnoldum Foveldam, præfatio.

PRomiseram nuper, me tibi coturnices, quas ipse venatus essem, missurum. Eas capere, ut homo venandi infuetus, cum non possem, ad venationem meam, id est, ad literas me converti: & fortè ad manus venit libellus Græcus ex prædâ navali, 33 Æsopi Fabulas continens. Has omnes bidui labore venatus sum. Mitto igitur ad te sive Fabulas, sive mavis coturnices, quibus te oblectare possis & ludere. Etenim si Octavianum, Marcumque Antonium, orbis terrarum principes, ludo coturnicum delectatos accipimus; profecto tu, vir literarum amantissimus, & literato hoc genere ludendi delectaberis. Ex si quis Octaviano aut Antonio pugnacem aliquam harum avium dono dedisset, jucundam illis rem gratamque fecisset: ego quoque tibi jucundus gratusque ero, qui plures quam triginta ejus generis aves dono mitto pugnaces, victrices, & si forte magis juvat, etiam pingues. Oblectant enim hæ Fabule & alunt, nec minus fructus habent, quam floris. Sed ne donum suum laudare insolentis sit, finem faciam. Tu, si coturnices veras quam has Fabulas malis, rescribe: mittam namque non modo coturnices, sed & perdices. Ex urbe Cajeta, Calend. Maii, Anno 1538.

De Vulpe & Capro.

Vulpes & Caper sitibundi, in quendam puteum descendunt; in quo cum perbibissent, circumspicienti reditum capro, vulpes ait, Bono animo esto caper, excogitavi namque quo pacto uterque reducēs simus; siquidem tu eriges te rectum prioribus pedibus ad parietem admotis, cornuaque adducto ad pectus mento reclinabis, & ego per terga cornuaque tua transsilien-
ens, & extra puteum evadens, te istinc postea educam. Cujus consilio fidem habente capro, atq; ut ille jubebat, obtem-

obtemperante, ipsa è puteo profiliit, ac deinde præ gaudio in margine putei gestiebat, exultabatque, nihil de hirco curæ habens. Cæterum cum ab hirco ut scœdifraga incusaretur, respondit; Enimvero, hirce, si tantum tibi esset sensus in mente, quantum est setarum in mento, non prius in puteum descendisses quàm de reditu exploratum habuisses.

Hæc Fabula innuit, virum prudentem dicere finem explorare, antequam ad vim peragendum veniat.

De Vulpe & Leone.

Vulpes nullum antea leonem conspicata, cùm illi aliquando ex improvîso obviâisset, ita conspectum ejus expavit, ut parum absuerit quin extingueretur. Quod cùm iterum postea accidisset, ad conspectum quidem leonis exterrita est, sed non ita ut prius. Tercio autem cum leonem in civitate esset intuita, non modo non exterrita, sed etiam confidenter adiens, cum eo collocuta est & confabulata.

Hæc Fabula innuit, quod consuetudo & conversatio facit, ut quæ maxime horribilia & formidanda sunt, neque horrida neque formidolosa videantur.

De Gallis & Perdice.

Gallos quidam domi suæ cum haberet, mercatus est perdicem, eamque alendam & in societate gallorum dedit una cum illis saginendam; eumque galli eam mordebant abigebantque, perdix apud se afflictabatur, existimans ideo talia inferri sibi à gallis, quod suum ab illorum genere alienum esset. Ubi vero non multo post aspexit illos inter se pugnantes, mutuoque percutientes; recreata à mœrore & tristitia, inquit, Equidem post hæc non afflictor amplius, videns eos etiam inter se dimicantes.

Hæc Fabula innuit, virum prudentem debere æquo animo ferre contumelias ab alienigenis illatas, quas videt ne à domesticorum quidem injuria abstinere.

De Vulpe & Capite quodam reperto.

Vulpes aliquando in domum citharedi ingressa, dum omnia instrumenta musica, omnem suppellectilem scrutaretur, reperit è marmore caput lupinum scienter fabrique factum; quod cum in manum sumpisset inquit, O caput cum magno sensu factum, nullum sensum obtinens!

Hec Fabula ad eos spectat, qui corporis dignitatem habent, animi industriam non habent.

De Carbonario & Fullone.

Carbonarius conductâ in domo habitans, fullonem invitavit, qui eo loci proxime venisset, ut lilem in ædibus una habitaret. Cui fullo, O homo, non est istud factum conducibile: vereor enim ne quicquid ipse candefacerem, id omne tu carbonariâ aspergine fufcarer.

Hec Fabula innuit, nullum cum flagitiosis habendum esse commercium.

De Viro jactabundo.

Vir quidam aliquandiu peregrinatus, cum iterum domum reversus fuisset, cum multa alia in diversis regionibus à se viriliter gesta jactabundus prædicabat, tum vero id maxime, quod Rhodi omnes in certamine salendi superâsset; ejusdem rei Rhodios, qui affuerant testes esse. Ad quem unus assistentium respondens, inquit, O homo, si verum istud est quod loqueris, quid tibi opus est testibus? Ecce Rhodium! ecce hic certamen salendi!

Hec indicat Fabula, quod ubi vera testimonia adsunt, nihil opus est verbis.

De Viro Apollinem tentante.

Vir quidam facinorosus Delphos se contulit, Apollinem tentaturus: habensque passerculum sub pallio, quem pugno tenebat, & accedens ad tripodas, interrogabat eum, dicens, Quod habeo in dextrâ, vivane,

an mortuum est? prolaturus passerulum vivum, si ille mortuum respondisset; rursus prolaturus mortuum, si vivum respondisset: occidisset enim statim sub pallio clam, priusquam proferret. At deus subdolum calliditatem hominis intelligens, dixit, O consultor, utrum mavis facere (penes te namque arbitrium est) facito; & sive vivum sive mortuum, quod in manibus habes, profero.

Hæc Fabula innuit, mentem divinam nihil neque latere neque fallere.

De Piscatore & Smaride.

Piscator quidam, demissis in mare retibus, extulit smaridem pusilli corporis, quæ sic piscatorem obsecrabat; Noli me in præsentia capere tam pusillam & minutam, sine abire, & crescere, ut postea sic adultâ commodo cum majore potiaris. Cui piscator inquit, Ego verò amens sim, si lucrum, quod inter manus habeo, licet exiguum, prætermittam, spe futuri boni, quantumlibet magni.

Hæc Fabula innuit, stolidum esse qui propter spem majoris commodi, rem & præsentem & certam, licet parvam, non amplectitur.

De Equo & Asino.

Vir quidam habebat equum & asinum. In itinere autem faciendo, inquit asinus equo, Si me salvum vis, leva me parte oneris mei. Equo illius verbis non obsequente, asinus sub onere cadens moritur. Tunc dominus jumentorum, omnes quas portabat asinus sarcinas, simulque corium quod à mortuo exuerat, equo imponit. Quo onere depressus equus, & gemens, cum clamore inquit, Væ mihi jumentorum infelicissimo! quid mihi misero mali evenit? Nam recusans partem, nunc totum onus porto, & illius insuper corium.

Hæc Fabula innuit, majores debere in laboribus participes esse minoribus, ut utrique sunt incolumes.

De Viro & Satyro.

Vir quidam cum Satyro amicitiam inierat: qui cum edendi gratiâ federent, exortâ cœli tempestate ac frigore, vir manus ad os admovens anheliu refocillabat. Quod intuens Satyrus interrogabat, quamobrem id faceret. Ille inquit, Calore oris. argentes manus refocillo. Pauloque post callidiori edulio allato, cum vir iterum ad os manum cum edulio admovens, calorem cibi aspiratione refrigeraret, interrogat Satyrus quamobrem id faceret: Respondente autem viro, Ut edulium refrigerem. Atque ego, inquit Satyrus, tecum posthac amicitiam non exercebo, qui ex uno ore & calidum promis & frigidum. Vale.

Hec Fabula innuit, devitandam ejus amicitiam esse cujus anceps vita est, & non simplex sermo.

De Vulpe & Pardo.

Vulpes & pardus de pulchritudine altercabantur, & pardo suam pellem versicolore extollente: vulpes, cum suam præponere non posset, inquit, At quanto ego speciosior, quæ non corpus, sed animum versicolorem sortita sum.

Hec Fabula innuit, pulchritudinem animi antecellere pulchritudinem corporis.

De Felle in Fæminam mutata.

Felis quædam delictum formosi erat cujusdam adolescentis. Hanc ille, ut in scæminam mutaret, Venerem deprecatus est. Dea miserta cupiditatis adolescentuli, convertit bestiam in speciosam puellam. Cujus forma inardescens adolescentulus, adducit illam secum domum: quibus confidentibus in cubiculo, Venus volens periculum facere, nunquid illa, cum corpore mutasset & mores, murem immisit in medium.

H

At

At illa & eorum qui aderant, & cubiculi nuptialis immemor, è cubiculo surgens, murem insequabatur, illum comedere cupiens. Tunc dea indignata, eam iterum in suam restituit naturam.

Fabula indicat, scelestos homines, etsi conditionem statumque mutant, tamen mores nequaquam mutare.

De Agricola & Canibus.

Agricola quidam hiberno sydere in agro deprehensus, deficientibus cibariis, primum interfectis singulis ovibus, illarum carnibus vescebatur, mox & caprarum, postremo operariis bobus interemptis alebatur. Quod canis cum animadvertissent, inter se collocati sunt, dicentes, At nos hinc faciamus fugam: Si enim operariis bobus dominus noster non pepercit, nec nobis quidem parceret.

Fabula significat, fugiendos eos esse: cavendosque, qui à familiaribus quoque manus non abstinēt.

De Agricola filios suos docente.

Agricola filios suos, videns quotidie litigantes, neque in gratiam inter se reduci potuisse, iussit complures virgulas sibi afferri, (aderant autem filii illic sedentes.) Quæ cum allatæ essent, colligavit omnes in unum fasciculum, iussitque singulos filiorum fasciculum capere atque confringere. Illis vero confringere non valentibus, solvens postea fasciculum, tradit singulas singulis eis frangendas; atque illis statim facileque frangentibus, intulit. Ita & vos, filii mei, si unanimes invicem persisteritis, inexpugnabiles vos hostibus, & invictos præbebitis. Sin minus, ipsa vestra æmulatio atque seditio opportunam vos prædam inimicis faciet.

Fabula innuit, equè res humanis facere vel concordia incrementum, vel discordia jacturam.

De Muliere & Gallina.

Mulier quædam vidua habebat gallinam quotidie singula ova parientem. Sperans autem mulier pro singulis bina ova parituram, si plus tribuisset escarum, opipare educabat. Gallina vero pinguior effecta, ne unum quidem ovum parturire poterat.

Hæc Fabula indicat, quod homines propter luxum & copiam rerum ingravescentes, ab instituto retardantur.

De Homine quem Canis momorderat.

Admorsus à cane quidam, circumibat singulos, corrogans curationem; nactusque est quendam, qui cognitâ mali qualitate, inquit, Si tu quidem, ô homo, convalescere vis, sume crustulum panis madefactum in sanguine vulneris, & porrige cani, qui te momordit, comedendum. Cui ille deinceps inquit, Ego mehercule, si istuc fecero, dignus sum qui ab omnibus hujus urbis canibus premordear.

Fabula indicat, improbos homines, cum maxima beneficia acceperint, tum maxime ad malefacta animari.

De duobus amicis & Urso.

Duobus amicis unâ iter facientibus sit, ursus obviam: quorum unus perterritus, in arborem scandens latuit: alter verò cum se imparē urso fore, & si pugnare vellet, superatum iri intelligeret, procidens simulabat se mortuum. Ursus autem adveniens, aures & occipitium olfaciebat; illo qui stratus jacebat usquequaque continente respirationem; ita mortuum esse credens ursus abiit: aiunt enim ursum non scire in cadavera. Mox alter, qui inter frondes arboris latuerat, descendens interrogaat amicum, quidnam ad aurem ursus secuta esset locutus. Cui amicus inquit, Admonuit, ne post hac cum hujusmodi amicis iter faciam.

Fabula innuit, de vitandos eos amicos, qui periculoso in tempore ab auxilio prestando revocant pedem.

De Adolescentibus & Coquo.

Duo adolescentes opsonium à coquo mercati communiter erant. Cæterum cum coquus quibusdam negotiis domesticis animum intenderet vacaretque, alter adolescentum partem opsonii in alterius manus immisit. Convertente se coquo, & partem carnis, quæ aberat, requirente; qui carnem sustulerat, jurabat se non habere: qui vero habebat, jurabat se non abstulisse. Quibus coquus, intellecta adolescentium astutia, inquit, Etsi me latet fur, tamen eum, per quem iurastis, Deum not latebit.

Hæc Fabula innuit, quod si quid homines celamus, Deum nequaquam celare poterimus, qui salus omnia prospicit, & omnia vidit.

De Arundine & Olea.

Discepsabant arundo & olea de constantia, de fortitudine, & de firmitate. Olea quidem probra arundine, nō ingerebat, ut fragili, & ad omnem ventum vacillanti, Arundo autem obricebat, non longum tempus expectans, Nam cum ventus vehemens ingruisset, arundo agitabatur reflectebaturque: olea verò violentia ventorum, cum reluctari vellet, confracta est.

Hæc Fabula innuit, eas qui fortioribus ad tempus cedunt, potiores esse iis qui non cedunt.

De Tubicine.

ERat tubicen quidam qui in militia signum caneret. Is interceptus ab hostibus, ad eos qui circumstabant, proclamabat, Nolite me, o viri, innocuum infontemque occidere. Nullum enim unquam ego occidi: quippe nihil aliud quam hanc tubam habeo. Ad quem illi vicissim cum clamore responderunt, Tu verò hoc ipso magis irucidaberis, quòd cum ipse dimicare nequeas, cæteros potes ad certamen impellere.

Hæc Fabula innuit, quod præter cæteros peccant, qui malis & improbis principibus persuadent ad inique agendum.

De Aucupe & Vipera.

Auceps quidam sumptis aucupatoris retibus ad venandum processu, visoque palumbo in cacumine arboris sedente, compositas artificiose arundines cum retibus ad avem clanculum admovebat, sperans se illam venari posse. Quod cum egit, in altum intuens jacentem viperam pedibus pressit; quæ exasperata dolore, hominem momordit. At ille jam deficiens, Me miserum, inquit, qui, dum alterum venari volo, ipse ab altero captus pereor!

Hæc Fabula innuit, fraudulentos homines insidias suas occultare; sæpe tamen ab aliis sustinere.

De Castore virilia sibi amputante.

Castor præter cæteros quadrupedes in aqua durare dicitur, ejusque genitalia ad artem medicam sanè utilia sunt. Ubi videt indagantibus hominibus se captum iri (non enim ignorat quamobrem indageretur) ipse sibi genitalia præscindit, atque insequentes, prospiciens hoc modo incolumis evadit.

Hæc Fabula innuit, hujus exemplo prudentes debere pro adipiscenda salute nullam rationem habere fortunarum.

De Thynno & Delphino.

Thynnus, cum delphinum insequentem, præcipiti cursu fugeret, & jamjam capiendus esset, in anfractum quendam se intorsit. Delphinus quoque ad alterum similem ipso impetu allisus est: ad quem thynnus respiciens, eumque expirantem videns, inquit, Jam mihi mors non est molesta, videnti eum, qui mihi causa mortis est, mecum morientem.

Hæc Fabula indicat, æquo animo ferre homines calamitates, cum eos propter quos in calamitate sunt, calamitosos aspiciant.

De Cane & Lanio.

CAnis quidam insiliens macellum, lanio in aliqua re occupato, arrepto pecoris corde fugiebat. Ad quem lanius conversus, fugientem aspiciens, inquit, O canis, abi; ubicunque fueris te observabo: non enim mihi cor sustulisti, sed cor dedisti.

Fabula indicat, jacturam semper esse hominibus doctrinam.

De Vaticinatore quodam.

Vaticinator quidam in foro sedens, sermocinabatur: Cui quidam denuntiat, fores domus ejus effractas esse, omniâque direpta quæ in domo fuissent. Ad quem nuntium vaticinator gemens, properansque cursu, se domum recipiebat. Quem currentem quidam intuens, O tu, inquit, qui aliena negotia te divinaturum promittis, certe tua ipse non divinasti.

Fabula ad eos spectat, qui res suas non recte administrantes, alienis quæ nihil ad eos pertinent, providere & consulere conantur.

De Agrote & Medico.

ÆGrotus quidam à Medico interrogatus, quoniam modo se habuisset, præter modum respondit in sudorem se fuisse resolutum. Cui medicus, Istud, inquit, bonum est. Altero autem die iterum interrogatus, quoniam modo se haberet, respondit, Algoribus correptus diu vexatus sum. Et id quoque, inquit medicus, bonum est. Tertio cum ab eodem medico interrogaretur, respondit, Profluvio corporis debilitatus sum. Istud etiam bonum est, inquit medicus. Postea autem à familiari quodam interrogatus, Quomodo habes, o amice, respondit etiam, Bene habeo, sed morior.

Fabula indicat, arguendos assentatores.

De Asino & Lupo.

ASinus calcato ligni aculeo claudicabat, conspectoque lupo, ait, O lupo (en!) præ cruciati morior, futurus esca aut tua, aut vulturum, aut corvorum. U-

nuna

num modo abs te munus flagito : Educ prius de pede aculeum, moriâr saltêm sine cruciatu. Tum lupus summis dentibus aculeum mordicus deprehendens eduxit. Asinus vero doloris oblitus, ferratos calces in faciem lupi impexit ; fractaque illius fronte, naribus & dentibus, aufugit : lupo seipsum accusante, ac merito sibi id evenisse dicente, quod qui didicerat esse lanus jumentorum, nunc illorum volebat esse chirurgus.

Hec indicat Fabula, quod qui sua artificia deserunt, transferentes se ad alia ipsis non apta, & in derisum veniunt, & in discrimen.

De Aucepe & Merula.

Auceps tetenderat volucris retia : quod eminus intuens merula percontabatur hominem quid negotii ageret. Ille respondit se condere urbem, abique longius, & sese abdidit. Merula vero illius verbis fidem habens, & accedens ad escam juxta retia oppositam, capta est : accurrente aucepe, inquit, O homo, si tu quidem talem urbem condis, haud multos invenies incolas.

Hec indicat Fabula, eo maxime modo rem privatam & publicam destrui, cum præsides sevitiâ exercent.

De Viatore & Perâ inventa.

Viator longum ingressus iter, si quid invenisset, ejus dimidium Jovi se oblaturum vovit. Inventâ autem postea in itinere perâ palmularum amygdalarumque plenâ, comedit omnes palmulas amygdalasque ; sed harum ossa, illarum putamina & cortices ad aram quandam obtulit, inquiens, Habes, Jupiter, quod tibi voveram : quod enim inveni, ejus & interiora & exteriora offero.

Fabula innuit, avarum propter pecuniæ cupiditatem etiam diis moliri fallacias.

De Pueri & Matre.

Puer quidam in scholâ condiscipuli furatus tabellam alphabetariam attulit matri suæ : à quâ non castigatus, quotidie magis furabatur. Procedente autem tempore cœpit furari majora. Tandem à magistratu deprehensus ducebatur ad supplicium. Matre vero sequente ac vociferante, rogavit ille satellites ut paulisper cum eâ ad aurem loqui permitterent : quibus permittentibus, & matre festinabundâ anrem ad os filii admovente, ille auriculam matris dentibus emorsam evulsit. Cum mater cæterique eum increparent, non modo ut furem, sed etiam ut in parentem suam impium; Hæc mihi, inquit, ut perderet causa extitit : Si enim me tabellam alphabetariam furatum castigasset, nequaquam ad ulteriora progressus, nunc ad supplicium ducerer.

Hæc Fabula indicat, quod qui inter initia peccandi non coercentur, ad graviora flagitia evadunt.

De Pastore artem nauticam exercente.

Pastor in loco maritimo gregem pascebat : qui cum viderat mare tranquillum, incessit cupido navigationem faciendi ac mercatum. Itaque venundatis ovibus, emptisque palmularum sarcinis, navigabat. Oborta autem vehementi tempestate, & navi mergi periclitante, omne pondus navis in mare dejecit, vixque evasit exoneratâ navi. Paucis post diebus veniente quodam, & tranquillitatem maris admirante (erat enim sane tranquillum) respondens, inquit, palmulas iterum vult quantum intelligo, ideoque immotum sese ostendit.

Hæc innuit Fabula, eruditiores effici homines damno atque periculo.

De Filio cujusdam Senis, & Leone.

Filium senior quidam habebat unicum generosi animi & canum venaticorum amatorem : hunc per quem etem viderat à leone trucidari. Territus igitur, ne forte somnium hoc aliquando sequeretur eventus, extruxit domum quandam politissimam, & laquearibus à fenestris amœ-

amoenissimam. Illuc inducens filium assiduus illicustos adhærebat: Depinxerat enim in domo ad delectationem filii omne animalium genus; in quibus & leonem. Adolefcens hæc inspiciens, eo amplius molestiæ contrahabat. Quadam autem vice propius stans leoni, inquit, O truculentissima fera, propter inane somnium patris mei in hac domo asservor, velut in carcere: quid tibi faciam? Et hæc dicens, manum parieti incussit, oculum leonis eruere volens; & in clavo, qui illic latebat, offendit. Quâ ex percussione manus emercuit, succrevitque sanies, ac febris subsecuta est, brevique tempore adolefcens est mortuus. Ità leo adolefcentem occidit, nihil adjuvante patris sophismate.

Hæc Fabula innuit, quæ ventura sunt, devitare posse neminem.

De Calvo crines externos gerente pro nativis.

CALVUS quidam mentitos crines gerens, dum equo vehabatur, ecce! ei validior ventus illos de capite sustulit. Rîsus statim magnus à circumstantibus excitabatur, & ille mutuo rîsu illis inquit, Quid mirum si crines qui non erant mei à me recesserunt? Illi quoque recesserunt qui mecum fuerant nati.

Hæc Fabula indicat, nos non debere mœrere ob amissas opes. Quod enim nascentes à natura non accipimus, non potest nobiscum perpetuo manere.

ÆSOPUS

ÆSOPI FABULATORIS

clarissimi Apologi, è Græco Latini
facti, per *Rimicium*.

A R G U M E N T U M.

ÆSOPUS Fabulator clarissimus, natione quidem Phrygius, fortuna vero servus, fuit colore niger, ac facie supra modum deformis. Is quia beneficus semper in hospites fuit, dea hospitalitatis in somnis sibi assistens, largita est loquelam (nam ab initio blatero fuit) sapientiamque, ac variarum fabularum inventionem: quæ porro fabule non parum conducunt mortalium vite. Nam animalia bruta fingit agere eas quæ hominum sunt actiones; quas ita ante oculos ponit, ut audientium animos incitet ad virtutem, nec ulli sunt hominum mores, quos in brutis fingendo ipse non aperit. His igitur fabulas si quis rite gustaverit, quam viam sequi quamque vitare debet, in privatis publicisque negotiis, facile comperiat. Nam imprimis fabulam narrat; tum quid fabula significet compendiosus exponit; atque ordinem Alphabeti in Græco secutus, qui in Latino sermone servari non potest, hinc sumit initium.

De Aquilâ & Vulpe.

Aquila & vulpes, conflata inter se amicitia, in proximo habitare constituunt, firmiorem amicitiam ex frequenti conversatione fore putantes, Igitur aquila nidum alta super arbore instituit: vulpes vero arborem prope, inter dumeta catulos collocat. Una igitur dierum cum vulpes latibulum egressa pastum cattulis quæteret, aquila & ipsa cibi indiga in latibulum devolans, vulvis catulos arripuit, ac pullis suis comedendos præbuit. Vulpes reveniens, cognita filiorum morte atroci, valde tristata est: & cum aquilam ulcisci non posset, quia quadrupes existens volucrem persequi nequebat (quod unum miseris ac impotentibus

bus datur) aquilam execratur, ac mala sibi imprecatur; tantum in odium violata vertitur amicitia. Contigit igitur illis diebus ruri captum immolari; cujus frustum unum cum carbonibus accensis aquila arripiens, sustulit ad nidum; sed vento vehementius spirante, nidus, qui ex cœno ac materia exili aridâque confectus erat, incenditur. Aquilæ pulli flammam sentientes, cum volare adhuc nequirent humi decidunt. Vulpes confectum illos arripiens, in aquilæ conspectu devorat.

Fabula significat, quod qui amicitiam violant, quamvis eorum quos leserint ultionem declinent, Dei supplicium non tamen effugient.

De Aquila & Corvo.

Aquila celsâ ex rupe devolans, agnum ex ovium grege arripuit: quam rem cum corvus conspicatur, æmulatione motus, vehementi cum strepitu ac stridore devolat in arietem, atque ungues in arietis vellus ita implicat, ut inde se jam motu alarum explicare non possit. Hunc Pastor cum ita implicitum videt, accurrens, corvum comprehendit, atque alarum pennis incisus, pueris suis pro ludibrio dedit. Verum enim cum quispiam corvum rogabat, quænam volucris esset; corvus ait, Prius quidem, quoad animum aquila fui; nunc verò me corvum esse certe cognosco.

Fabula significat, quod qui supra vires quipiam audet, hoc solum efficit, quod in adversa sepius incidit, ac se vulgo ridiculum exhibet.

De Aquila & Scabrone.

Aquila leporem persequabatur. Lepus consiliis inops, cum tempus obtulit, scabronem videns, ab eo auxilium imploravit: cui scabro pollicitus est tutelam ac custodiam suam. Deinde cum aquilam appropinquantem scabro conspicatur, eum precatur, ne suum eripiat sibi servum. Aquila scabronis parvitatem contemnens, coram eo leporem exedit. Verum scabro fure inju-

injuriz memor, ubi aquila nidificaret, observat. Ecce aquila ova parit. Scabro alis elatus ad aquilæ nidum volat, atque ova devolvens ad humum dejicit. Aquila ob iacturam ovorum mœrore concitata, evolat ad Jovem (est enim ales deo illi sacrata) ac locum ad pariendum sibi tutum dari precatur. Jupiter illi concedit, ut cum tempus adest, ejus in sinu pariat ova. Hoc scabro prævidens, globum è stercore confecit, atque sursum evolaris, in Jovis sinum demisit. Jupiter, volens è sinu globum excutere, ova aquilæ simul excussit. Ex tunc aiunt, aquilam nunquam parere, quo tempore scabrones existunt.

Fabula significat, quod nullus porro contemnendus; quoniam nemo est qui injuriam accipiat, quin cum tempus datur, se ulcisci querat.

De Philomela & Accipitre.

Philomela cum alta in quercu sederet more suo sola canebat. Eum accipiter cibum queritans, cum intueretur, repente advolat illamque rapit. At philomela cum se interituram videt, accipitrem precatur, ut se missam faciat, quoniam ad explendum ejus ventrem ipsa satis minime sit; sed pro saturitate suâ, ut ad majores aves se vertit, opus profecto fore. Eam accipiter tõe conspiciens, ait, Stultus equidem nimium essem, si quem manibus teneo cibum illum dimitterem amplioris spe pastus.

Fabula significat, quod, qui omittunt id quod manu tenent rerum majorum spe, consilio inopes ac ratione nimium sunt.

De Vulpe & Trago.

Vulpes & tragus sitientes, in quandam puteum descendunt: verum enim post potum, cum egressum non inveniret hircus, vulpes ei comiter ait; Bonò sis animo: nam, quid salutis nostræ opus sit, probe animadverti, etenim rectus stabis, ac pedibus anterioribus cornibusque muro adharebis; tuas ego scâpulas cornuque conscendens, cum egressa puteum fuero, te comprehens-

dens

dens hinc extraham. Huic caper promptè deservivit. Vulpes suo exultans egressu circa os putei capro eludit. At dum caper illam incusat sibi pacta haud servasse, ei facete vulpectula inquit, Si ea, caper, sapientiâ præditus esses, quò pilorum ornatu isthæc tuo barba referta est, non prius in puteum descendisses, quàm egressum pensiculate vidisses.

Fabula significat, quod homines consilio præditi rerum finem prius inspiciant, quàm dent operam rebus gerendis.

De Vulpe & Leone.

Vulpes, quæ nunquam viderat leonem, cùm illi forte obviasset, adeo pertimuit, ut mortem pene obiret. Rursum illum cum aspexisset, pertimuit; sed minime ut primum. Eum tertio cum intueretur, prope accedens, fuit ausa coram disserere.

Fabula significat, quod res terribiles usus & consuetudo familiares faciunt.

De Cato & Gallo.

Carus cum gallum cepisset, atque causam quæreret quæ eam comedere posset, illum criminari cœpit, quod esset animal turbulentum, quî noctu clamando haud permitteret quiescere mortales. Gallus se excusabat, quod id ageret ad eorum voluptatem cùm ad opera faciendâ eos excitaret. Rursum carus ait, Impius es, ac supra modum scelestus, qui agis continue contra naturam, cùm nec à matre, nec à sororibus te abstineas; sed per incontinentiam cùm illis te commisceas. Gallus iterum defendebat, quod dominæ suæ quaestus gratiâ id quoque ageret. Enimvero ex huiusmodi coitu gallinæ pariunt ova. Tunc inquit carus, Excusationibus licet abundas, ego tamen jejunare haud intendo.

Fabula significat, quod qui pravus existit naturâ, cum semel delinquere animo proposuit, quâvis cause desit prætextus, à pravitate tamen non desistit.

De

De Vulpe sine cauda.

Vulpes ut è laqueo evaserat abscissa caudâ, cum ex pudore vitam sibi mortem putaret, excogitavit alias dolo inducere vulpes, ut sub communis commodi specie sibi singulæ caudam abscinderent, & sic suum dedecus levaret. Itaque ad unum vulpibus congregatis, suadet ut caudam sibi abscindant; differens, caudam non modo dedecori vulpibus esse, sed oneri gravi atque inepto. E vulpibus una facete respondit, Heus soror, si res ista tibi soli conducit, hæc itidem aliis consulere haud æquum est.

Hæc Fabula ad eos spectat, qui sub charitatis specie suum commodum consulendo prospiciunt.

De Piscatore & Smaride pisciculo.

Piscator qui mari rete tendit, eo smaridem cepit pisciculum; quæ parvâ adhuc ætate, piscatorem orabat, ut dum grandis esset, atque majorem questum ex eo assequi posset, sibi vitam donaret. Huic Piscator lepide respondit, Ego quidem mente carerem, si quod minimum mihi est lucrum, id dimitterem amplioris spe questus.

Fabula significat, quod certa pro incertis, quamvis in eis magna insit spes, stultorum esset dimittere.

De Vulpe & Rubo.

Vulpes cum sepem quandam ascenderet, ut periculum vitaret quod sibi imminere videbat, rubum manibus comprehendit, atque volam sentibus perfodit: & cum graviter saucia foret, gemens inquit rubo, Ut me juvares cum ad te confugerim, tu deterius me perdidisti. Cui rubus, Errasti vulpes, ait, quæ pari dolo me capere putasti, quo cætera consuevisti.

Fabula significat, quod stultum est implorare auxilium ab illis, quibus natura datum est obesse potius quam prodesse.

De

De Vulpe & Crocodilo.

Vulpes & Crocodilus de nobilitate contendebant. Cùm Crocodilus multa pro se adduceret, & supra modo se jactaret de splendore progenitorum suorum; vulpes ei subridens, ait, Heus amice, etsi hoc tu quidem non dixeris, ex tuo corio clare apparet, quod multis jam annis tuorum splendore fuisti denudatus.

Fabula significat, quod homines mendaces res ipsa potissimum refellit.

De Vulpe & Venatoribus.

Vulpes venatores effugiens, ac per viam currendo jam defessa, hominem casu reperit lignarium; quem rogat, ut se quoquo loco abscondat. Ille testorium ostendit. Vulpes illud ingrediens, in angulo quodam se abscondit: adsunt venatores, lignarium, si vulpem viderit, rogant. Lignarius verbis quidem se vidisse negat, manu verò, ubi vulpes latebat, locum ostendit. Verum enim venatores re haud percepta statim abeunt. Vulpes ut illos abisse prospicit, testorio egrediens, tacite recedit. Lignarius vulpem criminatur quod cum salvam fecerit, nihil sibi gratiarum agat. Tunc vulpes se convertens, illi tacite ait, Heus amice, si manuum opera, ac motus verbo similis habuisses, meritas tibi persolverem gratias.

Fabula significat, quod homo nequam, etsi bona pollicetur, mala tamen & improba præstat.

De Gallo & Perdice.

Gallos complures cùm quis domi haberet, quam emerat perdicem illis compascere permissit. Sed cum galli illam infestarent, rostrisque percuterent, perdix eâ injuria vehementer perdoluit, putans, quia advena, nec ex eo genere esset, eas sibi inferri injurias. Gallos deinde cùm invicem certantes conspiceret

ret perdix, amota animi perturbatione, ait, De cætero quidem haud tristabor, posteaquam inter eos odiosa certamina cerno.

Fabula significat, quod homines sapientia præditi, moderato animo ferunt injurias ab illis vel maxime sibi illatis, qui nec sibi nec suis parcere solant.

De Vulpe & Larva.

Vulpes citharædi domum ingressa, dum, quæ domi parata sunt, sagaciter explorat, larvæ caput reperit arte industriosa compositum, quod manibus capiens ait, O quale sine cerebro caput!

Fabula significat, quod omnes corpore decori, eandem animo non habent pulchritudinem.

De homine & ligneo Deo.

Homo quidam deum ligneum domi habens, eum orabat ut boni quidpiam sibi tribueret: sed quanto magis orabat, tanto res domi angustior erat. Dènum ille concitatus ira, deum cruribus prehensis rapit & caput parieti illidit. Excusso igitur capite, multum auri exfillit: quod homo colligens, ait, Perversus nimirum atque perfidus, qui dum in honore te habuit nihil equidem profuisti; percussus vero & verberatus, boni plurimum contulisti.

Fabula significat, quod homo nequam si quando prodest id efficit vi coactus.

De Cane ad cœnam vocato.

Vir quidam, cum cœnam opiparam parasset, amicum quendam domum vocavit; ejus quoque canis canem alterius ad cœnam invitavit. Is domum ingressus cum tantum dapum videret apparatus, lætus secum ipse ait, Hodie porro ita me explebo, quod die crastino comedere non indigebo; hisq; dictis motu caudæ applaudit. Coqus vero conspiciens, tacitus per caudam cepit, atque illum sæpius rotans, per fenestram projicit. Ille attonitus humo assur-

assurgens, dum clamando aufugit, cæteri canes ei occurrunt, atque rogant quàm epipare cœnaverit? At ille languens inquit, ita potu & dapibus me explevi, quod cum exiverim, viam non vidi.

Fabula significat, quod quibus rebus quis doliturus est, rebus illis latari non debet.

De Aquila & Homine.

Aquilam homo quidam cum cepisset, pennis alarum ei evulsis, inter gallinas morari dimisit. Eam deinde quidam mercatus, pennis alas denuò munit: tum aquila volans, leporem capit, fertque illum benefactori suo. Quam rem conspiciens vulpes, homini ait, Noli hanc aquilam, uti prius, hospirio habere, ne ceu leporem te æque venetur. Tum homo aquilæ item pennas evulsi.

Fabula significat, quod bene facientes sunt quidam remunerandi: improbi vero omni studio vitandi.

De Viro Agricola.

Homo quidam agriculator existens, cum finem vitæ sibi adesse cognoceret, cuperetque filios in agrorum cultu fieri peritos, eos vocavit; atque inquit, filii, ego è vita decedo, bona mea in vineâ confita sunt omnia. Illi post patris obitum, purantes in vineâ thesaurum verum reperire, assumtis ligonibus, marris, ac bidentibus vineam funditus effodiunt, nullumque thesaurum inveniunt. Verum enim vinea, cum probe effossa foret, longe plures solito fructus produxit, atque illos divites fecit.

Fabula significat, quod labor assiduus thesaurum parit.

De Carbonario & Lotore.

Carbonarius lotorem quendam rogavit, ut quam pretio conduxerat domum secum pariter coharet. At lotor rem alias expertus ait, Id conducibile
1
haud

haud mihi esset : Nam quæ albificare, ea omnia carbonum favillis ipse maculares.

Fabula indicat, quod res natura dissimiles stare simul commode non possunt.

De Vulpe esuriante.

Vulpes ingenti fame concita, cum quodam in rectorio carnis frustum ac panem repositum perspiceret, rectorium ipsum intravit, atque tantum comedit quod ad ingentem tumorem ventrem distendit : & cum ex nimia ventris tumefactione indè egredi nequiret, tumens gemit. Ejus gemitum vulpes aliò transiens, illà cum audiret ; illuc accedit rogatque quidnam gerneret ? deinde causam gemitus edocta, lepide ait, Istic manendum est usque dum eo tenuis efficiaris, quanta eras cum intrasti ; nam eo pacto facile egredieris.

Fabula indicat, quod nihil est tam durum, quod tempus non dissolvat.

De Piscatore quodam.

Piscator quidam piscandi inexpertus, tibiis ac reti assumptis juxta maris lictus accedit, atque saxo quodam superexistens, imprimis tubicinare cœpit ; putans cantu se pisces facile esse capturum : verum cantu cum nullum consequeretur effectum, depositis tibiis, rete in mare demisit, ac pisces cepit per plures. Sed cum ex reti pisces extraheret, atque eos saltantes perspiceret, non insulse ait, O improba animalia ! dum ad tibiam cecini, saltare noluitis : nunc, quia canere cesso, saltus datis assiduos.

Fabula indicat, quod omnia probè fiant, quæ fiunt tempore suo.

De Piscatoribus quibusdam.

Piscatores piscatum protecti, diuque piscando defessi, fame præterea & mœrore, quod nihil cepissent, confecti, cum abire decernunt, ecce, piscis quidam alium fugiens se insequentem, in naviculam saltat. Illum piscatores admodum læti comprehendunt,

ac

ac in urbem reversi grandi pretio vendunt.

Fabula indicat, quod frequentius fortuna id exhibet quod ars efficere non potest.

De viro inope & infirmo.

Homo quidam pauper, cum ægrotaret, Diis vovit, quod, si ab eo morbo liberaretur, boves centum immolaret. Quod Diī experiri volentes, sanitatem illi facile reddunt. Liber igitur à morbo, cum boves, quia pauper non haberet, ossa boum centum collegit, eaque super altare deponens, lepide inquit, Ecce, quod vovi votum vobis nunc persolvo. At diī illam ulcisci volentes, in somnis ei assistunt, atque inquirunt, Ad maris littus pergito, ibi enim in loco semoto auri talenta centum reperies. Ille expergefactus, somnii memor, dum pergit ad littus, incidit in latrones. Caprus itaque eos rogabat, ut se missum facerent, quoniam mille auri talenta persolveret eis.

Fabula indicat, quod homo mendax Deos & homines pariter contemnit.

De Vulpe & Pardo.

Vulpes cum pardo de pulchritudine contendebat: cum varias corporis notas pardus sibi duceret decori, vulpes ei comiter ait, Ego quidem longe formosior sum judicanda, quæ non corpus sed animum variis notis habeo notatum.

Fabula indicat, quod decor mentis est potior omni corporis ornatu.

De Piscatoribus quibusdam,

Piscatores quidam mari rete trahebant: quod cum grave esse sentirent, lætitiâ gestiunt, putantes multos pisces habere irretitos. Sed ut rete in terram traxerunt, pisces quidem paucos, saxum vero ingens reti inesse cum perspiciunt, longe tristantur. Quidam ex illis natu jam grandis, non inurbane sociis inquit, Animis estote quietis; quippe lætitiæ soror est mœstitia.

Oportet enim casus prospicere futuros, illósque ut levius quis ferat, persuadere sibi esse eventuros.

Fabula significat, quod qui reminiscitur sortis humanæ, in adversis minimè frangitur.

De Ranis Regem petentibus.

RANÆ mœrentes quod sine rege forent, Jovi supplicatum oratores mittunt, ut regem sibi daret. Jupiter earum simplicitatem cognoscens, lignum in stagni medium demisit. Quod cum in stagnum cecidit, ejus sonus supra modum terruit ranas. Quæ cum lignum esse noverunt, rursus Jovi supplicatum mittunt, ut regem vivum, haud mortuum, sibi dedat. Jupiter stultis earum precibus motus, hydram illis dedit in regem. Is indies cum ranas devoraret, tertio Jovem ranæ precantur ut regem sævum atque immanem ab eis amoveret. Tunc Jupiter inquit, Quem tot precibus regem exorâstis, cum vobis perpetuum habetote.

Fabula indicat, quod sæpe ea precamur, quæ impetrâsse possea nos pœnitet.

De Catâ in feminam mutatâ.

CATA quædam speciosi cujusdam adolescentis amore capta, Venerem oravit, ut eam in hominem mutaret. Venus illius miserta, in formam hominis eam mutavit; quam cum longè speciosa esset, amator domum subito adduxit. Sed cum in cubiculo simul sederent, Venus experire cupiens, si mutata facie mutasset & mores, in medium constituit murem: quem cum illa prospexit, oblita formæ, & amoris sui, murem persecuta est. Qua super re Venus indignata, denuo eam in priorem catæ formam mutavit.

Fabula indicat, quod homo nequam, licèt personam mutet, mores tamen retinet eosdem.

De Senæ Mortem vocante.

Senex quidam lignorum fascem super humeros ex ne-
more portans, cum longâ viâ defessus esset, fasce hu-
mi deposito mortem vocavit. Ecce ! mors advenit, cau-
samque, quamobrem se vocaverat, rogat. Tunc senex,
ut hunc lignorum fascem super humeros imponeres, ait.

*Fabula significat, quod quisquis vitæ cupidior est, licet
mille subiaciatur periculis, mortem tamen semper devitat.*

De Muliere & Medico.

Mulier anus cum Ophthalmiam pateretur, medicum
ad se curandum accersit, certum pretium ei dare
promittens si eo morbo curaretur ; si verò non liberaretur,
nihil debere pacta est. Medicus verò quoties illam ibat
curatum, toties quippiam è domo clam exportabat. Mulier
igitur ophthalmiâ curata, cum nihil suarum rerum domi
esse perspiceret, medico mercedem pactam petenti solvere
denegat. Quamobrem vocata in iudicium, pactum quidem
non denegat ; sed se curatam ophthalmiâ esse id verò
pernegat ; aïens, Cum cæca eram domum multâ supellectile
refertam videbam : nunc cum video, ut medicus ait, nihil
rerum domi esse perspicio.

*Fabula declarat, quod homines avaritiâ dediti, sibi met
sepius contradicunt.*

De Agricola & Canibus.

Agricola quidam magnitudine hyemis in suburbanis
se locavit. Sed cum alimonia sibi deficeret, capris
& ovibus primum vesci cœpit, cum vero indies magis sa-
viret hyems, bobus quoque nec pepercit. Quod facinus
cum animadverterent canes, invicem verba faciunt ; Qui
hic stamus ? inquiunt : cur mortem nobis incumbentem
non fugimus ? Putamusne eum nobis parcere vitam, qui
boves alimonix gratiâ jugulavit.

*Fabula significat, quod eos fugere debemus, qui in charissimos
crudeliter se gerunt.*

De Agricola & Filiis:

Agricola quidam complures habuit filios, continua seditione discordes, ac ejus admonitiones perpetuo negligentes. Cum forte unà domi omnes federent, jussit pater virgarum fascem coràm deportari, atque natos cœpit hortari ut integrum fascem disrumperent. Cum igitur fascem eum totis viribus frangere non possent, genitor præcepit, ut soluto fasce singulatim frangerent virgas. Cum quisque facile hoc perficeret, tunc factò silentio pater aiebat: Si quando animis idem semiseritis, nati mihi charissimi, nec ab inimicis superari poteritis: sed si inter vos seditiones servabitis, qui volet, is facile vos perdet.

Fabula significat, quod fortior est unio, quam seditio, quæ est imbecillis.

De Muliere & Gallina.

Vidua quædam mulier gallinam habuit, quæ die quolibet parturiebat ovum: putavit mulier more ingenii humani (quod fitis habendi semper sollicitat) gallinam illiam die bis parituram, si plus speltæ radere soleat. At gallina, pluri alimoniam pinguior facta, id unum defuit parere ovum. Sic mulier ex quo magis lucrum quæritabat, id cæcâ augendi cupiditate amisit.

Fabula significat, quod plurimum cupiditate rerum, præsens quandoque deperditur quæstus.

De Homine à Cane morso.

Homo quidam, Cum eum canis momordisset, summo cum studio sciscitabatur, à quo sanari posset. Quidam ei obviam factus, atque de medico rogatus, ait, Si vis, amice, fieri sanus, non est tibi opus medico; Nam si canis qui te momorderat, à vulnere linguâ sanguinem tergit, istâ curâ nihil potius reperiri potest. Alter
arm.

arridens, venustissime inquit, Si huiusmodi utar remedio, ndies magis à canibus mordebor.

Fabula significat, quod ab hominibus nequam incommoda pro commodis, & mala pro beneficiis retribuunt solent.

De duobus Amicis & urſa.

A Mici duo, dum rus viarent: urſa eis obviam occurrat: quâ proſpectâ, alter eorum territus, ut ſe ſalvaret, continuo arborem aſcendit: alter cum urſæ viribus ſe poſſe obſiſtere dubitaret, uti mortuus humi jaccuit reſupinus, retinens flatum atque anhelitum. Cum nec ore aut naſo reſpiraret, urſa cum exanimatum exiſtimans, abiit: (dicunt enim à cadavere urſas omnino abſtinere.) Alter deinde ex arbore deſcendens, quid in aurem ei diceret urſa, ſocium rogavit. Ille urbano ſermone reſpondit, Admonitus ſum ab urſa, ut cum huiusmodi amicis non proficiſcar ampliùs.

Fabula ſignificat, quod eorum amicitiâ non eſt, qui, cum eſt opus, amicis ſubſidia denegant:

De Adoleſcentibus duobus & Coquo.

A Doleſcentuli duo æquis ſumptibus carnes coemerunt & curatum coquo tradiderunt. Obiter coquus dum aliis vacat negotiis, alter juvenum carnes eas clanculum accepit, ac ſocio tradidit. Coquo deinde carnes quæritanti, qui acceperat, ſe haud habere jurat: qui vero habuerat, ſe non accepiffe jurabat. Coquus percepto juvenum dolo, ait, Eſſi fallor equidem à vobis, per quem verò juratis, res iſta non latebit Deum.

Fabula indicat, nullum ſcelus poſſe latere Deum.

De duobus Inimicis.

D Uo quidam gladiatorio animo inter ſe inimicitias habentes, unâ in navi navigabant. Et cum alter alterum eodem in loco ſtare non pateretur, unus in puppi, alter in prorâ conſedit. Ortâ autem tempeſta-

te, cūm navis periclitaretur, qui in prora sedebat, rogat navis gubernatorem, quæ pars navis submergi prius deberet, & cum gubernator puppim dixisset; ait ille Mors mihi modò molesta minime est, si inimicum meum prius mori perspicio.

Fabula significat, quod inimicus ut inimicum perdat, seipsum perdere sæpius eligit.

De Cannâ & Olivâ.

Quarum esset fortior, durior, & magis resistens, canna & oliva invicem contendebant. Oliva calamo humilitatem obiciebat, eò quod ventis facile cederet. Huic dicto unum arundo haud reddidit verbum. Paulò post turbine vehementi aspirans ventus radicitus evulsit olivam totis viribus sibi obsistentem. At canna flatibus se inclinans salutem facile est affecuta.

Fabula significat, quod potentioribus sine controversia mos est in tempore gerendus.

De Vitula & Bove.

Vitula cūm bovem arantem perspiceret, illum præ se, quæ nihil agebat, contempsit. Sed cum immolationis affuit dies, bos quidem missus, vitula autem ut immolaretur retenta est. Quam rem bos cūm conspiciatur, subridens ait, Heus vitula, ideo non laborabas ut immolareris.

Fabula significat, quod otiosis & nihil agentibus pericula quæque imminant.

De Puero & Fortuna.

Cum puer quidam juxta puteum dormiret, Fortuna illuc accedens, illum excitavit, inquit, Surge & hinc oëyus abi; quippe in puteum si caderes, non tuam inscitiam, sed me Fortunam omnes accusarent.

Fabula indicat, quod sæpius in periculum culpâ nostrâ incurrimus, deinde abs re fortunam accusamus.

De Muribus & Cato.

DOmo quapiam quod perplures forent mures catus præsentiens, illuc accessit, atque nunc unum nunc alium capiens, complures interimendo comedit. Verum mures cum se indies consumi perspicerent, ad unum coacti inquirunt secum, De cætero inferius non est descendendum, si nolumus perditum iri omnes, sed hic superius manendum, quò catus ascendere non potest. At catus, consilio murum percepto, simulans se mortuum esse, posterioribus se ad palum suspendit, qui fixus parieti erat. E muribus quispiam deorsum, acute perspiciens, ut catum cognovit, haud infacete ait, Heus amice, si te selem esse cerò scirem, deorsum minime descenderem.

Fabula significat, quod vir prudens, semel si fallitur, fœlis & simulatis hominibus non amplius fidet.

De Simia & Vulpe.

APud brutorum animalium concilium, simia ita appositè saltavit, quod omnium ferè consensu rex statim fuit creatus. At vulpes invidens ei, ubi viderat carnes laqueo in foveâ fitas, illuc simiam ut duxit, inquit ad eam, Hic thesaurus absconditus est, qui ex lege spectat ad reges: quare cum tuus ex lege sit, tute ipsa capias illum. Simia vulpis suasu illuc temere accedens, ut se captam laqueo sensit, vulpem acriter accusat, quod dolo se deceperat. Ei vulpes haud illepide ait, Heus stulta, quæ, cum fortuna te extulisset dominari cæteris, jam te putabas dignam.

Fabula indicat, quod qui temere aliquid aggreditur, temere in periculum incidit, ac vulgo ridiculus est.

De Cervo & Leone.

Cervus vehementi siti cum vexaretur, ad fontem proficiscitur, dumque potat, suam in aquam perspiciens umbram, valde lætatus est magnitudine cornuum,

cornuum, & ramositate; deinde pedes & crura perspicuens, nimium tristatus est. Hæc dum animo vertit, ecce, leo apparet, ac cervum prosequitur. At cervus fugam arripiens leonem per campos longe anteibat: (dicunt enim, cervorum vires consistere in pedibus, at leonis in animo stare robur.) Quousque igitur leo campo persecutus est cervum eum assequi non potuit, casu vero contigit cervum nemus intrare, ubi cornibus ad ramos implicitis cum fugere non posset, à leone captus cum se moriturum videret, Heu me miserum, inquit, qui cornibus gavissus, ipsis cornibus pereor!

Fabula indicat, quod quæ putamus nobis profutura, ea nobis sæpius obsunt.

De Agricola & Pelargo.

Agricola laqueos in agro tetendit, ut grues & anseres venaretur qui sata sua continuo depascebant. At simul cum illis venatus est pelargum, qui pede tentus rogat agricolam, ut eum solvat missumque faciat, cum non sit grus, nec specie anser, sed pelargus avium piissimus, qui parentibus semper deservit, nec illos in senecta deserit unquam. At agricola subridens ait, Quæ dicis haud me fugiunt: nam qui sis probe teneo. Sed cum his simul captus cum sis, cum his quoque simul est moriendum.

Fabula significat, quod qui cum improbis quopiam deprehenditur crimine, pari poena plectitur cum illis.

De Agno & Lupo.

Agnus in domo benè clausa existens, cum lupum ad se venientem perspicit, illum convitiis & maledictis persequitur. At lupo inquit ei, Non tu sed locus inaccesibilis mihi convitia dicit.

Fabula significat, quod locus & tempus faciunt timidos persepe audaces.

De Jovi & Corvo.

Jupiter, volatilibus regem creare volens, diem concilii, avibus indixit, ut qui speciosior esset, rex eis constitueretur

retur: Quam rem præfentiens corvus, ac suæ deformitatis conficius, pennis aliorum hinc inde collectis se decoravit, ac speciosissimum omnium se reddidit. Adest dies præfinitus; veniunt ad concilium aves. Jupiter corvum ob pulchritudinem cum regem avibus creare vellet, id aves indigne ferentes, quæque suas à corvo extrahunt pennas. At corvus alienis pennis cum esset exutus, corvus, ut erat, demum remansit.

Fabula significat quod qui, de rebus pendet alienis, illis amissis, quisnam ille sit, cuique liquido patet.

De Tubicine quodam.

TUbicen quidam tubæ sonitu pugnatum ciebat exercitum. Ab hostibus deinde per insidias captus, miserandâ voce clamabat, Ne abs re ac frustra occidere me velitis: Ego quidem non pugno, nec præter tubam quidquam aliud possideo. Qui cum victum ducebant, huiusmodi verba contra reddiderunt; Hanc ob rem morte dignior es judicandus, quod cum hostibus manum conferre devitans, alios sonitu tubæ ad pugnam hortaris.

Fabula significat, quod graviore pœna digni judicandi sunt, qui, cum ipsi injuriam non agunt, alios ad injuriam agendam impellunt.

De Fabro & Cane.

FABER quidam canem habebat, qui, dum ipse ferrum cudebat, continue dormiebat: cum vero manducabat, canis statim surgebat, & quæ sub mensa erant dejecta, ceu ossa, & huiusmodi, sine mora corrodebat. Quam rem animadvertens faber, ait ad canem, Heus miser quid faciam nescio, qui dum ferrum cudo continue dormis, & segnitie teneris: rursus cum dentes moveo, statim surgis, & caudâ mihi applaudis.

Fabula significat, quod socordes & somnolenti, qui ex aliorum vivunt laboribus, gravi censura coercendi sunt.

De

De Mula quadam.

Mula quædam, nimio hordeo pinguis effecta, nimia pinguedine lasciviebat, secum inquit, Pater mihi equus fuit, qui cursu celerrimus erat, & ego ei per omnia sum similis. Parum post contigit, quod oportuit mulam quantum potuit currere: sed cum cursu cessavit, Heu me miseram, inquit, quæ me equi filiam esse putabam! At nunc memini mihi patrem asinum fuisse.

Fabula indicat, quod stulti in prosperis seipsos non agnoscunt, sed in adversis persepe recognoscunt errores.

De Thynno & Delphino.

Thynnus, cum cum delphinus persequeretur, magno elatus impetu ac stridore, à vehementi fluctu in insulam deferretur: eundemque in scopulum à fluctu eodem delphinus, dum se putat capere thynnum, ipse quoque deferretur. Thynnus conversus, cum delphinum expirantem animū perspicit, secum ipse ait, Mors mihi molesta admodum non est, ex quo mortis autorem mori simul mecum perspicio.

Fabula significat, quod quivis adversa levius fert, cum adversitatum autores eadem adversitate opprimi perspicit.

De Medico & Mortuo.

Medicus quidam cum quem curaret ægrorū cum mori contigerat, efferentibus funus aiebat, Vir iste si se vino abstinuisset, & clysteriis usus fuisset, cum mori non contigisset. Ex his qui aderant quispiam medico haud infacete ait, Heus medice, ista consilia cum prodesse quibant, dicenda fuerant; non nunc, cum nihil valeant prodesse.

Fabula significat, quod ubi haud prodest consilium, id eo tempore dare, est sane amicum deludere.

De Aucupe & Turdo.

Auceps aucupatum calamis viscoque tetendit; cum turdum canere arboris super ramum aspexit, ut

ut eum caperet, calamos erexit. At inter ambulandum pede altero viperam calcavit : morsusque ab eâ, cum jam ob venenum se deficere præsensit, Heu me miserum ingemuit, qui dum alium capere festino, alter ad mortem me est aucupatus.

Fabula significat, quod quæ contra alios facere nitimur, ea persepe ab alio ipsi patimur.

De Castore.

Castor est animal quadrupes, qui in paludibus se nutrit : ejus testes variis medelis utiles esse dicuntur. Itaque cum quispiam eum sequitur, ceu persecutionis causam non ignorans, pedum velocitati fidens quantum potest fugit, usquequo ad locum, ne videtur, salvus deveniat : atque ibi testes excidens, in venatores, cum sibi appropinquant, projicit, & isto pacto à venatoribus se eripit.

Fabula significat, quod sapiens, ut à periculis se eripiat, nihil intentatum relinquit.

De Pueri Oves pascente.

Puer quidam cum oves eminentiori in loco depasceret, sæpius clamabat, Heus, ô ! à lupis mihi succurrite. Qui circumaderant cultores agrorum, cultum omittentes, ac illi occurrentes, atque nihil esse comperientes, ad opera sua redeunt. Cum pluries puer id joci causa fecisset : ecce ! cum lupus pro certo adesset, puer, ut sibi succurratur, serio clamat. Agricola id verum non esse putantes, cum minime occurrerent, lupus oves facile perdidit.

Hæc Fabula significat, quod qui cognoscitur mentiri, ei veritatem dicenti postea non creditur.

De Corvo & Vulpe.

Corvus, cum carniū frustum rapuisset, super arborem quandam resedit. Vulpes cum suspiciens atque carnes sibi cupiens, illum arte aggreditur.

Stans

Stans igitur sub arbore corvum laudare cœpit, aiens, O quam magna avis est hæc! quàm speciosa, quàm venatrix, quàm formosa, hanc decuit esse avium regem. Nam omnia regia supra alias ei sunt aves, si modo vocem haberet. His laudibus corvus inflatus, & dici mutus haud valens pati ulterius, dum magna voce crocitat, carnes humi decidunt. Illas cum vulpes rapuisset, conversa inquit ad corvum, Heus corve, omnia decora tenes modo mente haud careres.

Fabula indicat, quod qui adulatoribus nimium credunt, hi quæ non putant in adversa sæpius incidunt.

De Canis & Lupo.

CANIS cum ante aulam dormiret, Lupus superveniens cum statim cepit: & cum ipsum occidere vellet, canis ne eum occideret, rogavit, inquires, Here mi Lupe, nunc me occidere noli. Nam ut vides, tenuis sum, & gracilis, & macilentus: sed herus meus nuptias in proximo facturæ est, ubi si parum me exspectas, ego opipare manducans, atque pinguior factus, ero tibi utilior. Lupus his verbis fidem habens, canem dimisit. Paucos post dies lupo accedens, cum canem domi dormientem reperit, stans ante aulam, canem rogat, ut sibi promissa præstet. Et canis haud rustice inquit, Heus lupe, si ante aulam de cætero me repereris, haud amplius nuptias exspectes.

Fabula indicat, quod sapiens, cum vitat periculum, ab illo postea continue cavet.

De Corvo ægroto.

CORVUS cum ægrotaret, matrem rogavit, ut pro sua sanitate Deos precaretur, inquires, Mater, non plorare, sed Deos potius precare, ut sanitatem mihi restituant. Ei mater cito respondit, Quem Deorum tibi fore propitium putas, cum nullus sit, è cuius aris sacra non rapueris?

Fabula

Fabula significat, quod qui in prosperitate quemvis offendit, in adversis amicum sibi reperiet neminem.

De Cane carnes portante.

CAnis ore ferens carnes, ac flumen transiens, cum sub aqua umbram prospexit, putavit alium esse canem qui plus carniū deferebat. Itaque quas ipse ferebat, eas carnes sub aquas ire dimisit, & ut umbram caperet, se movet: sed carnes & umbram, quæ sane nihil erant, simul perdidit.

Fabula significat, quod cupiditate plus semper habendi, quam tenemus ea sæpenumero perdimus.

De Leone & Rana.

LEo, cum ranam magniloquacem audiret, putans aliud quod magnum animal esse, se retro vertit, parumque stans, ranam ex stagno exeuntem vidit: quam indignabundus statim pedibus calcavit, aiens, Nullum amplius, ut te perspiciat animal clamore movebis.

Fabula significat, quod apud verbosos nihil præter linguam reperitur.

De Leone sene.

LEo, cum senuisset, nec victum sibi quærere posset, viam machinatus est, qui alimenta haud sibi deessent. Ingressus igitur speluncam, graviter ægrotare jacens se simulabat. Animalia illum verè ægrotare putantia visitandi gratia ad eum accedebant: quæ leo capiens singulatim manducabat. Cum multa animalia jam occidisset, vulpes, leonis cognita arte, aditum speluncæ accedens, leonem, quo valeat pacto, exterius stans rogat. Et leo blande respondens, ait; Vulpes filia, cur non introgrederis ad me? Ei vulpes non illepidè ait, Quoniam here mi, animalium ingredientium perplura equidem vestigia cerno, sed egredientium vestigia nulla.

Fabula significat, quod homo prudens, qui pericula imminentia providet, illa facile devitat.

De

De Leone & Tauro.

L Eo ingentem taurum per insidias sequens, cum propè accessit, eum vocavit ad cœnam, inquit, Amice, ovem occidi; hodie mecum, si placet, cœnabis. Taurus leoni morem gerens, discubuerat, cum multos lebetes, nec magnos, & plures obeliscos paratos conspiceret, & ovem nullam adesse, è vestigio abiit: quem leo abeuntem perspiciebat, cur abiret rogavit. Ei taurus haud inurbane respondit, Non de nihilo equidem abeo, cum instrumenta non ad ovem, sed ad taurum coquendum videam esse parata.

Fabula significat, quod homines prudentes minimè lateant improborum artes.

De Leone, Asino, Vulpe.

L Eo, asinus, & vulpes, conflarà inter se societate, venatum exeunt: cumque multam prædam cepissent, leo asino mandat, ut prædam dividat. Asinus, cum eam in tres partes æquales esset partitus, optionem capiendi sociis dedit. Quam partitionem leo indigne ferens, ac dentibus frendens, à divisione deposuit eum, mandavitque vulpi, ut prædam ipsa partiretur. At vulpes, illas tres partes in unam colligens, ac prædæ nihil sibi seorsim relinquens, leoni omnia tradidit. Tunc leo vulpi ait, Quis te partiri docuit? Inquit extempore vulpes, Asini periculum id me facere instruxit.

Fabula significat, quod aliorum pericula homines faciant cautiores.

De Leone cujusdam Rustici Filiam amante.

L Eo cujusdam Rustici filiam amabat. Illam cum habere cuperet, patrem virginis rogavit, ut sibi nubere ipsam assentiretur. Et rusticus ait, nullo pacto se assensurum,

rum quod filia bestię nubat. Cum illum leo torve adspiceret, ac dentibus frenderet, rusticus mutato consilio ait, se cupere ei filiam nuptum dare, modo dentes & ungulas prius cædat evellatque, quoniam virgo illis rebus valde terreretur. Leo, id postquam præ nimio amore fecerat, rusticum adiens filiam sibi postulat. At rusticus, leonem cum ungulis & dentibus perspicit inermem, arrepto fuste, illum frequens pulsando persequitur.

Fabula indicat, quod qui inimicis se committit, de facili perit.

De Leena & Vulpe.

Læna cum à vulpe exprobraretur, quod quolibet partu unum duntaxat pareret catulum, ait; Unum sanè, at pol leonem.

Fabula indicat, quod pulchritudo hand in copia rerum sed in virtute consistit.

De Lupo & Græ.

Lupus in gutture osse retento, cum longè cruciaretur, grui pretium obtulit, si illud è gutture extraheret. Grus rostro cum os è gutture extraxisset, pretium sibi promissum expostulat. Ei lupus subridens, simulque acuens dentes, ait, Satis pretii tibi esse debet, quod ex lupi ore caput sine læsione eduxeris.

Fabula indicat, quod apud improbos gratitudo non parva habetur, si pro obsequiò quis detrimentum non recipit.

De Lupo & Agno.

Lupus, cum agnum invenisset errantem, eum non cepit fortissima manu, sed causam quæsit, quo jure vel injuriâ eum comederet. Igitur agno verba hujusmodi fecit, Tu mihi abunde jam diu intulisti injurias. Agnus gemendo ait, Quomodo id fieri potuit, cum nuperrime venirem in lucem? Lupus denuo ait, Agrum mihi pascendo devastasti. Agnus inquit, Cum dentibus etiam cæream, id

K

facere

facere nequivi. Lupus rursus ait, Ex meo quoque fonte bibisti. Ei inquit agnus, Quo pacto id fieri potuit, cum aquam ex arare nondum biberim, sed lac matris cibus & potus adhuc mihi sit? Lupus demum irā concitus ait, Licet tua solvere, nequeam argumenta; cenare tamen opipare intendo; agnumque cepit, ac illum manducavit.

Fabula significat, quod apud improbos ratio & veritas locum non habent.

De duobus Gallis in se certantibus.

Duo galli inter se ruri certabant. Qui gallinarum prior dux erat, cum altero superatus esset, præ recundia se abscondit, Alter vero victoriā elatus, domus rectum statim supervolans, vehementi alarum plausu cantuque significat, se rivalem suum pugnando superasse, & de adversario ferre trophæum. Dum hæc & huiusmodi jactabundus voce crocit, ecce! aquila cibi indiga ex alto devolans gallum unguibus rapit, ac pullis suis in alimonium contulit. Quam rem qui victus fuerat gallus perspiciebat, ceu ex hoste triumphans in publicum venit, ac solus gallinis liberè ponitur.

Fabula significat, quod qui prosperis fidit, in adversa sæpius præceps incidit.

De Vate quodam.

Foro urbis medio quidam vates cuius sortem aperiebat futuram: quamobrem magnā hominum frequentiam stipatus, dum uni & alteri suam aperit sortem, ei nunciatur, res suas furtim domo esse ablatas; quo audito, domum curriculo dum abit, quidam ei obviam factus, Ridicule, ait, cur alios quid esset futurum monebas, qui tuæ sortis nescius fuisti?

Fabula indicat, quod homines nequam corrigunt alios, & sua crimina scire negligunt.

De Formica & Columba.

Formica sitiens in fontem descendit: ubi, dum bibere vult, in aquam cecidit; Columba quædam, super arborem fonti imminentem sedens, cum formicam aquis obrui conspiceret; ramulum ex arbore rostro continuo frangit & sine mora dejecit in fontem: ad quem formica se applicans, ex aquis in tutum se recepit. Obiter aucupus quidam advenit, &, ut columbam venetur, calamos erigit. Formica id percipiens, pedem alterum momordit aucupis. Eo dolore aucupus concitus, calamos dimittit: quorum strepitu territa columba, ex arbore aufugiens, vitæ periculum evadit.

Fabula declarat, cum bruta in beneficos grata sint, eo magis esse debere eos qui participes sunt rationis.

De Vitula & Cerva.

Vitula cervæ aliquando ait, Cum magnitudine sis major canibus, & pedum celeritate cursu velocior, & ad pugnam longè cornibus munition, cujus rei gratia, mater, tantopere canes reformidas? Ei cerva inquit subridens, Quoniam, fili, licet quæ dicis omnia possideam, canum latratum ferre non possum, sed præ timore fugam statim arripio.

Fabula declarat, quod qui natura timidi sunt, apud eos nulla valet oratio.

De Ape & Jove.

Apes, quæ ceræ mater existit, quondam accedens ut Diis sacra faceret, Jovi domum obtulit mellis, qua oblatione Jupiter lætus, iussit, ei concedi quicquid ipsa precaretur. Apes igitur rogans, ait, Illustrissime Deus Deorum, ancillæ tuæ confedere velim, ut quicumque ad alvearia pro rapiendo melle accesserit, is simul ac pupugero eum, continuo moriatur. Qua rogatione Jupiter

ambi-

ambiguus, quoniam genus mortalium longè amabat, demum api ait, Satis tibi sit, quod quicumq; ad alvearia pro rapiendo melle accesserit, si cum pupugeris & in punctura stimulum dimiseris, continuo ipsa moriaris, tibiq; vita sit ipse stimulus.

Fabula indicat, quod inimicis quandoque mala precamur, quæ in nos sapius vertuntur.

De Musca.

Musca, quæ in ollam carniū deciderat, cum se in brodio suffocari sensit, secum ipsa ait, Ecce! tantum bibi, tantum comedi, tantum me lavi, quod jure satūra mori possum.

Fabula significat, quod prudentis est, id potenti animo ferre quod vitari minime potest.

De Adolescente quodam & Hirundine.

Adolescens luxuriosus cum bona patris consumpsisset solaq; vestis remansisset, visa ante tempus hirundine, ætatem jam adesse existimans, ipsam quoq; vendidit vestem. Sed hyeme denuo ortâ, cum immenso cruciaretur frigore, visa rursus hirundine, quæ præ frigore moriebatur, ait, O pessima avis, quæ me & te pariter perdidisti!

Fabula significat, quod quæ suo tempore non fiunt, ea diu stare nequeunt.

De Agroto & Medico.

Æger à medico rogatus quo pacto se habuisset, Plus quam opus esset, se sudasse respondit. Id bonum fuisse, medicus ait. Secundo rogatus ab eodem, quomodo se haberet, inquit ægrotus, se vehementi frigore fuisse comprehensum, Id ad salutem fore, medicus quoque ait. Tertio ab eodem interrogatus, quo pacto se habuisset, inquit ægrotus, se cum difficultate digerere potuisse. Rursus medicus ait, id ad salutem optimum

rimum fuisse. Deinde ex domesticis cum quidam ægrotum interrogaret, quomodo valeret, illi æger ait, Signa ad salutem, ut medicus ait, perplura & optima sunt, illis tamen dispereo signis.

Fabula significat, quod qui ad voluptatem lequantur, non illis aures præstare quisquam debet.

De Lignatore quodam.

Lignator quidam dum juxta flumen Deo Mercurio dicatum ligna cæderet, securis casu decidit in flumen. Multo igitur mœrore comprehensus, juxta fluminis ripam gemens confidebat. Mercurius misericordiâ motus lignario apparuit, suiq; flerûs causam rogavit: quam simulac didicit, securim auream afferens, utrûm quam perdiderat illa esset, rogavit. At eam pauper suam esse negavit. Secundo Mercurius alteram detulit argenteam: quam cum pauper illi suam quoque esse negaret, postremò Mercurius ligneam sustulit. Illam suam esse cum pauper assentiret, Mercurius cognoscens illum esse hominem verum iustumq; omnes ei dono dedit: Accedens igitur ad socios lignarius quid sibi acciderat, aperit ad socios: quorum unus id experiri volens, cum ad flumen accessisset, securim in aquam dejecit, deinde flens in ripâ confedit. Cujus Mercurius flerûs causam edoctus, securim auream afferens, illâne esset quam perdiderit, rogavit. Quam cum suam esse assereret, Mercurius, cognitâ ejus impudentiâ, & mendacio, nec auream, nec suam tradidit.

Fabula significat, quod quanto Deus propitior est probis, tanto improbis existit infestior.

De Asino & Jove.

Asinus olitori cuidam serviens, cum parum comederet, & mukum laboraret, Jovem exoravit, ut alium dominum

dominum sibi mitteret. Itaq; Jupiter mandat ut figulo veneat. Apud quem asinus cum laboraret in deportando lutum, lateres, tegulas, & huiusmodi, secundò Jovem precatur, ut alteri deserviat domino. Jupiter iterum mandat, ut coriario venundetur. Cui asinus multo labore & paucò cibo serviens, Heu me miserum, cum gemitu ait, qui dominos amittens meliores ad deteriores perveni; apud quem, ut video, corium meum etiam post mortem cruciabitur!

Fabula significat, quod priores dominos tunc servi desiderant, cum deteriores experiuntur.

De Leporibus & Ranis.

Lepores in unum simul convenerunt; ubi cum de miseria ipsorum innatâ dolerent, gementq; quod vita eis, quam cæteris animalibus, data esset miserior (quoniam homines, aquilæ, & canes ad mortem eos usque persequerentur) decernunt melius sibi fore semel mori, quam in vitâ tam miserâ diutius permanere. Hoc capro consilio, ut se in stagnum præciperent dum ocyus tendunt, ranæ quæ super stagni ripa astabant, ut strepitum audiunt, in stagnum defiliunt, seque aquis submergunt. Quam rem cum lepus qui præibat conspiciat, reliquis ait; State, nam nobis sententia mutanda est, quippe, ut liquidò videtis, animalia quam nos magis timida reperiuntur.

Fabula significat, quod cum miser miseriorem aspicit, suam æquius miseriam fert.

De Asino & Equo.

Asinus, cum equum alimoniâ, otio, & diligenti curâ abundare perspiceret, cum longè beatum esse commendabat, seq; nimium infelicem dicebat, qui, cum multum laboraret, ad saturitatem de paleis laud haberet. At cum tempus belli advenit, miles armatus equum ascendit;

ascendit; ac, cùm medios decurrit in hostes, equus mucrone percussus cadit humi prostratus. Quem asinus perspiciebat, ingemuit, ejusq; misertus, sui animi sententiam mutavit.

Fabula significat, quod cum paupertate, quæ mater est quietis, quis convenire debet potius, quam locupletioribus invidere.

De Asino & Lupo.

Asinus quidam pede altero sentem calcavit, claudusque factus, cùm lupum ad se venientem conspiceret, nec fugere posset, miserabili voce inquit, Heus lupe, demorior equidem è dolore: sed ex quo opus est ut tibi & corvis futurus sim cibus, obsecro quatenus tuâ benignitate sentem è pede velis extrahere, ut munere tuo extremum sine dolore obeam diem. Dum sentem dentibus lupus evellit, asinus eum calce percussit. Lupus deinde, naso, fronte, ac dentibus perfractus, Heu me miserum exclamat, jure hoc patior (deplorandoque reiterat); qui cùm essem coquus, medicus esse volui.

Fabula significat, quod quam quisque novit, ea se exerceat arte.

De Muliere & Gallinâ.

Mulier quædam gallinam habebat, quæ aurea continuè ova pariebat. Putans igitur rotam intus auream esse, illam occidit. Sed cum aliis gallinis esse similem reperit, ubi divitem se fore putavit, quem primò quæstum habebat, eum plus habendi cupiditate amisit.

Fabula significat, quod plus habendi cupiditate id sepe perdimus, quod habemus in manibus lucrum.

De Rana & Vulpe.

Rana in palude existens cæteris animalibus clamando cùm profiteretur se medicum esse, pharmacorumque peritam, ei Vulpes venustissimè ait; Qui alios curaveris, cùm claudicantem curare te nescias?

Fabula significat, quod alios docere quis non potest id, quod banc didicerit.

De Serpente & Agricola.

Serpens ante agricolæ cujusdam domum latebras habens, cum ab agricolæ filio esset percussus, tam acriter ipsum momordit, quod morfu ex illo puer repente obiit. Hâc re cognitâ, magnus inter parentes, gemitus oritur. Tunc pater mœrore concitus arreptâ securi serpentem ut occideret, persequitur; vibransque securim ut serpentem percuteret, extremum caudæ ejus abscidit. Deinde volens pacem cum serpente conficere, accepit farinâ, aquâ, sale & melle ad reconciliandam inter se amicitiam, vocat serpentem. At serpens sub petra latens, sibilando ait, Frustra laboras, bone vir, nam inter nos amicitia fieri non potest: quippe dum ego me sine cauda adspexero, & tu tui filii sepulchrum, quieti animo esse nequibimus.

Fabula significat, quod cum injuriarum recens vel maxime existat memoria, odia tolli minime queunt.

De Gallina & Vulbæ.

Vulpes gallinarum tugurium ingressa, cum gallinam nido ægrotantem adspexit, eam rogavit quomodo valeret. Cui gallina promptè respondit, Meliusculè me haberem, si hinc abires, foror.

Fabula indicat, quod inimicorum præsentia nimium est molesta.

De Viatore.

Viator quidam, cum multam viam viâset, votum Mercurio vovit, quod si quid reperiret, ejus rei dimidium ipsi offerret. Fortè igitur adinvenit peram amygdalis dactylisque refertam: & cum putaret id esse argentum, peram capiens, amygdalarum nucleos & carnes dactylorum ipse comedit. Deinde templum Mercurii ingressus atque aram manibus tenens, verbis ridiculis inquit ad eum, Votum, Mercuri, nunc persolvo tibi.

Nam

Nam quas equidem res adinveni, earum tibi offero dimidium, ossa scilicet dactylorum, ac testas amygdalarum.

Fabula indicat, quod avaritia homines deorum efficit contemptores.

De Leone & Homine.

Leo & homo, cum semel simul viam viarent, ac inter viandum se uterque verbis commendaret, ecce lapideæ occurrunt columnæ, in quo erat incisum, quod homo suffocaret leonem. Quam sculpturam homo leoni ostendens, ait, Hic videre licet, quanto homines leonibus ac feris omnibus præstantiores sint, ac robustiores. Ei leo promptè respondens, inquit, Si apud leones essent, ceu apud homines, qui sculpere scirent, plures è leonibus homines quàm ab hominibus leones suffocatos videres.

Fabula significat, quod homines iactabundi fingunt se fecisse quæ facere nunquam tentarunt.

De Vulpe quadam.

Vulpes cum racemos uvarum plenos ac jam maturescentes perspiceret, cupida de illis manducare, omnem viam machinata est, quæ illos comprehendere posset. Sed cum omnem viam frustra tentasset, nec desiderio suo satisfacere quivisset, mœsticiam vertens in gaudium, ait, Racemi illi adhuc nimium sunt acerbi.

Fabula significat, quod prudentis est fingere, se nolle, quæ se consequi non posse agnoscit.

De Puero & Scorpione.

Puer quidam ruri venabatur locustas: & cum scorpionem capere vellet, scorpio, simplicitate ejus cognita, ait ei, Heus puer, dege in pace, ac manum abstine, si non vis totus perire.

Fabula significat, quod qui in utramque partem cogitat, is quæ sequi & vitare debeat, probè tenet.

De

De Venatore & Perdice.

Venator quidam cum quam ceperat perdicem occidere vellet, perdix gemens huiusmodi verba fecit ad eum: Heus perdicum auceps, si me missam feceris, ac vitam condonaveris, alias per plures conducam tibi perdices. Ei auceps appositè respondit, Nunc eo te magis occidi dignam iudico, quòd amicos per insidias perdere polliceris.

Fabula significat, quod, qui sibi charos perdere dolo quærit, is præceps in periculum incidit.

De Lepore & Testudine.

Testudo, cum ejus pedes lepus derideret, subridens inquit ad eum, Si periculum in cursu feceris, quòd quàm tu velocior sim, liquido cognosces. Cui lepus ait, Te profecto fugit, quid mihi valeant pedes, sed iudicem eligamus, qui cursum & terminum nobis definiat. Igitur eligunt vulpem, brutorum omnium sagacissimum, quæ & locum, & cursus terminum constituit. Testudo, omni segnitie ac negligentia semota, iter arripiens, haud quievit donec ad terminum pervenit: lepus verò pedibus fidens, ubi paulum quievit, somno excitatus, quantum pedes valuerunt, ad terminum cucurrit: ibique cum testudinem quiescentem reperit, se cum rubore fatetur à testudine superatum.

Fabula significat, quod studio & diligentia, non corporis viribus, res vel maxima conficiuntur.

De Salice & Securi.

Securis cum salicem cæderet, ex eà ipsa cuneos fecit, quibus salicem facilius finderet. Quam rem præsentiens salix, gemens ejulansque ait, Non tantum de securi queror, quæ hominum manibus me scindit, quantum de cuneis, qui fiunt ex corpore meo.

Fabula significat, quod in adversis, non veri amici infestiores amicis, quam inimici sæpius redduntur.

De Puero quodam & Matre.

Puer quidam è ludo literario librum socio clam auferens, suæ matri tradidit illum : quem mater cum libenter accepisset, nec filium castigasset, rursus puer alteri vestem clam abstulit, atque matri quoque detulit. Quam cum mater etiam libenter accepisset, puer castigatione carens, cum plura indies ac majora accrescentibus annis furaretur, demum publicè captus, ceu furti reus, per quæstores publicè damnatus est morti. Sed cum ad locum iustitiæ duceretur, cumque mater gemebunda sequeretur, impetrata venia ut matri ad aurem unum loqui verbum liceret, ad eam conversus, atque os auri matris adhibens, uti quippiam secreti dicturus, aurem dentibus ei abscidit. Mater verò præ dolore exclamans, mala ei inprecatur. Tunc qui eum ducebant, eum supra modum criminabantur, non solum furti, sed quod tam impius fuerit in matrem. Ille absque rubore inquit ad eos, Nemini vestrum sit mirum quòd aurem matris dentibus abscidi: ipsa enim hujus meæ perditionis autor est. & causa. Quippe si me castigasset, cum ei librum detuli, quem socio è scholis primum clam abstuli, omisis præ timore verberum furtis, ad hoc in præsentia genus turpissimæ mortis non pervenissem.

Fabula significat, quòd qui in delinquendo ab initio non castigatur, facinorosior indies efficitur.

De Pastore & Mari.

Pastor quidam, juxta littus maris pecudes pascens, cum mare ipsum semel placidum aspiceret, navigandi studio captus, oves pro dactylis commutavit: quibus navi impostis, cum in altum jam navigaret, & in tempestate sine spe salutis fluctuaret, quæ in navi erant, ea omnia projecit, atque in portum vix se recepit. Denuo
cum

cum oves pasceret, ac rursus mare jam tranquillum videret, socio suo ipsam maris tranquillitatem commendanti ridicule ait, Mare iterum dactylos cupit.

Fabula significat, quod usus & peritia, nos reddunt in periculis cautiores.

De Punicâ & Malo arboribus.

Punica & malus arbores de pulcritudine contendebant. Cum diu inter se variis & acerbis contentionibus certassent, rubus ex proxima sepe huiusmodi contentiones accipiens, accessit ad eas, atque, inquit, Satis jam, satis certatum inter vos est, quiescite admodum, & contentionibus finem imponite.

Fabula significat, quod minores majorum lites sepe numero componunt.

De Talpâ & Matre.

TAlpa cæcum animal naturâ est. Hæc aliquando matri ait, Ingentem sentio odorem. Parum post rursus ait, Excelsum adspicio fornacem. Tertio item ait, Malleorum sonitus audio fabrilium. Ei mater comiter ait, Heus filia, tu, uti percipio, non solum oculis, sed naso & auribus orba existis.

Fabula indicat, quod homines jactabundi, cum magna proficiunt, tunc vel maxime in minimis redarguuntur.

De Vespis, Perdicibus & Agricola.

Vespæ semel & perdices siti concitæ, cum simul convenissent, ad rusticum quendam tendunt, potum ab eo perentes, atque pollicentes, quod ei pro aqua largas referrent gratias. Quippe perdices vineam fodere promittunt, ut vites plenos producant racemos. Vespæ verò, se vineam circumeundo custodire, ac fures indè amovere, large offerunt. Quibus agricola inquit, Duos habeo boves, qui, cum nihil promittant, eandem hanc operam nihilominus præstant. Itaque satius est mihi illis, quàm vobis, aquam exhibere.

Fabula significat, non esse illis subveniendum, qui vani & inutiles sunt.

De

De Jove.

Cum Jupiter nuptias celebraret, cuncta animalia ei munera obtulerunt, quæque pro viribus suis. Verum enim serpens rosam legit, illamque ore tenens, Jovi obtulit. At Jupiter, ut eum adspexit, palam inquit, Ab omnibus dona libenter equidem accipio: verum à serpente id haudquaquam facio.

Fabula significat, quod improborum munera non esse sine dolis, quivis prudens sibi persuadere debet.

De Simia.

Simia duos catulos parere fertur, quorum ad unum duntaxat afficitur, & ex affectu illum diligentissime nutrit: alterum vero odit negligitque. Contigit autem, quod, qui in deliciis habebatur, à simia in somnis fuit suffocatus: quamobrem qui neglectus erat, ad perfectam usque ætatem, ceu matris deliciarum, fuit educatus.

Fabula significat, quod hominum prudentiam fortuna proculdubio superat.

De Pulice.

Pulex cum quendam morfu aliquando stimulasset, caprusque rogaretur, quisnam esset qui membra sibi depalceret, ait, se ex eo animalium genere esse, quibus à natura datum erat, ut eo pacto vitam vivant, nec eum occidere vellet, cum multum mali facere ipse ei nequeat. At homo ille subridens, inquit ei, Eo magis meis necaberis manibus, quoniam nec multum nec parum abs re quempiam laderè licet.

Fabula significat, quod malorum, licet parum vel multum delinquant, misereri haud oportet.

De Pulice & Homine.

Pulex suo solito more saltans super hominis pedem refedit, illumque morfu acriter pupugit. Qua
punctione

stione homo ille graviter concitus pulicem cepit & unguibus obtundere voluit. Sed pulex manibus exsiliens, mortem vitavit. Tum homo exclamans, ait, O Hercules malorum extingtor, ecquid mihi in hunc opprimendum præsens non fuisti?

Fabula declarat, quod non in minimis, sed in magnis arduisque rebus à Diis auxilium quis implorare debet.

De Formicis & Cicada.

HYemis erat medium cum formicæ sparsim triticum apricabant. Quod cicada aspiciens, cum inediâ conficeretur, accessit ad eas, ac triticum pro alimonia ut sibi concederent oravit. At eum formicæ cum rogarent, quidnam æstate fecerit, num segnis aut otiosa eo tempore steterit: illis cicada ait, Neque segnis aut otiosa steti, sed cantu cecini, quo laborem viæ viantibus levabam. Qua re audita formicæ subridentes inquirunt, Si æstate cecinisti, ut viantes delectares, nunc salta, ne frigore conficiaris.

Fabula declarat, quod qui, quæ facienda sunt, suo tempore non facit, is in angustias, quando non putat, incidit.

De Viro & uxoris.

TEMPUS erat veris, quo quidam in deliciis educatus, cum nec juvenis nec senex esset (semicanus enim erat capillis) duas simul duxit uxores; unam quidem natu grandem, alteram vero juniorem. Cum omnes eandem habitarent domum, uxor anus ut virum in amorem suorum pelliceret, quotidie viri caput pertractans, nigros ei avellebat capillos. Pari studio junior, ut ab anus consuetudine illum amoveret, albos avellebat capillos. Postremo ita illum depilarunt, ut calvum ac ridiculum, non absque summo opprobrio, virum reddiderint.

Fabula significat, quod nulla melior senibus salus existit, quam feminis carere, & maxime junioribus, nisi penitus obvi se velint.

A L I Æ

ALIÆ ITEM ALIQUOT ÆSOPI

FABULÆ è Græco in Latinum versæ

incerto interprete.

Impossibilia promittens.

VIR pauper ægrotus & malè affectus cum à medicis desperatus esset, Deos rogabat, pollicens, si sanitatem sibi rursus restituerent, centum boves ipsis oblatum esse in sacrificium. Uxore autem ejus audiente, & ubi tibi hæc, si convalueris? Ille ait, putas enim surrecturum me hinc, ut Dii hæc à me repetant?

Fabula significat, multos facile polliceri, quæ re comprobare non sperant.

Rane.

RANÆ duæ in palude pascebantur: æstate autem siccatâ palude, illâ derelictâ, quærebant aliam: ceterum profundum invenerunt puteum. Quo viso, altera alteri inquit, Descendamus, heus tu, in hunc puteum. Illa respondens, ait, Si igitur & hic aqua aruerit, quomodo ascendemus?

Fabula declarat, non oportere inconsideratè res agredi.

Canis & Gallus.

CANIS & GALLUS initâ societate, iter faciebant. Vespere autem superveniente, gallus consensâ arbore dormiebat; at canis ad radicem arboris excavatæ. Cum gallus, ut assolet, noctu cantasset: Vulpes, ut audivit, accurrit, & stans inferius, ut ad se descenderet, rogabat; quòd cuperet commendabili ad eò cantu animal complecti. Cum autem is dixisset, ut janitorem prius excitaret ad radicem dormientem, ut cum ille apparuisset

ruisset descenderet, illā quærente ut ipsum vocaret, canis statim profiliens eam dilaceravit.

Fabula indicat, prudentes homines inimicos insultantes ad fortiores astu mittere.

Leo & Ursus.

Leo & ursus magnum nacti hinnulum, de eo pugnabant. Graviter igitur à seipsis affecti, ut ex multā pugnā etiam vertigine corripenterentur, defatigati jacebant. Vulpes autem circum circa eundo, ubi prostratos eos vidit, & hinnulum in medio jacentem, hunc, per utrosque percurrendo, rapuit, fugiensque abivit. At illi videbant quidem ipsum; sed quia non poterant surgere, Nos miseros dicebant, quia vulpi laboravimus!

Fabula indicat, aliis laborantibus, aliis lucrari.

Vespertilio, Rubus, & Mergus.

Vespertilio, rubus & mergus, inita societate, mercatoriam decreverunt vitam agere. Itaque vespertilio argentem mutuatus, projecit in medium: rubus vestem secum accepit: mergus tertius æs: & navigaverunt. Tempestate autem vehementi obortā & navi averſā omnibus perditis ipsi in terram evaserunt. Ex illo igitur mergus littoribus semper assidet, num quopiam æs ejiciat mare, Vespertilio vero, creditores timens, interdium non apparet; noctu ad pabulum exit. Rubus prætereuntium vesti inhæret, sic ubi suam cognoscat quærendo.

Fabula indicat, in ea quibus incumbimus, in posterum incidere.

Pavo & Monedula.

Avibus creaturis regem, pavo orabat, ut se ob pulchritudinem eligerent. Eligentibus autem cum omnibus, monedula suscepto sermone ait, Sed si, te regnante, aquila nos persequi aggressa fuerit, quomodo nobis opem feres?

Fabula declarat, principes non modo propter pulchritudinem, sed ob fortitudinem & prudentiam eligi oportere.

De

Singularis agrestis & Vulpes.

Singularis agrestis super quadam sedens arbore, dentes acuebat. Vulpe rogante causam, quare, nullâ propositâ necessitate, dentes acueret, ait, Non abs re hoc facio : nam si me periculum invaserit, nequaquam me tunc acuendis dentibus occupatum esse oportebit, sed potius paratis uti.

Fabula declarat, adversus periculum paratum esse oportere.

Cassita.

Cassita laqueo capta, plorans dicebat, Hei mihi miseræ & infelici volucris ! non aurum surripui cujusquam, non argentum, non aliud quicquam pretiosum ; granum autem tritici parvum mortis mihi causa est.

Fabula ad eos tendit, qui ob inutile lucrum magnum subeant periculum.

Hinnulus.

Hinnulus aliquando cervo ait, Pater, tu & major & celerior canibus, & cornua præterea ingentia gestas ad vindictam : curnam igitur sic eos times ? Ei ille ridens ait, Vera quidam hæc sunt, fili : unum verò scio, quod cum canis latratum audivero, statim ad fugam, nescio quomodo, efferor.

Fabula declarat, natura timidos admonitione non fortificari.

Avarus.

Avarus quidam cum omnia sua bona vendidisset, & auream glebam fecisset, in loco quodam infodit, unâ defosso illic & animo suo & mente ; atque quotidie eundo, ipsam videbat. Id autem ex operariis quidam observando cognovit, & resossam glebam abstulit. Post hæc & ille profectus, & vacuum locum videns, lugere cepit & capillos evellere. Hunc cum quidam vidisset sic plorantem & causam audivisset, Ne sic, inquit, ô tu, trisitare :

neque enim habens aurum habebas. Lapidem igitur pro auro acceptum reconde, & puta tibi aurum esse: eundem enim tibi usum præstabit; nam, ut video, neq; cum aurum erat, utebare.

Fabula significat, nihil esse possessionem, nisi usus adfuerit.

Anseres & Grues.

ANseres & Grues in eodem prato pascebantur. Venatoribus autem visis, grues, quod essent leves, statim evolaverunt: anseres autem, ob onus corporum cum mansissent, capti fuerunt.

Fabula significat, & in expugnatione urbis inopes facile fugere, divites autem servire captos.

Testudo & Aquila.

Testudo orabat aquilam, ut se volare doceret. Eâ autem admonente procul hoc à natura ipsius esse, illa magis precibus instabat. Accepit igitur ipsam unguibus, & in altum sustulit; inde demisit. Hæc autem in petras cecidit, & contrita est.

Fabula significat, multos qui in contentionibus prudentiores non audiverunt, seipsos læsisse.

Cerva.

Cerva altero occæcata oculo, in littore pascebatur, sanum oculum ad terram propter venatores habens, alterum vero ad mare, unde nihil suspicabatur. Præternavigantes autem quidam, & hoc conjectantes ipsam sagittarunt: hæc autem seipsam lugebat, quod unde timuerat, nihil passa foret, quod non putabat malum allaturum, ab eo proditam.

Fabula significat, sæpe quæ nobis noxia videntur, utilia fieri: quæ vero utilia, noxia.

Cerva & Leo.

Cerva venatores fugiens, in speluncam ingressa est, in leonem autem ibi cum incidisset, ab eo comprehensa

hensa : moriens autem dicebat, Hei mihi homines fugiens, in ferarum immicissimam incidi.

Fabula significat, multos homines dum parva fugiunt pericula in magna incurrere.

Cerva & Vitis.

CErva venatores fugiens, sub vite delituit. Cum præterissent autem parumper illi, cerva prorsus jam latere arbitrata, vitis foliis pasci incepit. Illis vero agitat, venatores conversi, &, quod erat verum, arbitrati animal aliquod sub foliis occultari, sagittis consecerunt cervam. Hæc autem moriens talia dicebat, Justa passa sum, non enim offendere oportebat, quæ me servârat.

Fabula significat, qui injuriâ benefactores afficiunt, à Deo puniri.

Afinus & Leo.

CUm asino gallus aliquando pascebatur. Leone autem aggresso asinum, gallus exclamavit : & leo (aiunt enim hunc galli vocem timere) fugit. Asinus ratus propter se fugere, aggressus est statim leonem. Ut vero procul hunc persecutus est, quò non amplius galli perveniebat vox, conyersus leo devoravit. Hic vero moriens clamabat, me miserum, & dementem ! ex pugnacibus enim non natus parentibus, cujus gratia in aciem irui ?

Fabula significat, plerisque homines, inimicos, qui se de industria humiliarunt, aggredi, atque ita ab illis occidi.

Olitor & Canis.

Olitoris canis in puteum decidit : olitor autem ipsum illinc extracturus, descendit & ipse in puteum. Ratus autem canis eum accessisse, ut se inferius magis obrueret, conversus olitorem momordit. Hic autem cum dolore reversus, Justa inquit, patior : nam cur inquam sui interfectorem servare studui ?

Fabula iniustos & in ingratos.

Sus & Canis.

Sus & canis mutuo convitiabantur. Et sus jurabat per Venerem, proculdubio dentibus discissuram canem. Canis autem ad hæc dissimulanter dixit, Bene per Venerem nobis juras; significat enim ab ipsa vehementer te amari, quæ impuras tuas carnes degustantem nullo pacto in sacellum admittit. Ei sus, propter hoc igitur magis præ se fert Dea amare me: nam occidentem, aut alio quovis modo lædentem me omnino adversatur; tu tamen male oles & viva & mortua.

Fabula indicat, prudentes oratores, quæ ab inimicis objiciuntur, artificiosè in laudem convertere.

Sus & Canis.

Sus & canis de fœcunditate certabant. Dixit autem canis, se fœcundam esse maxime pedestrium omnium. Et sus occurrens, ad hæc inquit, Sed cum hæc dicis, scito cæcos te catulos parere.

Fabula indicat, non in celeritate res, sed in perfectione judicari.

Serpens & Cancer.

Serpens unà cum cancro vivebat, jnitâ cum eo societate. Itaque cancer simplex moribus, ut & ille astutiam mutaret, admonebat: hic autem minime obediebat. Cum observâset igitur cancer ipsum dormientem, & pro viribus compressisset, occidit. At serpenti post mortem extenso ille ait, Sic oportebat antehac rectum & simplicem esse: neque enim hanc pœnam dedisses.

Fabula indicat, qui cum dolo amicos adveniunt, ipsos offendi potius.

Pastor & Lupus.

Pastor nuper natum lupi catulum reperit ac sustulit, unâque cum canibus nutrit. At cum adolevisset, si quando lupus ovem rapuisset, cum canibus & ipse persequabatur. Cum canes autem aliquando non possent assequi

assequi lupum, atque ideo reverterentur; ille sequebatur, ut, cum ipsum assecutus esset, particeps foret venationis, ut lupus: inde redibat. Sin autem lupus extrâ non rapuisset ovem, ipse clam occidens, una cum canibus comedebat: donec pastor, cum conjectâisset, & intellexisset rem, de arbore ipsum suspendit & occidit.

Fabula significat, naturam pravam bonos mores non nutrire.

Leo & Lupus.

LEO cum consenuisset, ægrotabat, jacens in antro. Accesserunt autem visitatura regem, præter vulpem, cætera animalia. Lupus igitur capta occasione accusabat apud læonem vulpem, quasi nihili facientem suum omnium dominum, & propterea neque ad visitationem profectam. Interim affuit vulpes, & ultima audivit lupi verba. Leo igitur contra eam infremuit. Sed defensionis tempore petito, Et quis inquit, eorum qui conveniunt tantum profuit, quantum ego, quæ in omnem partem circuivi, & medicamentum pro te à medico quæsi & didici? cum autem leo statim ut medicamentum diceret, imperâisset; illa inquit, si lupo vivente excoriato, ipsius callidam pellem indueris. Et lupo jacente vulpes ridens, ait, Sic non oportet dominum ad malevolentiam movere, sed benevolentiam.

Fabula indicat, eum, qui quotidie machinatur, in seipsum laqueum vertere.

Mulier:

MULIER quædam virum ebrium habebat: ipsum autem à morbo liberatura, tale quid commenta est: Aggravatum enim ipsum ab ebrietate cum observâisset, & mortui instar insensatum, in humeros elevatum, in sepulchretum allatum deposuit, & abivit. Cum autem ipsum jam sobrium esse conjectata est, profecta januam pulsavit sepulchreti, Ille autem cum diceret, Quis est qui pulsat

pulsat januam? Uxor respondit, Mortuis cibaria ferens ego adsum. Et ille, Non mihi comesse, sed bibere, & optima, affer: tristem enim me reddis, cum cibi non potus meministi. Hæc autem pectus plangendo, Hei mihi miseræ! inquit, Nam neque astu profui. Tu enim, vir, non solum non emendatus es, sed peior quæque teipso evasisti: in habitum tibi deductus est morbus.

Fabula significat, non oportere in malis actibus immorari: nam & nolentem quandoque hominem consuetudo invadit.

Cygnus.

Vir dives anserem simul & cygnum nutriebat, non ad eadem tamen; sed alterum cantus, alterum mensæ gratiâ. Cum autem oporteret anserem pati ea, quorum causâ nutriebatur, nox erat, & discernere tempus non permisit utrumque; cygnus autem pro anserē abductus, cantat cantum quendam mortis exordium; & cantu significat naturam, mortem verò effugit suavitate canendi.

Fabula significat, sæpe muscen differre mortem.

Æthiops.

Æthiopem quidam emit, talem ei colorem inesse ratus negligentia ejus qui prius habuit: ac assumpto in domum omnes ei adhibuit absterfiones, omnibus lavacris tentavit mundare: at colorem quidem transmutare non potuit, sed morbum dolor paravit.

Fabula significat, manere naturas ut à principio provenerunt.

Hirundo & Cornix.

Hirundo & cornix de pulchritudine contendebant. Respondens autem Cornix, ei dixit: Sed tua pulchritudo verno tempore floret, meum vero corpus etiam hyeme durat.

Fabula significat, durationem corporis decore meliorem esse.

Butalis.

Butalis à fenestrâ quadam pendeat. Vespertilio autem profectus rogavit causam, quare die fileret, nocte caneret.

caneret. Cum autem ea non incassum hoc facere dixisset, (nam die canendo olim capta fuit, & propterea ex illo prudens evasit) vespertilio ait, sed non nunc te cavere oportet, cum nulla utilitas, sed antequam capereris.

Fabula significat, in infortuniis inutilem esse pœnitentiam.

Cochleæ.

Rustici filius assabat cochleas. Cum autem audiret eas stridentes, ait, O pessimæ animantes! domibus vestris incensis vos canitis.

Fabula significat, omne intempestive factum vituperabile.

Mulier & Ancilla.

Mulier vidua operosa ancillas habens, has solebat noctu excitare ad opera, ad gallorum cantus. His vero assiduo defatigatis labore, visum est oportet domesticum occidere gallum, tanquam illum qui noctu excitaret heram. Evenit autem ipsis hoc facto, ut in graviora inciderent mala: nam hera ignorans gallorum horam temporius eas excitabat.

Fabula significat, plerisque hominibus consilia esse malorum causas.

Mulier venefica.

Mulier venefica divinarum irarum propulsiones promittens, multa facere perseverabat, & lucrum inde faciebat. Quidam igitur accusaverunt eam impieratis, & convicerunt, & damnatam duxerunt ad mortem. Videns autem quidam eam duci, ait, Tu quæ decorum iras avertere promittebas, quomodo neque hominum consilium mutare potuisti?

Fabula innuit, multos magna promittentes, ne parva quidem facere posse.

Agricola.

Agricola quidam fodiendo aurum reperit, quotidie igitur terram, ut ab ea beneficio affectus, coronabat,

bat. Huic autem Fortuna adstans inquit, Heus tu, cur terræ mea munera attribuis, quæ ego tibi dedi diratura te? Nam si tempus immutetur, & in aliâ manus hoc tuum aurum eat, scio te tunc me fortunam accusaturum.

Fabula indicat, oportere benefactorem cognoscere, atque huic gratiam referre.

Viatores.

DUO quidam unâ iter faciebant : & cum alter securim reperisset, alter qui non invenit, admonebat ipsum nè diceret, *Inveni*, sed *Invenimus*. Paulo post autem, cum aggrederentur ipsos qui securim perdiderant : qui eam habebat, persequentibus illis, ei qui unâ ita faciebat, dixit *Periimus*. Hic autem ait, *Perii* dic, non *Periimus* : etenim & tunc cum securim invenisti, *Inveni* dixisti, non *Invenimus*.

Fabula declarat, qui non suere participes felicitatum, neque in calamitatibus firmos esse amicos.

Ranæ duæ.

DUÆ ranæ vicinæ sibi erant : pascebantur autem, altera in profundo stagno & procul à viâ ; altera in viâ parum aquæ habens. Verum cum quæ in stagno alteram admoneret, ut ad se migraret, ut tutiore cibo frueretur, illi non paruit, dicens, firmissimè se teneri hujusce loci consuetudine ; quousq; obtigit currum prætereuntem ipsam confringere.

Fabula significat, homines quoque prava aggredientes citius mori, quam intentur in melius.

Apiarius.

IN mellarium ingressus quidam absente domino, favum abstulit. Hic autem reversus ut alveolos vidit inanes, stans, quod in his erat perscrutabatur. Apes autem à pastu redeuntes, ut deprehenderunt ipsum aculeis percutiebant, pessimèque tractabant. Hic autem ad eas, O pessimæ animan-

animantes! furatum vestros favos illæsum dimisistis, me verò saragentem vestri percutitis.

Fabula declarat, sic homines quosdam ob ignorantiam ab inimicis nan cavere, amicos autem ut insidiatores repellere.

Alcedo.

Alcedo avis est solitaria, semper in mari vitamagens: hanc dicitur hominum venationes caventem in scopulis maritimis nidificare. Caterum aliquando paricura, nidum fecit. Egressâ autem eâ ad pabulum, accidit, mare, à vehementi concitatum vento, elevari supra nidum, atque hoc submerso, pullos perdi. Hæc autem reversa, re cognitâ, ait Me miseram, quæ terram ut insidiatricem cavens, ad hoc confugi, quod mihi longe est insidius.

Fabula declarat homines etiam quosdam ab inimicis cavendo, ignaros in multo graviore inimicos incidere.

Piscator.

Piscator in fluvio quodam piscabatur. Extensis autem retibus, & fluxu comprehenso, utrinque funi alligato lapide aquam verberabat, ut pisces fugientes incautè in retia inciderent. Cùm quidam autem ex iis qui circa locum habitabant, id facere videret, increpabat quòd fluvium turbaret, & claram aquam non sineret bibere. Et is respondit, Sed nisi sic fluvius perturbetur, me oportebit esurientem mori.

Fabula declarat, civitatum etiam rectores tunc maxime operari, cum patrias in seditionem induxerint.

Simia & Delphis.

Moris cùm esset navigantibus, Melitenses catulos & simios adducere in solamen navigationis, quidam habebat secum simium. Cùm autem pervenissent ad Sunium Atticæ promontorium, tempestatem vehementem fieri convigit. Navi autem averâ & omnibus nantibus

rantibus, natabat & simius. Delphis quispiam ipsum conspicatus, & hominem esse ratus, digressus levabat, ad terram perferens. Ut vero in Piræo fuit Atheniensium navali, rogavit simium, an genere esset Atheniensis. Cum autem hic diceret, & claris ibi esse parentibus: rogavit, an & Piræum sciret. Ratus autem simius de homine cum dicere, ait, Et valde amicum esse ei, & familiarem. At Delphis tanto mendacio indignatus, submergens ipsum occidit.

Fabula in viros, qui veritatem ignorantes existimant se decipere.

Musca.

IN cellâ quadam melle effuso, muscæ advolantes comdebant: implicitis autem earum pedibus, evolare non poterant. Cum autem suffocarentur, dicebant, Misera nos, quia ob modicum cibum perimus!

Fabula significat, multis gulam multorum malorum esse causam.

Mercurius & Statuarius.

Mercurius scire volens, quanti apud homines esset, ivit in statuarii domum, transformatus in hominem, & visâ statuâ Jovis, rogabat, quanti quis ipsam emere posset. Hic autem cum dixisset, Drachma; risit. Et quanti Junonis, ait. Cum dixisset, Pluris; visâ & suâ ipsius statuâ, ac opinatus (cum nuncius sit deorum, & lucrosus) maximam de se apud homines haberi rationem, rogavit de se. Statuarius verò ait, Si hæc emeris, & hanc additamentum dabo.

Fabula in virum gloriosum, qui nullius apud alios est pretii.

Mercurius & Tiresias.

Mercurius, volens Tiresiæ vaticinium an verum esset cognoscere, furatus ipsius boves, ex rure venit ad ipsum in urbem, similis factus homini, & ad ipsum diver-
sit. Boum autem amissione renunciata Tiresiæ, ille assumpto

sumpto Mercurio exivit, augurium aliquod de fure consideraturus. Et hic jubet dicere sibi quamnam avem viderit. Mercurius autem, primo vidisse aquilam à sinistris ad dextram volantem, dixit: Hic non ad se id esse cum dixisset; secundo cornicem super arbore quadam sedentem vidit, & modo superius aspicientem, modo ad terram declinatam, variè refert. Et is, re cognitâ, ait, Sed hæc cornix jurat per cœlum & terram, si tu velis, meas me recepturum boves.

Hoc sermone uti quispiam poterit adversus virum furacem.

CANES.

HAbens quidam duos canes, alterum venari docuit, alterum domum servare. Cæterùm si quando venaticus caperet aliquid, qui domum custodiebat, particeps unâ cum eo erat cœnæ. Ægre ferente autem venatico, & illi objiciente, quod ipse quotidie laboraret, ille nihil faciens suis nutriretur laboribus; respondens ipse, ait, Non me, sed herum reprehende, qui non laborare me docuit, sed labores alienos comesse.

Fabula indicat, adolescentes, qui nihil sciunt, haud esse reprehendendos, cum eos parentes sic educaverunt.

Maritus & Uxor.

HAbens quidam uxorem, quæ domesticis omnibus inimica erat, voluit scire an etiam erga paternos domesticos ita afficeretur. Quapropter cum rationabili prætextu ad suum patrem ipsam misit. Paucis vero post diebus ea reversa, rogavit quomodo adversus illos habuisset. Hæc vero cum dixisset, Bubulci & pastores me suspectabant; ad eam ait, Sed ô uxor, si eos odisti qui mane greges agunt, serò autem redeunt; quid sperare oportet eos, quibuscum toto conversaris die?

Fabula significat, sepe ex parvis magna, & ex manifestis incerta cognosci.

Hædus

Hædus & Lupus.

HOedus derelictus à grege, persequente lupo, conversus ad eum dixit, O lupe, quoniam credo me tuum cibum futurum, nè injucunde moriar, cane tibia primùm ut saltem. Lupo autem canente tibia, arque hædo saltante, canes cùm audivissent, lupum persecuti sunt. Hic conversus, hædo inquit, Meritò hæc mihi fiunt: oportebat enim me, coquus cùm sim, tibicinem non agere.

Fabula significat, qui ea, quibus natura apti sunt, negligunt, quæ vero aliorum sunt, exercere conantur, in infortunia incidere.

Cancer & Vulpes.

Cancer è mari cum ascendisset, in loco quodam pascebatur. Vulpes esuriens ut vidit, accessit ac eum rapuit. Ille devorandus ait, Sed ego condigna patior, qui, marinus cum sim, terrestri, esse volui.

Fabula significat, homines etiam, qui propriis derelictis exercitiis, & quæ nihil conveniunt aggrediuntur, merito infortunatos esse.

Citharædus.

Citharædus rudis in domo calce incrustatâ familiari-ter, ut solebat, canens, & contrâ resonante in se voce existimabatur valde canorus esse: verum elatus super hoc, cogitavit & theatro sese committere oportere. Profectus verò ad se ostendendum, cum malè admodum caneret, lapidibus ipsum explosum abegerunt.

Fabula significat, ex rhetoribus quosdam, qui in scholis videntur esse aliqui, cum ad res publicas se conferant, nullius pretii esse.

Fures.

Fures in domum quandam ingressi, nihil invenerunt nisi gallum; atque hoc capto abierunt. Hic ab eis occidendus, rogabat, ut se dimitterent, dicens utilem esse hominibus, noctu eos ad opera excitando. Hi autem dixerunt,

runt, Sed propter hoc tanto magis occideris : illos enim excitando, furari nos non finis.

Fabula significat, ea maxime pravis esse adversa, quæ bonis sunt beneficio.

Cornix & Corvus.

Cornix corvo invidens quod is per auguria hominibus vaticinaretur, ob idque crederetur uti futura prædicens, conspicata viatores quosdam prætereuntes, ivit super arborem quandam, stansque valde crocitavit. Illis autem ad vocem conversis & admiratis, re cognita, quidam inquit, Abeamus, heus, vos : cornix enim est quæ crocitavit, & augurium non habet.

Fabula indicat, eodem modo, & homines præstantioribus certantes præterquam quod non ad æqua perveniunt, risu quoque dignos esse.

Cornix & Canis.

Cornix Minervæ sacrificans, canem invitavit ad epulas. Ille autem ad eam dixit, Quid frustra sacrificia absumis ? Dea enim adeo te odit ut ex peculiaribus quoque tibi auguriis fidem sustulerit. Cui cornix, ob id magis ei sacrificio, ut reconcilietur mihi.

Fabula significat, plerosque ob lucrum non vereri inimicos beneficiis prosequi.

Corvus & Serpens.

Corvus sibi indigens, ut serpentem in aprico quodam loco dormientem vidit, hunc devolando rapuit. Hic cum se vertisset, atque momordisset ipsum, corvus moriturus dixit, Me miserum, qui tale reperi lucrum, quo etiam pereo !

Fabula in virum, qui ob thesaurorum inventionem de salute periclitatur.

Monedula ac Columba.

Monedula, in columbario quodam columbis visis bene nutritis, dealbavit sese, ivitque ut & ipsa

codem

eodem cibo impertiretur. Hæ vero, donec tacebat, ratæ
eam esse columbam, admiserunt: sed cum aliquando ob-
lita, vocem emisisset, tunc ejus cognita natura, expule-
runt percutiendo: eaque privata eo cibo, rediit ad mo-
nedulas rursus: & illæ, ob colorem cum ipsam non no-
scerent, à suo cibo abegerunt, ut duorum appetens neu-
tro potiretur.

*Fabula indicat, oportere & nos nostris contentos esse, conside-
rantes avaritiam, præterquam quod nihil juvet, auferre sepe &
que adsunt bona.*

Monedula.

Monedulam cum quis cepisset, & pedem alligasset filo,
suo tradidit filio. Hæc non ferendo victum inter
homines, ubi parumper libertatem nacta est, fugit, in suum-
que nidum se contulit. Circumvoluto vero ramis vinculo
evolare haud valens, cum moritura esset, secum loqueba-
tur. Me miseram, quæ apud homines non ferendo servi-
tutem incaute meâ me viâ privavi!

*Fabula indicat, nonnunquam quosdam, cum se à mediocribus
student periculis liberare, in majora incidere.*

Mercurius.

Jupiter Mercurio jussit, ut artificibus omnibus mendacil
medicamentum misceret: hic, eo trito & ad mensuram
facto, ex æquo singulis miscet. Cum vero, solo relicto
futore, multum superesset medicamenti, totum acceptum
mortarium ei miscuit: atque hinc contigit artifices omnes
mentiri, maxime vero omnium sutores.

Fabula in mendaces artifices.

Jupiter.

Jupiter, formatis hominibus, omnes illis effectus indi-
dit, solum inderè pudorem oblitus est. Quapropter non
habens undenam ipsum introduceret, per turbam ingredi
cum jussit. Hic vero primum indigne ferens, contradice-
bat: vehementius vero eo instante, ait, Sed ego sane his
ingre-

ingredior pactis, si amor non ingrediatur: sin ingrediatur, ipse exibo quamprimum. Ex hoc sane evenit, omnia scorta invecunda esse.

Fabula significat, captos amore invecundos esse.

Jupiter.

Jupiter nuptias celebrans, omnia animalia accipiebat: solâ vero testudine tardè profectâ, admirans causam tarditatis, rogavit eam quamobrem ipsa ad cœnam non accesserat. Cum hæc dixisset, Domus chara, domus optima; iratus ipsi, damnavit ut domum bajulans circumferret.

Fabula significat plerosque homines eligere, parcè potius apud se vivere, quam apud alios lautè.

Lupus & Oves.

Lupus à canibus morsus, & male affectus, abjectus jacebat. Cibi vero indigens, vîsa ove rogabat ut potum ex præterfluente flumine sibi adferret: Si enim tu mihi, inquit, dederis potum, ego cibum mihi ipsi inveniam. Illa, re cognitâ, ait, Sed si ego potum tibi do, tu & cibo me uteris.

Fabula quadrat in virum maleficum, per simulationem insidiantem.

Lepores.

Lepores olim belligerantes cum aquilis, invocarunt in auxilium vulpes. Hæ autem dixerunt, Vobis auxiliaremur, nisi sciremus qui vos sitis, & cum quibus prælicimini.

Fabula significat, eos qui cum præstantioribus certant, suam salutem contemnere.

Formica.

Quæ nunc formica, homo olim fuit; hic agriculturæ assidue incumbens, non erat propriis laboribus contentus, sed & vicinorum fructus surripiebat. Jupiter autem indignatus hujus avaritiâ, transmutavit eum in hoc

hoc animal, quæ formica appellatur. Verum cum mutasset formam, non & affectum mutavit: nam usque nunc arva circumeundo, aliorum labores furripit, & sibi recondit.

Fabula indicat, natura pravos, etsi maxime speciem transmutaverint, mores non mutare.

Vespertilio & Mustela.

Vespertilio in terram cum cecidisset, à mustela captus est; & cum occidendus esset, pro salute rogabat. Hæc vero dicente, non posse ipsam dimittere, quod natura volucris omnibus inimica foret; ait, non avem, sed murem esse; & sic dimissus est. Deinde autem cum iterum cecidisset, & ab alia mustela captus esset, ne voraretur orabat. Hæc autem dicente, cunctis se inimicam esse muribus; hic, Non mus, sed vespertilio sum, dicebat; & rursus dimissus est: atque ita evenit, bis mutato nomine, salutem consecutum fuisse.

Fabula indicat neque nos in eisdem semper esse oportere, considerantes eos qui ad tempus mutantur, plerumque pericula effugere.

Viatores.

Viatores secundum littus quoddam iter facientes ivērunt in speculam quandam, & ibi conspicati sarmenta procul natantia, navem esse magnam existimārunt: quamobrem exspectaverunt, tanquam appulsura ea esset. Cum vero à vento lata sarmenta proprius forent, non navem amplius, sed scapham videre videbantur. Advectis autem illis, cum sarmenta esse vidissent, inter se dixerunt, Ut nos igitur frustra quod nihil est exspectabamus!

Fabula indicat, nonnullos homines, qui ex improvviso terribiles esse videntur, cum periculum feceris, nullius esse pretiū.

Asinus Silvestris.

Asinus Silvestris, asino visō domestico in loco quodam aprico; profectus ad ipsum, beatum dicebat

poris habitudine & cibi perceptione. Deinde autem cum vidisset eum ferentem onera, & agasonem retro sequentem & baculis ipsum percutientem, ait, Ast ego non amplius beatum te existimabo: video enim non sine magnis malis habere te felicitatem.

Fabula indicat, non esse emulanda lucra, in quibus insunt pericula & miserie.

Asini.

A Sini olim, propterea quod assidue onera ferrent, & fatigarentur, legatos miserunt ad Jovem, solutionem laborum petentes. Hic autem ostendere ipsis volens id non posse fieri, ait, Tunc eos liberatum iri laboribus, cum mingendo fluvium fecerint. At illi cum veram dicere existimantes, ex illo & nunc usque ubi aliorum urinam viderint asinorum, illic & circumstando mingunt.

Fabula indicat, unicuique quod fatale est incurabile esse.

Asinus & Vulpes.

A Sinus indutus pelle leonis vagabatur, reliqua bruta perterrendo. Cæterum visa vulpe, tenravit & hanc perterrefacere. Hæc autem (casu enim ipsius vocem audiverat) ad ipsum ait, Compertum habeto, quod & ego timuissem, nisi rudentem audivissem.

Fabula significat, nonnullas indoctos, qui iis qui extra sunt aliqui esse videntur, ex sua linguacitate redargui.

Asinus & Rana.

A Sinus ligna ferens, pertransibat paludem quandam. Lapsus autem ut decidit, nec surgere posset, lamentabatur ac suspirabar. Ranae autem quæ erant in palude, auditis suspiriis, Heus tu, dixerunt; quid faceres, si tanto hic tempore, quanto nos, fuisses, cum, quia paululum cecidisti, sic lamenteris?

Hoc sermone uti quisquam poterit in virum segnem, qui ob minimos quosque labores tristatur, cum ipse majoribus facile resistat.

M

Asinus

Asinus & Corvus.

A Sinus ulcerato dorso in prato quodam pascebatur. Corvo autem insidente sibi, & ulcus percutiente, asinus rudebat ac saltabat. Sed agasone procul stante, ac ridente, lupus prateriens ipsum vidit, & dixit, Miser! nos, quos si tantum viderit, persequitur; huic autem & arrider.

Fabula declarat, maleficos homines si tantum appareant, dignosci.

Asinus & Vulpes.

A Sinus & Vulpes, inita inter se societate, exiverunt ad venationem. Leo vero cum occurrisset ipsis, vulpes imminens periculum videns, profecta ad leonem tradituram ei asinum pollicita est, si sibi impunitatem promiserit. Qui cum dimissuram eam dixisset, illa, adducto asino, in casses quosdam ut incideret, fecit. Sed leo videns illum fugere minime posse, primum vulpem comprehendit, deinde sic ad asinum versus est.

Fabula indicat, eos qui sociis insidiantur, & seipsos nescios perdere.

Gallina & Hirundo.

G Allina serpentis ovis inventis, diligenter calefacta excludit. Hirundo autem cum eam vidisset, ait, O demens, quid hæc nutris, quæ cum excreverint à te primo injuriam auspicabuntur?

Fabula significat, implacabilem esse pravitatem, licet afficiatur maximis beneficiis.

Camelus.

Cum primum visus est camelus, homines perterriti, magnitudinem admirari, fugiebant. Ubi vero procedente tempore cognoverunt ipsius mansuetudinem, confisi sunt eo usque ut ad eum accederent. At intellecto paulo post, belluæ non inesse bilem, eo contemptius ivere ut frana ei imponerent, & pueris agendum traderent.

Fabula indicat, terribiles res consuetudine contemptibiles fieri.

Serpens

Serpens.

Serpens à multis hominibus pessundatus, Jovem postulavit : Jupiter autem ad eum dixit, Si qui prior conculcavit pupugilies, nequaquam id facere secundus aggreffus fuisset.

Fabula significat, eos qui prius invadentibus resistunt, aliis formidolosos fieri.

Columba.

Columba siti correpta, ut vidit quodam in loco poculum aquæ depictum, verum rata, arque multo elata impetu, inscia in tabulam offendit, usque adeo ut peninis ipsius perfractis in terram decideret, atque à quodam occurrentium caperetur.

Fabula indicat, nonnullos homines ob vehementes alacritates inconsultores aggredientes injicere sese in perniciem.

Columba & Cornix.

Columba in columbario quodam nutrita fœcunditate superbiebat. Cornix vero ea audita, ait, Heus tu, define hâc re gloriari : nam quo plures paries, eo plus mœoris accumulæ.

Fabula significat, ex famulis quoque eos esse infelicißimos qui in servitute multos filios procreant.

Dives.

Dives duas habens filias, altera mortua præficas conduxit. Cum vero altera filia dixisset, Ut nos miræ ! ipsæ, ad quas pertinet luctus, lamentari nescimus : hæ vero quibus non est necessarium, vehementer plangunt : Mater ait, Ne mirare filia, si hæ ita lamententur : nam nummorum gratia id agunt.

Fabula indicat, nonnullos homines ob avaritiam non vereri alienis calamitatibus questum facere.

Pastor.

Pastor, actis in quercetum quoddam ovibus strata sub quercu veste ascendit, & fructum decutiebat. Oves vero inter edendum glandes, nesciæ, & vestes unâ devorarent. At cum pastor descendisset, & quod erat actum vidit ; O pessima, ait, animalia ! vos exteris vel-

lera ac vestes præbetis ; à me vero, qui vos nutrio, & vestem surripitis.

Fabula indicat, plerosque homines ob dementiam, eos qui nihil ad se attinent, beneficio afficere, in domesticos mala operari.

Bubulcus.

Bubulcus armentum taurorum pascens, amisit virulum; lustrando omnem solitudinem, indagando moram traxit: Ubi invenire nihil potuit, precatus est Jovem, si furem qui vitulum cepit, ostenderet, hædum in sacrificium oblaturum. Cæterum proficiscens in quercetum quoddam invenit leone evorari vitulum. Trepidus igitur & perterrefactus, elevatis manibus suis in cælum, ita, O domine Jupiter, promiseram tibi hædum me datum esse, si furem invenirem; nunc taurum tibi recipio sacrificaturum, si hujus manus effugero.

Fabula in homines infortunatos, qui dum quippiam amiserint, percantur ut inveniant, cum invenerint, querunt effugere.

Aquila.

Supra petra aquila sedebat leoprem raptura: hanc autem quidam percussit sagitta, quæ intra ipsam ingressa est, sed crena cum pennis ante oculos stabat: quam cum vidisset, Et hoc mihi, ait, altera mœstitia, quod propriis pennis inteream.

Fabula significat, durum esse, cum quis à suis pericula patiatur.

Vermis & Vulpes.

Qui sub cceno celabatur vermis, super terram egressus, dicebat omnibus animalibus, Medicus sum medicaminum doctus, qualis est Pæon deorum medicus. Et quomodo, ait vulpes, alios curans, te ipsum claudum non curas?

Fabula indicat, nisi præsto experientia fuerit, omne verbum inane esse.

Gallina auripara.

Gallinam quis habens ova aurea parientem, ratus intra ipsam auri massam inesse, occisam aliis gallinis similem

similem reperit. Sic multum sperans se inventurum divitiarum, etiam exiguis illis privatus est.

Fabula indicat, oportere contentum esse presentibus, & fugere inexplabilitatem.

Lupus & Vetula.

Lupus esuriens circumibat quærendo cibum. Profectus autem ad locum quendam, auditur lugentem puerulum, eique dicentem anum, Desine plorare: sin minus, hâc horâ tradam te lupo. Ratus igitur lupus seriò loqui aniculam, exspectabat ad multam horam; sed cum advenisset vespera, audit rursus anum blandientem puerulo, ac, dicentem, si venerit lupus huc, interficiemus eum, fili. His auditis, lupus eundo dicebat, In hoc tugurio aliud dicunt, aliud faciunt.

Fabula quadrat in homines, quorum facta verbis non respondent.

De Culice & Leone.

Cullex ad leonem accedens, ait, neque timeo te, neque fortior me es. Minus mihi adesse virium ideo existimas, quod laceres unguibus, & dentibus mordeas? Hoc & foemina cum viro pugnans facit. Ego vero longè sum te fortior. Si vero vis, veniamus ad pugnam. Et cum tuba cecinisset, culex inhæsit mordens circa nares ipsius & genas. Leo autem propriis unguibus dilaniavit se ipsum, donec indignatus est: culex autem, victo leone, cum sonuisset tuba & epinicia cecinisset, evolavit. Araneæ vero vinculo implicitus, cum devoraretur, lamentabatur, quod cum maximis pugnans, à vili animali araneâ occideretur.

Fabula quadrat in eos qui prosternunt magnos & à parvis prosternuntur.

FINIS.

Sales, five Facetiæ multum jucundæ, selectæ ex libello *Poggii* Florentini, Oratoris eloquentissimi.

De Pigritia Adolescentis.

Bonatus adolescens facetus è familia Galiscorum, dum essemus Constantiæ, admodum tardè surgebat è lecto. Cum socii eam raritatem culparent, quidve tam diu in lecto ageret, percontarentur: subridens respondit, Litigantes disceptantésque ausculto. Adfuit enim mahè mihi è vestigio, cum expergiscor, duæ habitu muliebri, Sollicitudo videlicet & Pigritia. Quorum altera surgere horratur, & aliquid operis facere, neque diem in lecto terere: altera, priorem increpans, quiescendam inquit, & propter frigoris vim in calore lecti permanendum, indulgendumque corporis quieti, neque semper laboribus vacandam. Prior insuper rationes suas tnetur: ità ut cum diutius disputent atque altercentur, ego tamen æquus iudex, in nullam partem declinans, audio disputantes, expectans quoad sint sententiâ concordēs. Hoc fit ut surgam tardius, expectans litigii finem.

De Gallo & Vulpe.

Esurians quondam vulpes, ad decipiendas gallinas quia gallò duce arborem excelsiorem, quò sibi aditus non erat, ascenderant, ad gallum blande accessit: quem comiter cum salutasset, Quid in excelso agis? inquit. Nunquid non audisti nova hæc recentia tam salutaria nobis? Nequaquam cum gallus respondisset; Atqui prænuntia huc accessi, ait, ad communicandum tecum alacritatem. Animalium omnium concilium celebratum est, in quo pacem perpetuam omnium inter se firmârunt,

ita

ita ut omni sublato timore, nulli ab altero infidiæ aut injuræ fieri amplius queant, sed pace & concordia omnes fruantur: licet abire unicuique, vel soli, quo velit secure. Descendito igitur, & hunc festum agamus diem. Agnitâ vulpis falaciâ gallus, Bonum, inquit, adfers nuncium, & mihi gratum, & collum altius protendens, prospecturoq; longius & admiranti similis, in pedes se erexit. Tum, Quidnam aspicias? vulpes cum dixisset: Duos, inquit, magno cursu, ore patulo, adventantes canes. Tum tremebunda vulpes, Valeto, inquit, mihi fuga expedit, antequam illi adventant; & simul cœpit abire. Huic gallus, Quonam fugis, aut quid times? ait, Siquidem pace constituta nihil timendum: Dubito, inquit vulpes, an canes isti audierint decretum pacis.

Hoc pacto dolo elusus est dolus.

De muliere obstinatâ, quæ Virum pediculosum vocavit.

Mulier quædam è nostris admodum viro contraria, semper verbis ejus objurgando refragabatur, persistens in eo quod cœperat, ita ut superior esse vellet. Habita semel cum viro gravi altercatione, maritum pediculosum vocavit. Ille, ut verbum illud retractaret, uxorem verberibus contundebat, pugnis cædens ac calcibus. Quo magis cædebatur, eo plus illa pediculosum appellabat. Vir tandem verberando lassus, ut uxoris pertinaciam superaret, per funem in aquæ puteum demisit, suffocaturum se dicens, nisi verbis ejusmodi abstineret. Instantius perseverabat, etiam in aqua ad mentum usque constituta, verbum illud continuans. Tum vir, ne amplius loqui posset, in puteum demersit, tentans si eam mortis periculo à verborum pertinacia posset avertere. At illa, loquendi facultate ademptâ, etiam dum suffocaretur, quod loqui nequibat, digitis exprimebat: nam manibus super caput erectis, atque unguibus utriusq; pollicis conjunctis, saltem quo potuit gestu, viro pediculosos objiciebat. Unguibus enim eorum digitorum pediculi à fœminis occidi consueverant.

De eo qui uxorem in flumine peremptam querebat.

Alter uxorem quæ in flumine perierat quærens, adversus aquam proficiscitur. Tum quidam admiratus, cum deorsum secundum aquæ cursum illam quærendam admoneret; Nequaquam hoc modo reperitur, inquit: Ista enim dum vixit, difficilis ac morosa fuit, reliquorumq; moribus contraria, ut nunquam nisi contrario & adverso flumine, etiam post mortem, ambulet.

De Sacerdote qui Caniculum sepelivit.

ERat sacerdos rusticanus in Thuscia admodum opulentus. Hic caniculum sibi charum, cum mortuus esset, sepelivit in cœmeterio. Sensit hoc episcopus, & in ejus pecuniam animum intendens, sacerdotem, velut maximi criminis reum, ad se puniendum, vocat. Sacerdos, qui animum episcopi satis noverat, quinquaginta aureos secum deferens, ad episcopum devenit. Qui sepulturam canis graviter accusans, jussit ad carcerem sacerdotem duci. Hic vir sagax, O Pater, inquit, si nosceres prudentiam caniculi, non mirareris si sepulturam inter homines meruit: fuit enim plusquam ingenio humano tum in vitâ, tum præcipue in morte. Quidnam hoc est, ait episcopus? Testamentum, inquit sacerdos, in fine vitæ condens, sciensque egestatem tuam, tibi quinquaginta aureos ex testamento reliquit, quos mecum detuli. Tum episcopus testamentum & sepulturam comprobans, acceptâ pecuniâ, sacerdotem absolvit.

De Milite qui uxorem habuit litigiosam.

HAbebat Florentinus, Eques admodum nobilis, uxorem litigiosam ac perversam, quæ quotidie ad religiosum confessorem, vel (ut aiunt) devotum suum querelas viri & vitia deferebat. Hic equitem reprehendebat objurabatque. Aliquando verbis admonitus uxoris, & ut pacem inter eos poneret, rogavit virum ad confessionem peccatorum: qua facta non dubitat conventuram inter eos concordiam. Paruit eques. Et cum religiosus eum sua peccata explorare jussisset, Nequaquam est opus, inquit; quicquid enim nunquam commisi, & multo plura etiam, ab uxore sæpius tibi recitata extiterunt.

Fact:

Facetissimum de Sene quodam, qui asinum portavit super se.

Dicebatur inter secretarios Pontificis, eos qui ad vulgi opinionem viverent, miserrimâ premi servitute; cum nequaquam possibile esset, cum diversa sentirent, placere omnibus, diversis diversa probantibus. Tum quidam ad eam sententiam fabulam retulit, quam nuper in Alemanniâ scriptam factâque vidisset. Senem ait fuisse, qui cum adolescentulo filio, præcedente absque onere asello, quem venditurus erat, ad mercatum proficiscebatur. Prætereuntibus viam, quidam in agro opus facientes senem culpârunt, quod asellum nihil ferentem neque pater, neque filius ascendisset, sed vacuum onere sinerent, cum alter præ senectute, alter præ ætate tenerâ, vehiculo egeret. Tum senex, adolescentem asino imposuit, ipse pedibus iter faciens, Hoc alii conspicientes culpârunt stultitiam senis, quod adolescente, qui validior erat, super asinum posito, ipse ætate confectus pedibus asellum sequeretur. Is mutato consilio, atque adolescente deposito, ipse asinum ascendit. Paululum verò progressus, audivit alios se culpantes, quod parvulum filium, nullâ ratione ætatis habitâ, tanquam servum post se traheret, ipse asello (qui pater erat) insidens. His verbis permotus, filium secum asello superimposuit, hoc pacto iter sequens. Interrogatus autem ab alijs, an suus esset asellus; cum annuisset, castigatus est verbis, quod ejus, tanquam alius, nullam curam haberet, minime apti ad tantum onus, cum satis unus ad ferendum esse debuisset. Hic homo perturbatus tot sententiis, cum neque vacuo asello, neque ambobus, neque altero superimposito, absq; calumpnia progredi possit, tandem asellum pedibus junctis ligavit, atque baculo suspensum, suo filiiq; collo superimpositum, ad mercatum deferre cœpit. Omnibus propter novitatem spectaculi ad risum effusis, ac stultitiam amborum, maximè verò patris, increpantibus; indignatus illè, supra ripam fluminis consistens, ligatum asinum in flumen dejecit, atque ita misso asino domum redit. Ità bonus vir, dum omnibus placere cupit, nemini satisfaciens, asinum perdidit.

De Homine qui in somniis Aurum reperiebat.

Amicus quidam noster aurum à se repertum noctu per somnium referebat in cœtu. Tum quidam, Vide nè tibi accidat, ait, quod meo vicino, cui aurum in stercus occidit. Cùm somnium narrari posceremus, Vicinus, inquit, noster somniavit, ductum se à dæmone in agrum ad aurum effodiendum: cum multum reperisset, Non licet, inquit dæmon, nunc auferre, sed signa locum, ut cognoscei à te solo queat. Cum alter, quo signaculo uteretur, peteret; Caca hic, inquit dæmon, nam hoc maxime modo nullus hic aurum esse suspicabitur, & tibi soli res notâ erit. Annuit vir; & statim expergefactus, sensit in lecto ventrum admodum laxâsse. Inter scœtorem & stercus cum surrexisset, domo exiturus capiti capitium ultimò imposuit, in quo catus eâ nocte stercus fecerat; iniquo scœtore permotus, inquinatum caput & cæsariem lavit. Ita aureum somnium in merdam rediit.

De derisione hominis Porcum occidere volentis.

Moserat in oppido quodam Piceni, ut qui hyeme porcum occidisset, viciniam ad cœnam iuvisset. Quidam, quo pacto eam impensam vitaret, compatrem consulit. Dic (inquit ille) cras, porcum tibi hac nocte furto ablatum. Et simul, nihil tale illo verente, quidam clam porcum nocte furto surripuit. Mane conspiciens sibi porcum ablatum, ad compatrem profectus, altâ voce querebatur, porcum sibi furto surreptum. Tum alter, Recte, compater mi, sapis, inquit; ita enim te docui loquurum. Cum ille sapius & per omnes deos juraret id verum esse, Bene agis, respondebat, & secundum consilium meum. Cum ille juramento iteraret: Hoc modo te loqui debere antea monui respondebat, & sanum consilium dedi tibi. Tandem elusus abiit.

De Vulpe à Rustico in palea absconditâ.

Vulpes olim fugiens in veratione canes, diveriit ad rusticum, qui in arêâ triticum terebat, rogans ut à canibus se rueretur: & simul polliceita est nunquam se ejus pullos gallinaceos læsuram. Annuit rusticus conditioni; & sum-

& sumptis paleis furculâ vulpem rexit. Advenit unus & item alter ex venatoribus vulpem quærens; rogabant autem rusticum, nunquid vulpem fugientem vidisset. & iter ejus. Ille verbis vulpem per certam viam defugisse, vultu verò & oculis latere sub paleis innuebat. Illi potius ad verba quàm ad nutum respicientes, abierunt. Tum rusticus detectâ vulpe, Serva, inquit, modò promissa: nam verbis meis evasisti, cum dicerem abiisse. At illa, quæ sibi timens per rimam inter paleas rusticum contemplabatur diligenter, Verba tua, inquit, bona fuere, sed actus satis mali.

Dictum in eos, qui aliud verbis, aliud re agunt.

De Florentino qui Equum emerat.

NOtus mihi Florentinus, Romæ empturus necessario equum, pactus est cum venditore qui 25 aureos pretium carius equo, postulabat; se 15. daturum in præsentia, reliquorum verò se debitorem ejus esse velle, annuit. Venditor postridie cum residuum posceret, solutionem recusans, Servabo conventa, emptor inquit: Pepigimus quidem ut debitor tuus sim futurus; si autem tibi satisfacero, non sum debitor tuus amplius futurus.

De Ægyptio hortato ad fidem.

HORTATUS est Christianus quendam infidelem Ægyptium, quocum sibi diutina vitæ consuetudo fuerat, cum is in Italiam venisset, ut semel interesset in Ecclesia dum missa solennis celebraretur. Assentitur ille, & missæ interfuit cum Christianis. Rogatus deinde in cœtu, quid sibi de ceremoniis & solennitate officii videretur; respondit, Omnia rectè ex ordine, præter unum, sibi videri: nullam enim charitatem in ea missa esse servatam; cum unus solum, reliquis esurientibus, comedisset ac bibisset, nulla portione cibi ac potus reliquis impensa.

Facetum

Facetum hominis dictum, Asinum erudire promittentis.

TYrannus, ad exhauriendum bona subditi qui se multa facturum jactitabat, sub gravi pœnâ præcepit, ut asinum literas doceret. Ille impossibile ait fore, nisi multum temporis sibi in erudiendo asino concederetur. Petere quantum vellet jussus, decennium impetravit. Deridebatur ab omnibus, quoniam rem impossibilem suscepisset. Ille amicos consolatus, Nihil timeo, ait: nam interim aut ego moriar, aut asinus, aut dominus. Quibus verbis ostendit salutare esse, rem difficilem in longum protrahi atque differri.

*De Sacerdote, Epiphania an vir esset vel
fœmina, ignorante:*

SOcius quidam de festo Epiphaniæ narravit mihi stultitiam sacerdotis contribulis sui. Sacerdos fuit, inquit, qui populo nuntians Epiphaniæ celebritatem futuram, Cras, ait, summâ devotione veneremini Epiphaniam: maximum est enim & præcipuum festum. Nescio an vir fuerit vel fœmina: sed quisquis exstiterit, à nobis est summo timore hic dies custodiendus.

De Cantilenâ Tabernario placitâ.

VIATOR quidam esuriens, cum divertisset ad cauponulam, ventrem tibiis potuque implevit. Petenti pecuniam ait, nullos sibi esse nummos, sed cantilenis se satis esse facturum. Tabernarius, non cantu, sed pretio sibi opus esse, respondit. Cui alter, Si eam cantionem dicam quæ placeat tibi, num eâ pro pecunia contentus eris? Annuente caupone, cœpit viator canere; & an ea placeret, interrogavit. Cùm abnuisset caupo, unam & deinde alteram cecinit. Nullo cantu sibi satisfieri ille testatus est. Hic viator, Dicam ergo nunc, inquit, eam quæ tibi sit placitura: & accepto marsupio, dissolventi similis, cœpit cantionem quâ viatores uti consueverunt, *Metti mano alla borsa, & paga l'hoste*: Hoc est, Mitte manum ad bursum, & satisfac hospiti. Hoc dicto, nunquid illa sibi placeret, rogat. Placet hæc, inquit hospes. Tum viator, Satisfactum est tibi ex pacto, ait, postquam hæc cantio placuit tibi. Itaq; absq; solutione discessit.

De Sancti Antonii fratre, & Laico, & Lupo.

Religiosus ex his quæstuariis qui pro sancto Antonio eleemosynam petunt, agricolæ ad dandum sibi necio quid frumenti persuasit ea pollicitatione, ut assereret omnes res suas, & oves præsertim; per cum annum salvas & incolumes fore. Hujusmodi rusticus promissis fidens cum oves licentius vagari permisisset, lupo plures ex eis comedit. Qua ex re indignatus villicus, cum altero anno quæstuaris pro frumento rediret, negavit se quidquam daturum, & simul questus est, inanes ejus fuisse pollicitationes. Sciscitanti causam fratri respondit villicus, à lupo oves suas raptas. A lupo? inquit alter. Ohe, mala est bestia & absque fide. Cave tibi ab eo: non enim sanctum Antonium tantum, sed ipsum Christum, si posset, falleret. *Stultum est his fidere quorum exercitium in fraudando consumitur.*

Ridenda, de paucitate amicorum Dei, responsio.

Ad ægrum quandam, civem nostrum perfacerem, qui gravi morbo diutius torquebatur, accessit Religiosus, hortandi gratia. Cui quidem, inter cætera consolationis verba, dixit, Solere Deum, quos diligit, hoc pacto castigare, & incommodis afficere. Non mirum est, inquit ægrotus, si tam paucos amicos habet: habiturus, si ita tractaret eos, etiam pauciores.

De Medico qui insanos curabat.

Plures colloquebantur de supervacua cura (ne dicam stultitia) eorum, qui canes & accipitres ad aucupium alunt. Tum Paulus Florentinus, Recte hos, inquit, risit stultus Mediolanensis. Cum narrari fabulam posceremus, Fuit, inquit, olim civis Mediolani, dementium & insanorum medicus, qui ad se delatos infra certum tempus sanandos suscipiebat. Erat autem curatio hujusmodi: Habebat domi aream, & in ea lacunam aquæ foetidæ atque obsecnæ, in qua nudos ad palum ligavit eos qui insani adducebantur; alios usq; ad genua, alios inguinibus tenus, nonnullos profundius, pro insaniam modo: ac eos tamdiu aqua & inedia macerabat, quoad viderentur sani. Allatus est inter cæteros quidam, quæ usq; ad femur in

aquam

quam posuit : qui post quendecim dies cœpit resipiscere ac curatorem rogare, ut ex aqua reduceretur. Ille hominem exemit à cruciatu ; ea tamen conditione, ne aream egrederetur. Cum diebus aliquot paruisset, ut universam domum perambulet, at exteriorem januam non egrederetur, permisit : reliquis sociis, qui plures erant, in aqua relictis, paruit diligenter medici mandatis. Stans vero aliquando super ostium (neque enim egredi audebat, timore lacunæ) advenientem equestrem juvenem cum accipitre & duobus canibus, ex his qui sagaces dicuntur, ad se vocavit, morus rei novitate : neque enim quæ ante insaniam viderat, tenebat memoriâ ; cum accessit juvenis, Heus tu, inquit ille, ausculta ; ora, mihi paucis, si libet, responde. Hoc quo veheris quid est ; Et quamobrem illud tenes ? Equus, inquit ; & aucupii gratia. Tum deinceps, Verum hoc quod manu gestas quid vocatur ? Et in qua re illo uteris ? Accipiter respondit ; & aucupio aptus querquedularum & perdicum. Tum alter, Hi qui te comitantur qui sunt ? age, & quid. Profunt tibi ? Canes ait, & quidem aucupio accommodati ad investigandas aves. Hæ autem aves, quarum capiendarum causa tot res paras, ejus pretii sunt, si in unum conferas totius anni capturam ? Parum quid nescio, cum respondisset, & quod sex aureos non excederent : subdit homo, Quanam est equi, canumque, & accipitris impensa ? Quinquaginta aureorum affirmavit. Tum admiratus stultitiam equestris juvenis ; Ho, ho inquit, abi hinc ocyùs, oro atque adeo avola, antequam medicus domum redeat : nam si te hic compererit, veluti insanissimum omnium qui vivunt, in lacunam suam conjiciet curandum cum cæteris mente capris, atque ultra omnes, usque ad mentum in aquam summum collo-cabit.

Ostendit aucupii porro studium summam esse dementiam, nisi aliquando, & ab opulenti exercitii gratiâ fiat.

Facetissimam consilium Minacii ad rusticum.

Rusticus cum castaneam arborem ad excutiendos fructus ascendisset, decidens ex eâ costam effregit pectoris. Hunc ad consulendum accessit Minacius quidam, homo perfacetus : qui inter loquendum daturum se illi normam dixit, qua servata nunquam ex arbore caderet. Vellem hoc antea inquit æger, consuluisses, atramen in futurum poterit prodesse. Tum Minacius, Fac semper, inquit, ne sis celerior in descensu quam in ascensu ; sed ea qua ascendis tarditate, descendas : hoc pacto nunquam precipitem te agas.

Ejusdem Minacii lusoris responsio.

Idem Minacius cum aliquando nummulos & vestes insuper ad taxillos lusisset (egens enim erat) flens ad ostiolum tabernæ cujusdam sedebat. Videns moerentem flentemque amicus, Quidnam est tibi ? inquit. Nihil Minacius ait. Curnam ergo, si nihil habes, ploras ? Hoc solum quod nihil habeo, inquit. Admiratus ille, Quare ergo si nihil habes, ploras ? ait. Ob hanc ipsam causam, respondit, quoniam nihil est mihi. Alter nihil causæ cur ploraret intelligebat : alter nihil sibi reliquum superesse à ludo plorabat.

De Paupere Monoculo, qui frumentum empturus erat.

TEmpore quo Florentiæ summa aliquando erat annonæ caritas, accessit pauper luscus ad forum, quosdam sextarios frumenti (ut dicebat) empturus. Rogavit hunc in foro percontantem pretium quidam alter superveniens, quanti sextarius frumenti venderetur : Hominis oculo, inquit, constat : designans his verbis annonæ caritatem. Hoc audiens sciolus, qui aderat, puer, Cur tu ergo ait, tam grandem saccum portasti, cum non amplius quam unum sextarium possis emere ?

Fabula Mancini.

MAncinus vir rusticus oppidanus meus frumento ad Figignum castrum asellis vehendo exercebatur; quos ille complures ad vecturam sumebat. Cum ille semel à mercatu rediens, fessus è via, ascendisset asinum quendam præstantiorem, computatis in via asinis præibat, domo appropinquans; eoque quo vehabatur minime annumerato, visum est ei unum deesse. Turbatus igitur, ac reliquis asinis uxori quos restitueret commendatis, confestim eo asino quo ferebatur ad mercatum septem millibus passuum retrocedit; quærensque à singulis obviis an asinum quempiam amissum reperissent; cum omnes negarent, domum noctu mœrens, & dolens iacturam asini, rediit. Tandem etiam ab uxore admonitus, cum descendisset, illum, quem tanto studio & dolore quæsierat, asinum esse cognovit.

De illo qui aratrum super humerum portavit.

Alter, Pierus nomine, admodum ineultus, cum usque ad meridiem arâisset, fessis bobus & ipse labore fatigatus, rediturus in oppidum, aratrum super asellum alligat: deinde asellum, præmissis bobus, ascendit. Qui cum nimio onere gravatus sub pondere deficeret, sensit tandem Pierus asellum ire non posse. Tum descendens, atque aratrum super humerum ponens, rursus asellum ascendit, inquires, Nunc recte ambulare potes; non enim tu sed ego aratrum fero.

FINIS.

d
;
e-
m
i-
i-
-
n
s
s
b
-
n

e
i
e